

# *MUNZI OTAHA WA MUNYALI*

## *WA LIHALIMU NI*

### *MUNYALIWA WA LIFASI*

 Ha lu yemeñi ona cwalo fa nako nyana, halunze lu inamisa lipilu zaluna fapila Mulimu.

<sup>2</sup> Ndata luna yakwa Lihalimu, lu itumezi hahulu kwa litohonolo la kuba mo kacenu, ku kopanela hamomo mwa Libizo la Mulena Jesu. Lu lapela kuli U luswalele libi za luna, mi haluli mo cwana u fetulele kutwisiso yaluna kwa lika za Kuyakuile ni Bupilo bo buli kwabuse bwa mubili wa nama. Cwale lu lapela kuli U lufe zamaiso ya Hao, ka mo lu lukela ku sikuluhela, ze luna ni kueza kwapili, mi niheba fapila kubateni cwale, kuli lube ni sibaka sani seo... lu sepisizwe.

<sup>3</sup> Ki ba bañata baba kula ni baba tokwile mwa na ha, mi ha ba si ka feza kale musipili wabona. Mi sila saluna sesituna, isiñi sila saluna fela, kono ki sila sa Hao, utilo ba lyanganisa ni ku-ni ku tuhelisa bupilo bwa bona, ni ku ba lumela kwa—kwa libita la kuitahanelia. Mi lwa ba kupela kwatene, kacenu, kuli Wena ni sishemo sa Hao ni muhau, Mulena, u atise mazazi a bona kuya kwa nako yetomilwe.

<sup>4</sup> Ze beilwe fa aletare, kamba fa katala, fa ki litaulo ni limpo. Mi fande mwa miyaho ni sibaka sa patelo, kuna ni mimbeta yani, milamu, bakuli ni baba zielehile, ba bayemi mwahala sicaba mane habakoni kuitisa kuyema.

<sup>5</sup> O Mulimu wa Kuyakuile, Ya Fuyozwi, shangwe U utwe litapelo zaluna kakusasana cwana, ka Mali a Mulena Jesu; ha latalimi fa bumaswe bwa luna, kono luziba kuli Na yemi mwa sibaka saluna, mi Ki yena Luli ya lu yemela mwa tapelo ye. Mi mutu ni mutu a foliswe kwa kanya ya Hao, Mulena.

<sup>6</sup> Fuyola litaulo ze. Ha li ta beiwa bakuli, ha ba foliswe.

<sup>7</sup> Mi cwale, Ndate, kufitela lu libelela sebelezo ya foliso, ye lu lumela kuli i ka tatama, ulu abele nzila ya Bupilo, Mulena, kuli lukone kuziba ka Linzwi la Hao se lu lukela kueza. Kakuli lu kupa ka Libizo la Jesu. Amen.

<sup>8</sup> Sina kamita, ye ki iliñwi ya matohonolo aka amatuna hahulu, ka kuba mwa ndu ya Mulimu ni kubulela kwa sicaba sa Hae. Mi cwale Ni ziba kuli kusinani luli, mi Ni nani tuto yetelele luli. Kacwalo Nika... Na—Na sepa kuli—kuli mu ka iketa, ka mo mu lukela kubela, kufitela lufeza Liñusa.

<sup>9</sup> Cwale, kwa cisa, kono lu itumezi ka lifukiso za moya obata. Kono, sikwata sesituna cwana, hakuna sifukiso sa moya se sikona batisa, mwabona, kakuli mubili wa hao luli ki sibyana se si futumala, mwendi ka madigiri a nainte-eiti, mi ona utundamena kukasha mufutumala, ni kuina fakaufi hamoho cwalo. Kono Ni—Ni sepa kuli Mulimu uka mi beya ka kuiketa luli Mwa ka ezeza.

<sup>10</sup> Mi hase luli mwahali, lu putehani mwahala lika ze, Hani—Hani tabeli kuli mutahe kwanu, kusina libaka, haiba Ni sa nahani kuli ne li ka mitusa, haiba ha Ni nahani kuli ne li kaba zende ku mina, ni kuli mufumane bunde ka zona, ka kutaha cwalo. Mi cwale, ka kuziba hande kuli haluna nako yetelele hahulu ya kueza zeo, kuli lwa—lwa taha kwa—kwa lihola za kukwala cwale, mi Ni—Ni bata kueza kuli nako ifi kaufela ibe ya butokwa, ye Ni kona, kuba kwa Mubuso wa Hae. Mi cwale Ni sepa kuli Mulena Mulimu uka lu fuyola halunze lu kopani cwana.

<sup>11</sup> Mi Ni bata ku mi bulelela kuli, maabani Ne ni ya libaka zeshutana, kwande ku yo lekula bakuli ni baba zielehile, mwa mahotela, mi se Ni kopana ni bazamaisi babañwi biki ye, libaka zeñwi kwa kucela. Inge, Ne nili kwa Ndu ya Lifolofolo fa litema biki yee, ona kwanu, mi muzamaisi na sweli kuni swala mwa lizoho halu funduka. Mi ki hali, ani biza, “Muzwale Branham.” Na komoka kuli na ni zibile cwani. Mi ki hali . . .

Se nili, “Ki wena muzamaisi wa sibaka nji?”

<sup>12</sup> Ki hali, “Mane ni muñi.” Kona kuli ki hali, “Eehe, sicaba sa hao sitahanga kwanu ku to ca, kuzwa kafoo.” Nali, “Bona . . .”

Mi se Nili, “Kihande, Ni sepa kuli ba ka to pitihana.”

<sup>13</sup> Ki hali, “Muñaka, sani ki silisiñwi sa sikwata sesinde hahulu sa batu be Ni kile nabona fateni.” Ki hali, “Ki ba bande luli.”

<sup>14</sup> Na ya kwa motela maabani, ku yo bona kalibe wa mwanana yene Ni bata kuambola ni yena, bo ndatahe ni bomuhe nebaliteni, mi se Ni ya ku muzamaisi wa sibaka ku yo buza kone kuna—kuna—. . . . kone ba inzi.

<sup>15</sup> Ki hali, “Mi wena ki wena Muzwale Branham?” Yana inzi kwa Oaks.

Mi se Nili, “Eeni, sha.”

<sup>16</sup> Ki hali, “Ni bata ku ku swala mwa lizoho.” Ki hali . . . A ni zibahalisa ku musala hae; ki batu babande mwa linyalo. Ba li, “Mutu kaufela mwa motela utaha kwa lisebelezo za hao. Lu li bulukezi bona.” Mi bali, “baleki ba luna babañwi kaufela lu ba hanezi.”

Mi se Nili, “Kihande, Na itumela ku wena ka seo.”

<sup>17</sup> Ki hali, “Muzwale Branham, ki silisiñwi sa sicaba sesinde ku be Ni kile nabona, ki bona batu ba batahangwa kwanu, baba fumaneha kwa mikopano ya hao.”

<sup>18</sup> Ne ni ile maabani busihu ku mulikana ka, Bo Becker kulo kwanu, mi Ne ni tabelanga mañende a hae. Yena luli ki . . . U, Ne ni mu zibile hane Ni sali mushimani; ni mu zibile hala bupilo bwaka kaufela. Nekuna ni mutu ni muuna hae bene bainzi kwa—kwa sibaka sa kale, kwa Riverside Hotel kwani. Kacwalo ba . . . Bo Becker bali, “Billy?”

<sup>19</sup> Se nili, “Ki sikamañi seo, Homer?” Lu zibana handende luli. Ki hali, “Ni fepa sicaba sa hao kaufela kulo kwani.”

<sup>20</sup> Mwendi mianda yemibeli, kamba nto yecwalo, la Sunda ni la sunda, ku yo cela kwa Blue Boar. Mi kaufela ko Ni ya, Ni utwanga litaba za mo ubezi yomunde.

<sup>21</sup> Mulikani yo ali, “Kwa kwa—kwa Riverview kafani,” ali, “sibaka sani kaufela si kwanile sicaba se sili kwa mukopano.” Ali, “Kuna ni baba mianda babasike ba kena mwahali.”

<sup>22</sup> Kacwalo, kuba cwalo, ku na u lizwai la lifasi. Ni—Ni itumezi hahulu ka kuziba kuli Ni na ni litohonolo la ku kutaza kwa sicaba kuli nihaiba sicaba sa baezalibi . . . Ha ni buleli kuli sicaba sani ki baezalibi, kono Ni talusa kuli sani, lipisinisi ni zeñwi cwalo, baba kona kubulela kuli mu sicaba sesinde, mi baitumela ku wena mwa lipisinisi za bona, mwahala libaka za bona. Wa ziba, koo kona lizwai. Na itumela ka zeo, muezezo wa mina, mo mu tokomelela lika.

<sup>23</sup> Ni bulezi kamita kuli, “Haiba alimuñwi akena mi haezi, haana masheleñi a kulifa likoloti, mu ni bize feela.” Mwabona? Se nili, “Lu ka eza sesiñwi ka zona.” Mi se Nili, “Kamita mu ba fepe, kamba bana ni masheleñi kamba nee.” Mwabona, sika kaufela sakona kuezahala.

<sup>24</sup> Ni i kutwa kuli mu banake. Mina—mina mu linaleli ze Ni . . . Haiba Ni kona kuba ni iliñwi ha Ni ka yo fita kwani, ki mina mukaba macwe abutokwa ani, siembra se si ka benya hahulu, mwa—mwa mushukwe wa bulumiwa bwaka. Ha u ka yo beiwa mushukwe, ki mina mukaba licwe la butokwa leo.

<sup>25</sup> Mi Ni bile ni mi bulelelanga, mwa linako zefelile, ka za Maswayo a Supa, Masika a Likeleke, ni lika ze—ze bile linga sibaka.

<sup>26</sup> Mi cwale, kakusasana cwana, Ni nani tuto yebutokwa luli. Ku na, ki yende hakalo kalo. Ni sepa ni mina mulemuha cwalo ka kuswana. Mi haiba Ni kona fela kuitisa ka susumezo ya mo Ni i fezwi, ikaba yende, kono zeo li ka itinga ku Mulimu ka kueza cwalo.

<sup>27</sup> Ni bile ni mi bulelela ka *sibaka* ni *kai* ko li sweli kuezahalela, mi lubona lika ze kaufela ze inga sibaka.

<sup>28</sup> Cwale Na bulela, kakusasana cwana, fa: *Munzi Otaha Wa Munyali Wa Lihalimu Ni Munyaliwa Wa Lifasi*, ko ba ka yopila. Mi, kakuli, Ni sepa kuli ka sishemo sa Mulimu kaufela luna lu siembra sa lifa tuna la Mulimu leo.

<sup>29</sup> Mi cwale Ni—Ni sepa kuli mu ka itiisa ni na, muswale Libibele za mina, lipotoloto, kamba kaufela mo mu evezanga hamusweli kubala nina, kakuli Ni ka swanisisa kwa Mañolo amañata. Kulika kufeza ka nako kuli lu lapelele bakuli; mi Ni sepisa cwalo. Nitile kwanu, ku to lapelela wa mafelelezo fa nako nyana, mwa mizuzu ni libaka zeñwi, sihulu baba zielehile hahulu ni kutokwa sepo.

<sup>30</sup> Mi, haiba Mulena alata, Ni ka ba ni sebelezo yeñwi la sikisitini, mwendi ikaba fela kulapelela bakuli.

<sup>31</sup> Na kalisa pumulo yaka cwale. Kuzwa ka Sope, Ni bile ni pota fela, mi se Ni kuta kwanu cwale. Ni kaba fela ni ku, nga lubasi lwaka kuya kwa Tucson kakusasana, mi kipeto Ni ka kuta kutoba ni nako nyana kwanu kwa Kentucky, ni balikani baka babañwi, inge luzuma, ni kuzuma tumale, ka lisunda zepeli cwalo, kamba mwendi ze supile kamba ketalizoho ka zetaalu, mazazi a lishumi, mo lika bela kaufela, konji haiba Mulena a ni isa kusili fela. Ha ni zibangi, ko ukaba fela; ha lu zibangi zeo, kakuli li mwa mazoho a Mulimu, Mulimu anosi.

<sup>32</sup> Cwale kwa tuto yetuna ye, luka—luka... Na sepa, haiba Ni kona kunga nako fa taba yee, kakuli muna ni kutisa teñi lika zeñata, likona kutanda lisunda sunda. Kono Ni ñozi kwteni Mañolo amañwi, litaba zeñwi, kuli lufite fela fa liswanelo zateñi, fa sibaka fo mukona kubala.

<sup>33</sup> Mi cwanoñu, mwendi, haiba Mulena alata, ka Yenda, Hani zibi kuli ki lili, kono fo kaufela Aka lukisa, Ni ka tabela kuba ni—ni mazazi nyana alikani, a mukopano fela osina kulisela, fa kauhanyo ya 12 ya Sinulo, ku itamahanya hamoho ni yona yee. Oh, Ni lumela kuli ikaba nto yetabisa. Ikaba fela cwalo. Ikaba nto yetabisa kubona mwa Ezeza.

<sup>34</sup> Mi, luna ka kutaha hamoho cwale, Ne ni bulezzi maabani busihu, Na li, “Mwa ziba, ha Ni ka...” Ka kusasana, inge kakusasa ni kakusasa, Na sepa, “Ha ni taha kwanu, Ni ka lemuha ufi ni ufi kaufela wa balikani baka babaliteñi.” Cwale Ni ka eza cwani zeo?

<sup>35</sup> Kakuba nina fa, sina mulikana ka yomunde, Dokota Lee Vayle yainezi kwa mulaho kwanu, musala hae ya latwa ni mwana musizana. Ni Muzwale Roy Borders, mi, Na sepa, Muzwale Ruddell, Muzwale Beeler, ni Muzwale Palmer, ni Muzwale Jackson. Mi, oh, mawi, ki—ki... Balikani babande bani babande babazwa kwa libaka zeshutana kaufela! Muzwale Anthony Milano, mi, oh, kaufela ko mutualimela, mubona muzwale yomuñwi! Kuzwa kwa Arkansas, Ha ni sa ziba libizo la hae; Muzwale John, Muzwale Earl Martin, ni Muzwale Blair. Mi, oh, kuna ni fela... mina... Ki kusafela fela, mwa bona. Ni tabile hahulu ka kuba ni sikuwata se si cwalo se si kopani nina ha Ni luta Linzwi la Mulimu, baana be Ni hupula kuli ki lindume, baana sakata ba Mulimu.

<sup>36</sup> Ni i tumezi kwa tabernakele yelikani yee. Ni i tumezi kwa likwalo ze ketalizoho za yona za sicaba. Sikwalo sifi kaufela... Luna ni madikoni babane mo, baana babatezi Moya; basepahali babane, baana babatezi Moya. Bao ki bababeli fa sikwalo ni sikwalo. Mi ina ni likwalo zepeli kwapata, za mapasita bababeli, balisana.

<sup>37</sup> Lu tabile ka kuba ni mina; luitumela ku Mulimu ka se. Shangwe Ami fuyaule kamita.

<sup>38</sup> Cwale lu bata kuyema fa nako nyana fela, halunze lubala ku Pitrosi Wabubeli kauhanyo ya 3, mi hape ni mwa Buka ya Sinulo 21.

<sup>39</sup> Halunze lu yema, O Mulena, taza lipilu za luna ka tabo bakeñisa kubala kwa Linzwi la Hao, ka kuziba kuli Jesu na bulezi, kuli, "Lihalimu ni lifasi li ka fela, kono Linzwi la Ka halina kufela." Lu ziba hape Na bulezi kuli, "Mañolo kaufela alukela kutalelezwa." Mi halunze lu bala litaba zee, lube ni kutwisiso yezwelela ku Wena, mwa hola yelupila ku yona. Lu kupa ka Libizo la Jesu, yena Mukalisi wa Buka. Amen.

<sup>40</sup> Pitrosi Wabubeli 3.

*Seli liñolo la bubeli, balatiwa, le ni mi ñolezi; ka ona amabeli Ni zusa maikuto a mina a kenile ka ku mi hupulisa litaba:*

*Kuli mu hupule manzwi ana bulezwi ki bapolofita ba bakenile, ni za laezi Mulena ni Mupilisi ze mu lutilwe ki baapositola ba mina:*

*Pili muzibe se kikuli, mwa mazazi a maungulelo ku kataha basheununi babatezi busomi, ba ba zamaya ka litakazo za bona luli,*

*Ba ka sheununa ba li, Ikai sepiso ya kutaha kwa hae? (Haisa zeo ha li likani ni musali ya sa zibi za bulapeli yoo mwa . . .) . . . kakuli isamba ba shwa bokuku ba kale, linto kamukana linze li itulezi mo ne liinezi kwa makalelo ha lieziwa.*

*Batu ba balibala ka maboomu, kuli ka linzwi la Mulimu lihalimu ne liezizwe kale, ni kuli lifasi li zwiszizwe mwa mezi mi mwa mezi:*

*Ni kuli lifasi lani la shwa, kabakala muunda, ku li kwahela:*

*Kono lihalimu la cwale, ni lifasi la cwale, li bulukezwi, mulilo ki linzwi lona leo libulukezwi lizazi la katulo ni kuyunda kwa banyefuli.*

*Kono, balatiwa, musike mwa libala kuli, fapila Mulena lizazi li li liñwi litalimeha kuba inge myaha ye wani sauzande, mi myaha ye wani sauzande italimeha kuba inge lizazi li li liñwi.*

Cwale, Mulena ha liyehisi lisepiso za hae, mo ba hupulela babañwi kuli ki kulyiyeha; kono u sa isa nako kwapili kabakala luna, kakuli ha lati ba bañwi ha ba ka timela, kono u lata kaufela kuli bakene mwa ku baka.

Kono lizazi la Mulena li ka taha sina lisholi mwa busihu; ka...lona lihalimu ni lifasi, ka musunga...li ka fela ka musunga omutuna, mi li ka shengunuka ka buhali bwa mulilo, mi lifasi hape lika celela hamoho ni misebezi ya mwateni.

Cwale linto zeo kaufela ha li na ni kufela, ki mufuta o cwani wa mutu o lu lukela kuba yena mwa lingambolo ni ka bulapeli,

Inze mu libelezi ni ku akufisa lizazi la Mulimu, le ka lona lihalimu li ka fela kuca, mi linto li ka shengunukiswa ki mulilo o buhali?

Kono he luna, ka sepiso ya hae, lu talimezi lihalimu lelinca ni lifasi lelinca, mo ku yahile lukula.

Kabakaleo, balatiwa, ha lunze mutalimezi lika ze cwalo, mu eze ka mata kuli musike mwa fumanwa... kuli mu fumanwe ki yena muna ni kozo, musina litiba, kamba se si nyazahala.

Mi mulemuhe kuli kuiswala kwa Mulena ki kupiliswa kwa batu; ni yena mwanahabo luna...Paulusi...ka butalifi bwa filwe ki sona sa mi ñolezi;

Mi hape...mañolo a hae kaufela, ubulezi ku ona ka lika;...ku ona kuna ni litaba zetata kwa ku li utwiseza, mi ba ba si ka luteha ni baba si katiya lwanisa, ba li kopamisa, sina—sina mo ba ezeza mwa mañono amañwi, ka se ba ka fumana kulateha.

Haili mina, balatiwa, ha mu lemusizwe litaba zeo pili, mutone ni mina hape, kuli musike mwa hohiwa... ka bupumi bwa baba maswe bao, mukasuhana mwawa mwa...kutiya kwa mina.

Kono muhule kwa neku la sishemo,...ni kwa neku la zibo ya Mulena ni Mupulusi Jesu Kreste. Ku yena kube kanya cwale mwa linako ni linako. Amen.

<sup>41</sup> Cwale mwa—mwa Sinulo ya Kreste, mwa kauhanyo ya 21, Ni bala Manzwi aa.

Cwale Na bona lihalimu lelinca ni lifasi lelinca: kakuli lihalimu lapili ni lifasi lapili ne li felile; ni liwate hali sa li yo.

Mi Na Joani nabona munzi o kenile, ili Jerusalema yomunca, utaha kuzwa ku Mulimu mwa lihalimu, u i tukisize sina munyaliva ha ikabiselize muuna hae.

*Mi Na utwa linzwi lelituna lelizwa mwa lihalimu lelili, Amubone, tabernakele ya Mulimu i inzi ni batu, mi uka ba ni bona, mi mi babe macaba a hae, mi Mulimu yena abe ni bona, mi abe Mulimu wa bona.*

*Mi Mulimu uka takula miyoko kaufela kwa meeto a bona; mi lifu halisana kuba teñi, nihaiba kutahelwa ki maswabi, kamba kulila, ni kuutwa butuku: kakuli zapili li felile.*

*Mi cwale yainzi mwa lubona ali, Amubone, linto kaufela Ni li eza zenza! . . . ani bulelela kuli, Ñola: kakuli manzwi ao a sephala ki a niti.*

*Mi ali ku na, Ku petahalile. Kina Alfa ni Omega, wa makalelo ni mafelelezo. Mi Ni nwisa ya shwile linyolwa kwa maweluvelu a mezi a bupilo a fiwa fela.*

*Ya tula uka yola lika kaufela; mi Ni ka ba Mulimu wa hae, mi yena abe mwana ke.*

Ha lu lapeleñi hape.

<sup>42</sup> Mulena Jesu, ka sepuso ye cwalo ni ngambolo yebuhali cwalo sina Jesu yena Kasibili ni za lufile muapositola kuama hola yeu atumela, aku lufe, O Mulena, za tamaiso ya Hao, kuli lukone kuziba mwa kutalimanela ni zona ka nzila ye lukile. Kakuli, ya taha, lwa ziba. Mañolo a lukela kutalelezwa, mi kube ona cwalo. Mi cwale, Mulena, lu kupa sishemo sa Hao hape fahalimwa luna kaufela, halunze lu bala Linzwi la Hao. Ube ni luna mi u Li yandululele lona, Mulena, kakuli lu kupa ka Libizo la Jesu. Amen.

Mwakona ku ina.

<sup>43</sup> Cwale, Hani zibi haiba kwakona kuba nzila yakuli mwendi, hakulata batime malaiti mwa muyaho omutuna, mi musiye feela atuka fa katala fa, ili nto yekaba hande fela, ni kutima kwatemi amañwi. Ne selu cisize transifoma yaluna, maloba nyana busihu. Mi haiba mutokomeli uka lu ezeza zona, lu ka itumela ha ka tima malaiti amwa tasi, malaiti tenyene a muyaho, atime. Mi kipeto Ni sepa kuli mukaba ni sibaka sesituna mwa kubona, hanze muñola.

<sup>44</sup> Cwale, tuto hape, ka ku izibahalisa, ye lu atumela ki—ki tuto yakuli: *Munzi Otaha Wa Munyali Wa Lihalimu Ni Munyaliwa Wa Lifasi.*

<sup>45</sup> Cwale sina mo kubezi . . . Ni ka eza fela se. Ku cisize hahulu fela kulo faa, mwabona. Eeni, sha. Sina halunze . . . Na ziba musala ka ha tabelangi kuli ni eze cwalo; kono, kifo, kutubula koti yaka. Ku cisize fela hahulu kulo faa. Mwabona, muna ni moyo kulo koo, kono kwanu u fuka fela ka bunyinyani, mwabona. Cwale, mwa—mwa nako yetaha, kamba . . .

<sup>46</sup> Kwa kale, ni taluse, lu balile *Maswayo Asupa, Masika A Likeleke Zesupa*. Muzwale Vayle ni babañwi basweli kubelekela ku zona cwale, ka kusepahala luli, kuli ba li beye mwa buka.

<sup>47</sup> Ni kubona lika ze kaufela za likuntu ze luboni ha li to ezahala, Mi Ni nahana kuli, kasamulaho wa ku utwisisa cwalo, mwa hola ye lupila ku yona, ni sibaka; hakuna yakona kutabela kuina fafasi ka kunahana hande ni kualunguta ze bulezwi, mi se si sepisizwe kuezahala, ni se si ezahalile, kono ki ze kona kubulelwa kuli lika zeo liezahalile. Mwabona? Kona ona zeo luli za na bulezi Mulimu kuli Uka li eza, U liezize fela ona cwalo ka swanelo. Mwabona?

<sup>48</sup> Cwale, Ni nahana cwana, kuli, ka ku sa ziba nako yeo Mulena Jesu akona kubonahala, Na hupula kuli ikona kuba hande, ne ku bonahala kutabisa kwa Moya o Kenile kuli lu ambole fa taba yhe, kanti; mi mwendi ni ku kuta ku yona hape, linako zepeli kamba zetaalu, kakuli Hanina kuba ni nako yeñata ya kulifeza kaufela.

<sup>49</sup> Sina ha mu fita fa—fa tuto yekona ku sitatalisa yomuñwi, hamukoni ku li lwala mwa musipili kaufela kuli liutwahale hande, kipeto mukuta hape ku to kalisa tuto yetatama.

<sup>50</sup> Mi kipeto kasamulaho, mwa li...haiba Mulena a lata, lu taha mwa maswayo a bu 12, kamba batili...Muni swalele. Kauhanyo ya 12 ya Sinulo, ye li mwahala Kutaha kwa Mulena ni kufela kwa Litolombita, ni zeñwi cwalo. Lu ka lika kukutisa seo, kubonisa yo Satani ali yena, ni sa na eelize, kwa zwelezi, ni sesili mulelo wa hae, ni kuli bunde bwa hae bo butuna bo ne bufilwe ku yena bwa mu tiseza kuwa. Bupumi bwa hae bwa tisa kuwa; bunde.

<sup>51</sup> Mi, kuli mane haku konahali kuli mutu ufi kaufela ya bata kutilima ku yona ka swanelo, yona “peu” ya noha yani. Ni bata kuswabisya yomuñwi ku seo, ku mutu kaufela, mwabona, ya tabla kutilima ku yona, ka—ka kutwisiso fela ye bunolo. Mwanana wakona ku li bona. Mwabona? Cwale, mi lu ka fita ku zeo kasamulaho.

<sup>52</sup> Cwale, lu utwisisa fa kuli Mañolo amabeli aa...Libaka le Ni balezi Pitrosi Wabubeli kauhanyo ya 3, ni kuibapanya kwa Sinulo 21, sibeli za ona fa abulela fa tuto yeswana, kono Joani ali—ali kuba añole sina Pitrosi mwa na li ñolezi. Mwabona? Lu utwisisa kuli Munzi tuna wo wa Munyaliwa una ni kuba fa lifasi faa.

<sup>53</sup> Mi cwale haiba mwa bala, kuswana fela ni kauhanyo ya 21, kauhanyo ya 21 ya Sinulo, muapositola fa naize, kamba mupolofita naize, kuli, “Na bona Lihalimu Lelinca ni Lifasi Lelinca.” Ku utwahala inge kuli kutaha sinyeho.

<sup>54</sup> Cwale, mo Ni fumanelanga Mañolo aka ki ka tapelo. Ni kona kuina mwa tapelo mi sesiñwi sa li patulula ku na. Mi Na si libelela ka mizuzu yelikani ni kubona haiba si lukile, kipeto Na

si utwa bukaufi. Mi kipeto linako zeñwi Ni ina inge ni libelezi kufitela siba mwa pono. Kono ha likala kutaha, mi Ni kolwa kuli si zwa ku Mulimu, kipeto Ni ya kwa Mañolo. Mwabona, Fo kikuli, ku lukela kuba bupaki kwa sika kaufela sa moyo se si ezahala, kakuli Bibele kona sinulo yetezi ya Jesu Kreste; mwabona, Ki ona Mubili wa Hae.

<sup>55</sup> Mi cwale, ku zeo, mwendi Ni ka fumana sibaka mwa Mañolo se si sa utwahali fela hande, mi Ni ka komoka. Ni kutela hape mwa tapelo. Sa taha hape. Mi Ni—mi Ni kala ku—ku tatuba Mañolo aka.

<sup>56</sup> Cwale, Bibele yaluna i ñozwi ka Sikuwa, mi manzwi a Sikuwa acincanga, ka nako kaufela. Ka mutala, sina Muhalalehi Joani 14, haize, “Mwa Ndu ya Ndate miyaho ki yemiñata,” muyaho mwa ndu. Kihande, he, mina, mu kaeza sikamañi ka seo cwale, ki kukutela mwateñi kuya—kuya kwa makalelo ni kubona sa na talusa James, kamba kukutela kwa Siheberu, kamba kwa Sigerike, kuzwa kwa toloko ya makalelo. Mi mwahali mwani ili, “Mwa Mubuso wa Ndate kuna ni mileneñi yemiñata.” Kihande, he, mukutele kwa nako yeo batoloki neba toloka za King James, kakuli *mubuso* no bizwa, ka Sikuwa, kuli “ndu,” mi mulena nelni ddate wa sicaba sa hae. Ki kabakaleo hane ba tolokile kuli, “Mwa Ndu ya Ndate kuna ni miyaho yemiñata.” Mwabona? Mi kipeto muba ni manzwi ao mi muna ni ku a batisisa.

<sup>57</sup> Mi, mwa bona, kuzwa kwa susumezo yeo . . . Katala ka kakusasana cwana, Ni li, hakuna nihaiba nako ilíñwi fo libile nto isili kwanda kunama hande, ki Mañolo. Kona ni *Peu Ya Noha* ni lika zeñwi ze kaufela mo li tahelanga. Mwabona? Ka . . .

<sup>58</sup> Mi mane, kaniti, haiba mutu akona fela kubala ni kubulela kuli, “Mwa Ndu ya Ndate kuna ni miyaho yemiñata,” haiba ha mu yemi pili ni kubalisisa, kulapela, mu ka lyangana fela. Mwabona? Kono mutundamene fela kulapela. Mulimu ukana a li kondisa kamita, haiba li zwa ku Mulimu.

<sup>59</sup> Cwale, Joani utoloka cinceho hamoho ni kut . . . mo li tahela . . . Ha li toloki, nitaluse, kono Pitrosi ki yena ya litoloka. Joani na bulezi fela kuli, “Na bona Lihalimu Lelinca ni Lifasi Lelinca; lihalimu lapili ni lifasi lapili ne se li felile. Ne ku sina liwate ni lelikana. Na Joani na bona Munzi o kenile hautaha kuzwa ku Mulimu mwa Lihalimu, u lukisizwe sina Munyaliwa ya kabiselizwe Muuna Hae.” Kono, lu kutele cwale ku Pitrosi Wabubeli lu batisise, Pitrosi u tatulula muzamao wo mo u ka tahela. Cwale, haiba mu katalima ku sa bulezi Joani, li utwahala sina cwana, “Kakuli lihalimu lapili ni lifasi lapili ne li se lifelile,” kuyunda. Mwabona, cwale, seo siutwahala kuba nto nye nca. Kacwalo kona ze ne ni kakamalisize, mi Na kala kubatisisa linzwi la kuli, “ku fela.” Mi, cwale, kono kwa zibahala kuli bubeli bwa baa, muapositola ni mupolofita, ne ba ambola fa taba yeswana.

<sup>60</sup> Mi cwale, hape, mwa Buka ya Isaya, cwale, haiba mubata kuñola Mañolo ano, mwa Isaya 65:17. Isaya, u bulela ka za Mileniamu, yona myaha ye wani sauzande yani ya pumulo ya—ya sicaba sa Mulimu. Isaya na bulezi ka yona, mi ki hali, “Ni... Nekuna ni... Liki za kale kaufela ne li felile,” ni mo ne ba ka yahela mandu, kupila ku ona. Kambe luna ni nako... Mwendi lu ye fela ka kuiketa ni—ni kubala se fa muzuzu fela, Isaya 65, mi ha lu baleni fela ka mizuzu yelikani fa. Mi ki se fa, kulukile, ki sa luna. Cwale, ka kukala, Isaya 65:17.

*Mi, amubone, cwale Ni ka eza mahalimu amanca ni lifasi lelinca:...*

<sup>61</sup> Cwale, Isaya, mupolofita, neli alimuñwi wa bapolofita bene ba ñozi Bibele kaufela mwa sipolofita sa hae. Ukala ka pupo; mwahala Buka ya hae, mwendi mwa kauhanyo ya 40, kutaha Joani Mukolobezi, ili Testamente Yenca; ni kufeleta fahalimu fa, mwa Buka ya hae, mwa Sinulo, mwa Mileniamu. Kuna ni libuka ze sikisite-sikisi mwa Bibele, mi kuna ni likauhanyo ze sikisite-sikisi mwa Isaya. Na ñozi taba yateni kaufela ka kutala.

<sup>62</sup> Cwale, lu fumana cwana, fa cwale upamula kauhanyo ya 65, kauhanyo iliñwi fela hape, mi ubulela ka za Mileniamu. Amu lemuhe, mo ibezi yende.

*...amubone, Ni eza lihalimu lelinca ni...lifasi lelinca: mi za kale halisana ku hupulwa, nihaiba ku kutela mwa minahano. (Ki ku “fela.”)*

*Kono muka—muka tabela ni kuwabelwa... kamita kabakala ze Ni ezize: kakuli, amubone, Ni se ni eza Jerusalema ibe munzi wa tabo, ni sicaba sa hae ibe sicaba se si tibile.*

*Mi Ni ka tabiswa ki Jerusalema, ni wabeliswe ki sacaba sa ka: hakusana sililo se si ka tumuka mwahae, kakuli...kamba batu ku bokolola.*

*Hakusana kubonwa mwanana yaka pila...mazazi nyana fela, kamba...mucembele ya si ka feleleza mazazi a hae: kakuli yaka shwa ha sa pilile myaha ye mwanda uka bulelwa kuli na sa li mwanana; mi muezalibi wa myaha ye mwanda ukaba mutu ya kutilwe. Mi kona baka...*

*Mi baka yaha mandu, ba pile kuona; ba cale likota za veine, mi bace ze bewa ki zona.*

*Mi habana ku ikahela mandu, mi kupile basili mwateni; (leo ki litema, litema la hao, mwana hao wa mucaha aliyole, kamba yomuñwi wa bahaenu)... haba na kucala, mi liciwe ki basili mwateni: (ba icalela zabona luli mi lisiyala ona cwalo; lina ni Bupilo Bobusafeli)...kakuli mazazi a ba sicaba sa ka a likana*

*ni mazazi a likota, mi butelele . . . baketiwa baka ikola  
misebezi ya mazoho a bona nako yeteletele.*

*Habana kusebeza ku sa tusi sesiñwi, kamba kupepa  
bana ba ba sa pili; kakuli ba kaba lusika lo lu fuyaузwi  
ki MULENA, mi bana ba bona bakaba ni bona.*

<sup>63</sup> Cwale mulemuhe, ki fa fo Ni taha, kasamulaho nyana.

*Mi ikaba kuli, ba si ka ni bisa kale, Ni kabe ni alabile;  
mi nako ye ba sa bulela, Ni ka be ni utwile.*

*Mi sitongwani ni ngunyana lika fula bucwaní hamoho,  
mi tau ika pila bucwaní sina pulu: . . . liluli ibe sico sa  
noha. Mi hakusana ya ka holofaza kamba kusinya fa  
lilundu laka le likenile, kubule MULENA.*

<sup>64</sup> Ha ki sepiso ni yeo, ya bapolofita ba ni baika babatuna,  
baluti ba Bibele, kwa mulaho mwa mazazi a kale, ba bona Lizazi  
lelikanya le ha li taha!

<sup>65</sup> Ka ona makepe aa, yomuñwi ukona kunahana kuli, kamba  
kuetelawa, nitaluse, ka kulumela kuli lifasi kaufela, la mubu  
woo, li ka sinyiwa, “Ni eza Lihalimu Lelinca ni Lifasi Lelinca,”  
mwabona, kuli mahalimu aka fela ni lifasi li fele, kusinyiwa  
kufelelela. Kono palo yeswanelo, ni ka tuso ya Moya o Kenile,  
lwakona kubona Niti ya yona; mi seo kona se lukena ku sona.

<sup>66</sup> Ki buino fela bwa sibaka mwateni, ni sibi se sili mwa lifasi,  
kona ze ka sinyiwa. Mwabona? Cwale, lu ziba kuli *mahalimu*  
atalusa “libaka za lihalimu.” Mwabona?

<sup>67</sup> A eza sikamañi? Fo he, ona miutwa ye, ni matuku, ni lifu, ni  
litaba za na, ni muuna wa sibi, ni musali wa sibi, ni mioya ye  
maswe, zeo kaufela li ka fela ni ku sinyiwa ku felelela. Mwabona?  
Lina ni kuezwa ona cwalo, kakuli lu ka pila ona faa. Lu ka  
bonisa seo ka bupaki bwa Bibele. Ona fa kona fo lupila. Cwale  
mulemuhe, miutwa, maikulokuwawa, matuku kaufela ni lika  
zeñwi, li ka zwisa teñi zoote. Ze kaufela, buino bwa bona ze liteni  
mwa lifasi cwale, milao ya ipangezi mutu, litaba za na, sibi,  
mioya yemaswe ka mifuta kaufela yeo lifasi liteni ka yona, mi  
mahalimu kaufela fahalimu aluna fa, atampakani fela ka moyo  
o maswe. Cwale lu ka kena mwa butungi ni mwa butelele, ku se,  
mwabona.

<sup>68</sup> Kaufela ze lipila mwa mahalimu, kamba libaka za buino,  
ni lifasi le liliteni cwale. Lifasi le kona le liswe lika zeo, kono  
ne li si ka bupelwa musebezi woo. Sibi kona se si li ezize kuba  
cwalo. Mwabona? Ne li ezizwe ki Mulimu, yena Mubupi. Kono  
kaufela . . .

<sup>69</sup> Mi mibili yaluna kaufela, ye lupila ku yona cwale, ne ibeilwe  
fa lifasi ka nako ya ibupa Mulimu, kakuli muzwile mwa liluli la  
lifasi. Kaufela yona neibeilwe mwatasi moo. Ka nako ya i bupa  
Mulimu Yena luli u i bupile, nemuli mwa minahano ya Hae. Mi

ku Yena, ki Yomutuna wa Kuyakuile, neli muhupulo, ili mulelo wa Hae.

<sup>70</sup> Mi cwale sibi si ezize ze kaufela kuezahala. Mi Mulimu, kufita mwa lusika loo, usweli ku kubukanya libyana za Hae.

<sup>71</sup> Satani u sa li teni faa. Ki kabakaleo lika ze kaufela ha li ezahala. U sa li teni fa, mi mata a maswe kaufela a sa li teni fa. Mulemuhe, kona lifasi ha li tezi masila hahulu cwalo. Ki kabakaleo ze maswe ni lika ze swabisa zesweli kuezahala; kusulula mali, ndwa, litaba za naaha, sibi, boozwa, mifuta kaufela ya busafa ye ezahala, ki kabakaleo Satani ki yena mubusi wa lifasi le ni buino bwa lona.

Mu li, “Buino bw- . . . ?” Eeni, sha!

<sup>72</sup> Bubeli bwa mahalimu ni lifasi cwale litezi fela mioya yelunya yekona ku lu tameleza litaba fapila Mulimu. Jesu u Teni kuli alu kupele kwateni. Mwabona? Foo batamelezi habanze ba supa munwana, “ba ezize sa *kuli*, ba ezize sa *kuli*, ba ezize sa *kuli*,” kono Mali a sa apesa. Na tezi ku to liulula Baketwa ba Na boni kale. kona hakuna ni masila hahulu kacenu.

<sup>73</sup> Fa, muapositola, ku Pitrosi Wabubeli fa, kauhanyo ya 2, ni ya bu 5 ni ya bu . . . ni timana ya bu 5 ni 6. Eeni, Ni na ni yona. U bapisa kwa likalulo zetalu za lifasi. Mwabona, u—u talima likalulo zetalu za yona. Mulemuhe mo asweli kulitiseza.

<sup>74</sup> “Lifasi la kale ne li tahile kuzwa mwa mezi,” cwale, lani neli lifasi la muunda.

<sup>75</sup> Cwale, le liliteni, lifasi la kacenu mo lu pila cwale, libizwa kuli “lifasi.”

<sup>76</sup> “Lifasi la kale lene li yemi kuzwa mwa mezi,” Genese 1:1. Cwale mi “lifasi” le liliteni cwale. Mi cwale, hape, u swanisiswa ku leliñwi, “ili lifasi lelina ni kutaha,” ili Lifasi Lelinca. Mafasi amalalu; likalulo zetalu za lifasi.

<sup>77</sup> Mi amulemuhe mo Mulimu a patalaleza ku luna mulelo wa Hae wa puluso. Oh, se sa tabisa fela moyo waka ha Ni si bona, mwa li patululela ku luna fa za mulelo wa Hae wa puluso. Cwale mubapise se lubona ka meto a luna. Sa ezize Mulimu ka ku pulusa lifasi la Hae, U ezize mulelo o swana kwa ku li ulula sicaba sa Hae, kakuli Mulimu ya sa cinci ha cinci mwa milelo ya Hae ni yekana kamba sika kaufela. Ki nto yetabisa luli!

<sup>78</sup> Sina Mwa lu bizelize ku Yena luli, kwa tabernakele mwahala luna, ka likalulo zetalu za muhau; kuswana fela sina Mwa zamaiselize lifasi mwa likalulo zetalu, kuli litahe mwa lifasi. Sina Mulimu mwa ka tahela mwa lifasi hasamulaho limano fita mwa likalulo zetalu zeshutana za kukeniswa, ona cwalo kona Mo atahela ku luna ka likalulo zetalu za muhau. Ne ni hupula kuli kwa simuluhu; Na li kuba ni cince, haisali. Ki Linzwi la Mulimu.

<sup>79</sup> Muna ni kubuluka zetaalu za mina hamoho, ma sebene a mina, ma twelufu a mina. Lipalo za Bibele lina ni kuzamaeleta ka

swanelo kusi cwalo mu ka lyanganisa siswaniso sa mina. Haiba mu li utwisisi, kipeto muzwelepili fela kulapela. Mu tokomele, li ka pumiwa hande, ka swanelo. Mulimu u petahala ku zetalu. Mwabona?

<sup>80</sup> Mulemuhe, “lifasi la kale,” la muunda; ni “lifasi” leliliteni cwale; ni Lelina ni kutaha.

<sup>81</sup> Cwale kalulo yapili Ya lutisa kuyona . . . Mwabona, mulelo wa Hae wa puluso ki oswana ka lika kaufela. U itusisa mukwa o swana. Yena ha cinci. Na ize cwana, mwa Malaki 3, “Kina Mulimu, mi ha Ni cinci.” Mukwa Wa ezanga ka ona, kabakaleo, haiba Na pilisize mutu wapili Yo akile apilisa fateni, ka kusulula kwa Mali a Yasina mulatu, Uka pulusa yatatama; mi mutu kaufela Ya ka piliswa ina ni kuba ka nzila yeswana.

<sup>82</sup> Haiba Na folisize mutu ka nako ifi kaufela mwahala musipili wa bupilo; ha libe mwa mazazi a Jesu, a ba apositola, a bapolofita, nako ifi kaufela; ha ne kuna ni likalulo zeswana kubateni, Una ni kueza cwalo hape. Yeo ki niti. Ha cinci. Mutu wa cinca, nako ya cinca, lusika lwa cinca, masika a cinca, kono Mulimu siyala ya swana. Yena u petehile. Ha ki sepo ni yeo yelukela kuba sepo kwa bakuli!

<sup>83</sup> Haiba Akile a folisa mutu, Una ni kueza cwalo hape hakutaha buino bobuswana nako yemu. Yena kamita, akile apilisa mutu, Una ni kueza ona cwalo ka mayemo a swana Mo akile aezeza ka nako yapili. Haiba Akile a taza mutu ka Moya o Kenile, Una ni kueza cwalo ka mayemo a swana Akile aeza ka nako yapili. Haiba Akile a zusa mutu mwa libita, Una ni kueza cwalo ka nako ya bubeli, ni ka nako yeñwi kaufela, ka mulao o swana.

<sup>84</sup> Yena ha cinci. Oh, ha ki sepo ni yeo ye si nifa! Ki sikamañi seo? Isiñi ka mukwa wa iketesi mutu, sika seo likwata za batu litahezi hamoho; kono ki Linzwi la Hae le li sa cinci.

Mu li, “Kana ki Niti?”

<sup>85</sup> Na ize, “Linzwi la mutu kaufela libe lishano, mi la Ka libe la niti.” “Kakuli mahalimu ni lifasi li ka fela, kono Linzwi la Ka halina ku fela.” “Liñolo kaufela lifilwe susumezo, kabakaleo ki lelinde mi latusa kwa tuto.” Mi muhupule, kuli, “Liñolo Kaufela li ka talelezwa,” siemba sa lona kaufela.

<sup>86</sup> Mulemuhe ka mo Mulimu ali patalaleza ku luna. Mi haisa sani ne si po—po ponahazo yetuna, ye nde . . . ye tuna, mbuyoti yelatwa yezwa ku Mulimu! Ha Ni bona se, ni kubona kuli kuzwa kwa bushimani, nako yapili yeo Kreste akile abeleka ku na, Ni nze ni luta likalulo zetalu zeo za muhau. Mulemuhe haiba ha ki niti cwale.

<sup>87</sup> Cwale, muhato wapili ki “kubaka ku Mulimu.” Mi kuzwa foo, ki kolobezo ya mezi, “kolobezo ya mezi,” “Mubake, mi mu kolobezwe ka Libizo la Jesu Kreste.” Mwabona, kolobezo ya

mezi yatatama, kubonisa kuli kubaka ki kwa butokwa. Kamba, ku "takula" libi za luna za kale, zeo halina za kueza ni libi za kwapili. Ya takula fela. "Mubake, mi mu kolobezwe ka Libizo la Jesu Kreste." Kwa sikamañi? "Swalelo." Kutakulwa kwa libi za kale hakuna sa kueza ni za kwapili. Fela, sibi sa hao si pumilwe kwateni, so no ezize.

<sup>88</sup> Ha u koni kubakela sa na ezize Adama. Ha ki wena yana si ezize; ki Adama yana si ezize. U amuhela fela swalelo ya so ezize. Sibupeho sa kale si saliteni.

<sup>89</sup> Haluboneñi ni nge limati le fa muzuzu fela. [Muzwale Branham uswanisa za talusa fa limati—Mu.] Cwale, *kiye* pilu ya mutu. Cwale, Ha ni... Na ha ni muswanisi. *Kiye* pilu ya mutu; mi *kiye* pilu ya mutu. Cwale, haili ye *fa* ina ni noha ku yona, seo ki sibi, mo una ni bupilo. Haili ye *fa* ina ni liiba ku yona, ili ona Moya o Kenile, mwateni una ni Bupilo. Kihande, yoo yena *fa*, una piluseta, sitoyo, muuna; kona ze eza cwalo, ki yena mutangana yoo *fa*. Kihande, haili yoo *fa* una ni lilato, ni tabo, ni pilutelele; mi Seo kona se si eza lika, kulo *fa*.

<sup>90</sup> Cwale, haiba u buziwa, kamba u swalezwi kwa libi za hao, u ezize fela se, kunga nzila *yeo*. Kono taba ye ku ezisize se isali mwateni. Wani ki mubisi wa bumaswe; u sali mwahali. Mulemuhe, mi ubake ni ku kolobezwa ka Libizo la Jesu Kreste, kuli U ku swalezi libi za hao. Mulemuhe.

<sup>91</sup> Mi, sa bubeli, kutaha kukeniswa, ye beya muhupulo wa luna mwa sikuka sa kukena, kuli lunahane hande. Kuzwisa kwateni...kukeniswa ki linzwi la Sigerike lelitalusa zepeli, ili kutalusa kuli "kukena, ni kubewa kwatuko ka sebelezo."

<sup>92</sup> Mi, kuzwa foo, kutaha kolobezo ya Mulilo ni Moya o Kenile, kuli Mulimu akone kupila ku luna. Mi Mulilo wa Mulimu ukenisa lipilu za luna kwa sibi, ni kubeya Moya o Kenile mwahali. Mi lutahisa Bupilo bo buswana bo bu ezize *Se*, kakuli Sani siteni mwahali ku luna.

<sup>93</sup> Mulemuhe, mwa kupepwa kwa nama, musali ha puluha mbututu. Bupilo bwa nama bu swaniswa kwa bupilo bwa moy. Musali ha puluha mbututu, mwa nama, nto yapili ye ezahalanga ki kupoomoka mezi, mali, mi kona kutatama moy (ili bupilo). Ba swala mbututu ni ku mu bakula [Muzwale Branham ukambela mazoho hamoho hañwi—Mu.], mi wa kalumuka, kulila. Mezi, mali, moy.

<sup>94</sup> Mi cwale mbututu hapepwa mwa Mubuso wa Mulimu, u taha ka nzila yeswana: mezi, Mali, Moya.

<sup>95</sup> Cwale mulemuhe, kukeniswa, kalulo ya bulalu...kalulo ya bubeli yateni, ku kenisa muhupulo; kubeya pilu, muhupulo wa pilu, mwa sikuka sa kukena.

<sup>96</sup> Mutu wakona kubakela libi kono u sa nahana za... Kihande, mwendi ki—ki muuna w soozwa, musali kaufela ya

bonahala butanya ya ka fumana, usali mwateni. Mwendi ki ndalabangwana; nako kaufela ha nunkelela mukope, bu sa liteni. Mwabona?

<sup>97</sup> Kono cwale ha keniswa, sani si kenisa takazo yani kuzwa ku yena. Mwabona? Si zwisa kubata kwani mwateni. U sa kona kulikiwa, kono U zwisa mwateni kubata kwani. Niteni, ha si ka luka kale.

<sup>98</sup> Mi, u kolobezwa ka Moya o Kenile ni Mulilo. Wakeniswa, kutuka, wa keniswa hande; mi ni kubeiwa mwa sebelezo ya Mulimu.

Kukeniswa fela ku ba beya kwa *kwa* musebezi.

<sup>99</sup> Mi amulemuhe ka swanelo fela mo litahela, mañusa ataha. Martin Luther, kuluka; John Wesly, kukeniswa; ba pentekota, kolobezo ya Moya o Kenile. Mañusa, kona ha ku sa konahali kuli kube masika a ona, mwabona. Lu kwa nako ya maungulo. Likalulo zetalu. Kolobezo ikenisa pilu ka Moya o Kenile.

<sup>100</sup> Ha ki kukomokisa ni koo cwale, U nga sibaka fo luna ni kupila, ka muzamao o swana.

<sup>101</sup> Cwale, U bizize Keleke kutaha mwa kuluka, u I bizize kakukeniswa, mi u I taza ka Moya o Kenile ni Mulilo. Mi Wa Inga kufita mwa muhato, kuli Yena Kasibili, yena Moya o Kenile Kasibili, Mwana Mulimu, akone kupila mwa pilu ya mutu. Cwale, Ina ni kufita ku zona Asika taha kale ku Yona.

<sup>102</sup> Mulemuhe, U ezize lifasi, ko kuka yo pila Munyaliwa yani, ka mukwa o swana, ona mulelo wa Hae o swana wa—wa puluso.

<sup>103</sup> Mulemuhe lifasi la muunda. Yena, kasamulaho li baka, ka kufita ku Munyaliwa wa lizazi lani, Nuwe, A lifa kolobezi ta mezi, a li apesa ka mezi. Mi, kuluka, kubonisa kuli U mwa musipili wa Hae kuli abize lifasi le li wile le, kuzwa kwa Edeni, kukutela kwa kukutiswa kwa lona hape.

<sup>104</sup> Mi Kreste ataha mi asulula Mali a Hae ku lona, a li kenisa ni ku ikungela lona. [Muzwale Branham ungongota fa kata la linako nyana—Mu.] Mwabona, leo kona lifasi mo lupila cwale.

<sup>105</sup> Mwabona mo Satani, mo mwa Mañolo, kuli ku Mu eza kuli a lyanganise mulelo wa Mulimu kuli a u amuhele, a Mu fa lona ha na Mu isize fahalimwa lilundu, mi alika ku ku Mu fa lona kusina ku li leka ka Mali?

<sup>106</sup> Kana mu lemuhile fani Abrahama, ha ba lika ku mu fa naha, a i leka ka lishekele zeñata za silivera, fapila sicaba, ka kuba sisupo, sina paki? “Ha ku zibahale ka lizazi le kuli Ni lekile sibaka sa ku pumbekela.” Mwabona, ku si leka! Mi Satani alika ku—ku Mu fa mubuso o se u li wa hae cwale. A lika ku Mu fa inge mpo fela, kono Na si ka u amuhela. Kakuli ki, mwabona, mi Satani niteni na sa na ni mata ku lona. Kono, neina ni ku lekiwa. Amen. Na li yena Linzwi mwa mutalele wa lona. Ne ba sa koni ku Mu puma ku lona.

Mi, cwale seli nako ya kuamuhela kolobezo ya Mulilo.

<sup>107</sup> Mwabona, seli cwale . . . Ki sikamañi se si ezahalile? Kreste na tile kuto bizeza Keleke kwa kubaka, kolobezo ka Libizo la Jesu Kreste, kwa kuswalelwaa; kukenisa Keleke; mi ka Mulilo wa Mulimu ataha fafasi ku to ciseleza masila kaufela, mi utaha ku to pila mwa pilu ya mutu.

<sup>108</sup> Cwale, lifasi, kuli li liululwe ku mutu ya liuluzwi yoo, U itusisa mukwa wa Hae o swana. Na li kolobelize ka mezi, kasamulaho wa sinyeho ya muunda omutuna. Asulula Mali a Hae ku lona, kuli ali kenise ni ku i kungela lona. Kila Hae.

Satani na likile kubulela kuli, “Ni ka lifa ku Wena.”

<sup>109</sup> Ki hali, “Batili, sha, Ni ka li leka.” Kuli kube bupaki. Na pahamisizwe, kuba sisupo, kuli Na li lekile. Na li lelikile.

<sup>110</sup> Kono cwale lina ni kufita mwa kolobezo ya Mulillo, Mulilo o kenile ozwa ku Mulimu, o kenisa lifasi ni mahalimu a lona. Mi, li lekilwe kuli baba liuluzwi bakone kupila ku lona, bapile ku lona mwa kozo. Mulemuhe, kolobezo ya Mulilo ilukela ku li kenisa kwa sibi, kwa makulano, kwa likokwani za matuku, kwa baezalibi, ku diabolosi ni sikhata sa hae kaufela. Una ni ku lelekelwa kwande, kuya mwa Lisa la Mulilo. Mulilo o Kenile o zwa ku Mulimu, o zwelela ku Mulimu, kuzwa mwa Lihalimu, ni ku to li cisa, mulemuhe, ku to li baakanyeza Mulimu kuli apile ku lona. Kakuli, Mulimu, mwa Lifasi Lelinca le li sa taha, una ni kupila mwa lifasi. Kakuli, mu li, “Mulimu, U pila mwa pilu ya mutu.” Kono, Yena ni Munyaliwa baba nto Iliñwi, mi bayaa mwa Munzi wa bona mwa Lifasi Lelinca. Mi mulelo o swana wa kuliululwa u i tusiswa kwa ku liulula, bubeli, bwa lifasi ni batu ba bapila ku lona.

<sup>111</sup> Mwabona, pilu ina ni ku keniswa cwalo. Mulimu asika taha kale fafasi ku mutu wa Moya o Kenile, ili Kreste yataha fafasi ku to pila mwa pilu ya mutu, pili ina ni kubaka. I lukela ku kolobezwa mwa mezi, mwa Libizo la Hae, kubonisa kuli ki ya mañi.

Kona kuli ina ni ku keniswa ka Mali a Jesu.

<sup>112</sup> Mi kipeto Mulilo o kenile ni Moya o Kenile, ozwa ku Mulimu, utaha fafasi ku to cisa takazo ya sibi kaufela, sibupeho kaufela sa lifasi. “Mi, kabakaleo, ya eza sibi ka boomu kasamulaho wa ku amuhela zibo ya Niti . . .” Mi, hape Bibele ibulezi kuli, “ha ku konahali . . .” “Kakuli, mu—mu mutu ya pepilwe ki Mulimu hakoni kueza sibi; ha ezi sibi.” Hakuna mukwa wa kuli aeze sibi. Ukona kuba cwani muezalibi, mi ni kuba ya pilisizwe, ka nako yeswana? Ni kona kuba cwani mwa sintolo se si lekisa libapaliso, ni fande a sintolo sa libapaliso, ka nako yeswana? Mwabona? Oh, U lu liuluzi ka Mali a Hae; ka Moya wa Hae A lu kenisa; mi kipeto utaha ku to pila ku luna, ili Keleke. Isiñi kopano, cwale; kono Keleke!

<sup>113</sup> Mulemuhe ka tokomelo cwale halunze latalima taba ye, libaka ze luna ni ku—ku pila ku zona. Cwale, cwale, ki—ki kubaka kwa nako ya muunda omuntuna, mi, kwatisa kolobezo ya mezi. Mi Kreste ato sulula Mali a Hae ku lona, ku to kenisa ni ku i kungela lona. Mi kipeto kutaha, ze tatama, ki sinyeho ya lifasi sina mo liinezi cwale.

<sup>114</sup> Sibi kaufela se sili mwa mahalimu a kwahalimu, “ki yena muña a mata a mwa mbyumbyulu,” u tibela (ku lwanisa) limbuyoti zezwa ku Mulimu. Teñi mwani kona mo kuzwelela milumo ya mishuka ni mamonyi mi inata fa lifasi, ni lika zeñwi, kuzwa mwa lihalimu, pula ya macwe a kangezi, ni ñundupula, ñundu—. . . moya ye buhali ni zeñwi kaufela, “lizwanga mwa halimu,” ili yena Satani, “mulena wa mata a mwa mbyumbyulu.”

<sup>115</sup> Mulemuhe, amubone Satani mwa likela ku lingela, sina ha Ni bulezi mizuzu nyana yefitile, ka ku lifa ku Jesu kusina ku li leka. Mi, Satani u sa na ni mata ku lona, kakuli lina ni muñi, mwabona. Kono Jesu wa li lekaka Mali a Hae ana suluhile ni ku likutisa ku muñi ya swanela. Mwabona? Kona mwa Na lu lekezi, ka Mali a Hae, mwa Na lekezi Keleke.

<sup>116</sup> Mi cwale seli kolobezo ya Mulilo ye keniseleza kuzwa kwa likokwani kaufela ni matuku a lona kaufela ni makulano, mane ni zona lika za moya kaufela; ze li ka luna, hape, lieza nto yeswana; kuli li itukiseze Mulimu kupila ku lona, mwa lusika lo lutuna lo sa taha loo, ili Lifasi Lelinca. Mwabona, U li liulula ka mukwa o swana sina Mwa ezeza kwa sicaba sa Hae. U lieza fela kuba ze swana, mulelo wa Hae wa puluso. Kakuli, Yena ki Mulimu ya sa cinci, kamita wa swana mwa milelo ya Hae.

<sup>117</sup> Mo Ni mi bulelezi, sapili, ni ku mi zibisa zona, ni ka masika kaufela, kuli Mulimu hakoni ku cinca; wa li zibahalisa, ka mukwa kaufela, ka kuswana.

<sup>118</sup> U li zibahalisize, liñusa la Hae lapili, mwa nako ya muunda omutuna wa lifasi, ka Nuwe mupolofita.

<sup>119</sup> Ne ni sweli kuikambota ni muzwale yomunde cwana yaliteni mo nina cwale. Maabani, ki hali, “Nto iliñwi yo bulezi, Muzwale Branham, ye ni sabisanga kamita.”

Se nili, “Ki nto mañi, muzwale?”

<sup>120</sup> Mi ki hali, “Ki se so bulezi,” mi ki niti, “Bunyinyani, mo si kabela sicaba sesinyinyani se si ka piliswa mwa mazazi a Taha.’ Mi lwa ambola ka mwa na bulelezi Jesu, ‘Munyako wa kumbana mi nzila ki ye sisani, mi ki ba sikai fela baba ka i fumana.’ Cwale amulemuhe, Bibele ibulezi kuli, ‘Sina mo ne kuinezi mwa mazazi a Nuwe mo ne ku pilisizwe fela miyo ye eiti kwa mezi, ki mo ku ka bela ni ha Taha.’”

Se nili, “Muzwale, u bulezi fela . . . ”

Ki hali, “Hupula, kuna ni fela miyo ye eiti mwani.”

Se nili, “U na ni fela licika la siswaniso.”

<sup>121</sup> Ibo, Nuwe nali mufuta wa bo masiyaleti bene ba bandukile, isiñi sikwata sene si ngilwe. Enoke, muuna alimuñwi, aya mwa Kuungelwa kusika taha kale muunda, kubonisa kuli Keleke ha i keni mwa nyandiso kamba sika kaufela ku zeo. Enoke na ngilwe, mutu alimuñwi. Oh, keleke ikona kuba nombolo; kono Munyaliwa ukaba sikwata nyana fela sesi likani kona se si ka panga Munyaliwa. Cwale, keleke ikona kuba nombolo yetuna; kono, haili Munyaliwa, mwa bona, mubapise eiti ku alimuñwi. Imwatasi ka linako ze eiti, ki mwa ka bela Munyaliwa, kufita keleke.

<sup>122</sup> “Mi haiba ya lukile upiliswa katata fela, cwale muezalibi uka yo yema kai,” bona baba ziba bunde, kuli baeze cwalo, ba zwelepili baze cwalo niteñi? Baba latelela milao ya kopano kufita kulatelela Linzwi, ba ka yo yema kai, ibo ba bizwa kuli Bakreste, baikungela Libizo la Kreste?

<sup>123</sup> Cwale, ka kupetahala, Nuwe nali mufuta wa bene ba silile mwa matata. Muhupule, fani Nuwe ha zwela fande, Kama nali ni yena. Sibi ne si sa li kubona. Sibi sa zwelapili mane sa sila, nihaiba mwa areka. Kusa lumela, ku kakanya, za kena mwa areka, sa lwalawa fahalimwa katulo. Kono Enoke aya kupahama kufitelela areka, ayo punya fapila Kubateni kwa Mulimu. Kono Nuwe afita mwateni mane ayo silela mwabuse, mi ne ku sana ni sibi; mufuta wa Mileniamu, ya buino bwa lifasi.

<sup>124</sup> Mileniamu ha ki mafelelezo a zona. Ku kana kuba nako kasamulaho wa Mileniamu. Mileniamu ki sibaka sa nako; kono, isiñi Lifasi Lelinca. Batili, kutokwa. Mulemuhe, ku zeo, lu ka fita ku zona kasamulaho nyana.

<sup>125</sup> Mwabona, lifasi, li liuluzwi, ni kukutela ku Muña lona hape. Ne li ngile... Na li amuhile ku Satani. A hoha, kunga lifasi kuli amuha ku Satani, sina fela mwa Na mi byangulezi ku Satani, inge mwa Na ngezi musali yomunyinyani yani fa siliba kuzwa ku Satani. Ne ku yemi muprisita, yana hupula kuli neli Mulimu, mi nasina. Mwabona?

<sup>126</sup> Ni tabela ku mi swaniseza sona fa nako nyana fela. Cwale, lu bata kuli taba ye i ut wahale hande, kacwalo he mutualime ka tokomelo fa tuto ye. [Muzwale Branham uswanisa maswaniso za talusa fa limati, mwa mibamba nyana yetatama—Mu.]

<sup>127</sup> Cwale, yo *fa*, ki Mulimu. Mulimu, yali wa Kuyakuile, asina... Hakuna usili kwanda Yena. Kono, ku Mulimu, Nana ni milelo. Cwale, yo *fa* u yemela Linzwi, ili Linzwi la Mulimu, lene ni ezizwe nama ni ku to yaha mwahala luna ku mutu wa Jesu.

<sup>128</sup> Cwale yo *fa*, mulikani yo *fa*, lu ka mu eza sina *cwana*. Cwale, yo *u* bizwa musali fa siliba. Yo ki muprisita, Mufarisi. Mi fo mubona *se*, limati le li si ka ñolwa, katalusa sishemo ni puluso.

<sup>129</sup> Cwale, “Kwa simuluho nekuna ni Linzwi. Mi Linzwi la eزوا nama mi la to yaha ku luna.” Likalulo zetalu. Ne li muhupulo pili, ono li ku Mulimu, wa Na ikupulezi Yena muñi ka kuba mutu;

mi sani sa Mu shimbulula ku to ba Jesu; mi cwale, haiba mu ka yo ipunama Kwani, kona kuli nemuli ni Yena kanti. Kakuli, kuna ni fela mufuta ulimuñwi wa Bupulo Bobusafeli, boo kibwa Mulimu; mi nemuna ni kuba siemba sa Mulimu kwa simuluho, isiñi fela se mu iketezifafasi fa. Na mi ketile. “Kaufela ba Ni file Ndate ba ka taha.”

<sup>130</sup> Cwale amutalime muprisita yoo fa. Lu fumana siemba safafasi se, *fa*, bupilo bwa hae kwa mulaho, kwa mulaho wa hae, kulemuhiwa kwa hae kwa mulaho kwanu, ki kwa sibi.

Kile fa lihele,fafasi *fa*.

<sup>131</sup> Cwale, siemba nyana se *fa*, se si bonahala inge limati lelinsu, si yemela kuluka kwa hae. Na li muprisita. Na li muuna ya kutekeha. Sani ne si yemela *yoo*. Nali cwalo, hape, nana ni kuba muuna yomunde, kamba na si ke kuba muprisita. Kono mwabona mwa na ikungezi zona, neli ka kuituta kwa toho.

<sup>132</sup> Cwale, musali nyana *yoo*, bupilo bwa hae bwa sapili, fahalimu *fa*, nali fela lihule, na li ya totobezi kuli. Kono kushetumka mwatasiku yena, *moo*, nekuna ni fela kutwisiso yelikani. “Ni ziba kuli Mesia ha ka taha...” Mwabona? Mwabona, sani nesili mwateni.

<sup>133</sup> Mulemuhe, mi Jesu ha na tile ku to bonisa Linzwi, kakuli Linzwi ne li lemuha milelo yeneli mwa pilu; sina Maheberu 4 ha i bulela kuli Kubaka cwalo, 4:12, kuli Uka eza cwalo. “Linzwi li lemuha maikuto a mwa pilu,” mi A taha sina Mwana mutu, ali Mupolofita. Ki sikamañi sene si ezahalile? Muprisita, nana ni fela tuto ya ngana ya butu, ali, “Ki diabolosi,” kakuli kona mo ne i li bizeza kopano ya habo. Ki sikamañi se ne siezahalile? Nasina ze muyemela, kacwalo za mu kwahela ka bunsu.

<sup>134</sup> Kono haili musali nyana *yoo* nasina sa ku mu yemela; neli ya tampakanile ni masila ka mwa na ka bela. Kono, mulemuhe, mwahali a pilu ya hae, una ni se si mu yemela, mwabona. Mi, he, na sweli kulibeleta se kuba nama.

Mi cwale Ha to li, “Zamaya u yo biza muuna hao mi mutahe kwanu.”

Musali ali, “Muñaka, Hanina muuna.”

<sup>135</sup> Ali, “U bulezzi niti, kakuli ubile ni baketalizoho, mi mane ni yena yopila ni yena ha ki muuna hao. Ubile ni baketalizoho. Seo sieza basilezi bo se ubile ni bona.”

<sup>136</sup> Musali ali, “Muñaka!” (Kutokwa, “Wena ha ki,” wena, “Baalezebubi.”) “Ni lemuha kuli Wena u Mupolofita. Cwale, lwa ziba Mesia, ya bizwa Kreste, u ka taha. Mi Ha sa tile, U ka eza lika zee.”

Mi ali, “Kina Yena.”

<sup>137</sup> Hakuna ku kakanya. No sa lukeli ku li toloka. Musali na i ponezi zona. Na li lumezi. Mi a i kela! Kiñi? Ne Si ezize sikamañi ku yena? Ne si mu liuluzi.

<sup>138</sup> Cwale mutualime, Natezi kutoba Muliululi. Kana ku cwalo? [Kopano ili, "Amen."—Mu.] Kana *kuliulula* kutilusa sikamañi? "Ku kutisa." Kiñi ha Na si ka nga muprisita? Na si yo fahalimu fani. Mwabona? Mwabona, nasina se si mu yemela.

<sup>139</sup> Na tezi ku to liulula ya wile. Mwa kuwa, *yoo* a sinyeha, ka musizana yani; kono Mulimu nana ni yena mwa munahano wa Hae kusikaba kale mutomo wa lifasi, mi Natezi ku to mu kenisa. Mwabona? Mi ki Ha... Nana ni Bupilo Bobusafeli. Mwabona?

<sup>140</sup> Koo, muprisita, ne si ezize sikamañi ku yena? Sa mu lumela kukutela kwa na libile. Na sina sika, ka kukala, kwanda ngana ya butu fela.

<sup>141</sup> Cwale teeleza, mulikani, haiba nto inosi fela yonani ki tuto ya ngana ya butu fela, ukaba ni nto yeñwi ye shutana ku seo. Mi ha una kukona kuba ni Zona konji haiba una ni se si ku yemela. Leo kona libaka ha Ni lumela kuli kona ha mu zwile kwa upa ni wiko, mutulo ni mboela; ki Linzwi, kupila, ku iponahaza.

<sup>142</sup> Mulemuhe cwale ka Mwa ezeza nzila ya Hae kuzibahala ka bapolofita ba Hae, kwa simuluho. Ha si ka li cinca kale.

<sup>143</sup> [Hakuna manzwi fa tepu—Mu.]... puluso. Na beile mutu kuba ya lukile; a mu kenisa; aluma Moya o Kenile ni Mulilo, mi a cisa sibi ku yena, ni kuina ku yena, Yena kasibili.

<sup>144</sup> U eza lifasi cwalo, kuli Uka itusisa lona mwa mulelo wa kupiliswa, ki nzila yeswana. Ne li bakile mi la kolobezwa ka mezi, mwa...ka Nuwe. Jesu ato li kenisa, ka kulota kwa Mali a Hae kusulula ku lona, mi a i kungela lona. Mi mwa Lifasi Lelinca le li sa taha, lina ni kuba ni kolobezo ya Mulilo, ili ku li kenisa kuzwa kwa moyo olunya kaufela, kokwani kaufela, butuku bufi kaufela, sika akufela sesili mwateni, ni ku li eza lelinca. "Na bona Lihalimu Lelinca ni Lifasi Lelilnca."

<sup>145</sup> U so bile mutu yomunca. Amen! Isiñi fela la kale le li mendilwe, ka kuikopanya kwa keleke kamba kulika kuapula likepe lelinca, kono u sibyana sesinca. Mulimu unga muuna muhulu ni ku mu ciseleza kakutala, ka Moya o Kenile ni Mulilo, mi u taha Yena kasibili, uluma ze kuyemela. "Hakuna yakona kutaha ku Na konji haiba Ndate Amu bize. Mi kaufela ba Ni file Ndate ba ka taha ku Na." Mwa si bona? [Kopano ili, "Amen."—Mu.] Mulelo oswana; nzila yeswana.

<sup>146</sup> Satani nali...uka zwiswa mwa lifasi, kuswana fela inge Satani mwa na zuselizwe ku mina. Satani hakoni kukataza; kamba, wakona kulika, kono hakoni kunga Mukreste ya pepilwe sinca. Kakuli, Mulimu, kuzwa kwa mutomo wa lifasi, na mu boni kale, ni aluma Jesu ku to mu liulula, mi Mali a bulela mwa sibaka sa hae. Ukona kueza cwani sibi kanti hasikoni ku bonahala, mane, ka Mulimu? Yena mane hakoni... Nto Ya utwa fela ki linzwi la hao. U bona se si ku yemela. Amen! Yeo ki niti. Mwabona?

<sup>147</sup> Ka mayemo a swana, lifasi ki leliñwi la milelo ya Hae ka kuswana fela sina mina hamuli mileloya Hae. Lifasi liba iliñwi ya milelo ya Hae, kakuli neli munahano wa Mulimu, kwa simuluhu. Kuba ni lifasi, kuba fa Lubona, kuba Mulena, kuba Muliululi, kuba Mufolisi, yeo ki milelo ya Hae.

<sup>148</sup> Inge fela mulelo wa hao. Hani koni kubulela kuli ki—ki “poso” konji haiba Ni nahana za poso. Hani koni kubulela kuli “muuna” konji haiba Ni nahana ka muuna. Mi ha Ni nahana za muuna, kipeto ni li “muuna,” munahano kona mulelo mi kupatululwa kona linzwi. Mwabona?

<sup>149</sup> Inge Isaya, na ka bulela cwani, kuli, “Mwalanjo uka itwala”? Muhupulo ki sikamañi?

<sup>150</sup> Cwale, buñata bwa mina mwa komoka ka za, temuho yani, mo i tahela. Ni ka mi bulelela. Mwabona, ki linzwi le Ni bulelanga. Mi ha ki munahano wa ka, kono Ha ni zibangi. Ha ni zibangi za munahano wa ona. Ni kona ku ku bulelela cwani yoo uli yena ni ko uwzile, ha Ni sa ku zibi? Ni kona cwani kuli Ni ku bulelele so kile wa eza myaha ye lishumi kwa mulaho, kanti Ne ni si ka ku bona kale mwa bupilo bwana? Ni kona cwani kuli Ni ku bulelele ko ka eza sika ni ko ka siezeza myaha ye lishumi kuzwa cwale? Na Ni zibanga ze sa taha? Kono ha ki mulelo fela kiwa Mutu usili fela.

<sup>151</sup> “Mube ni maikuto analiteni ku Kreste. Mube ni maikuto analiteni ku Kreste.” Mwabona, kona kuli ha ki munahano wa mina. Ki munahano wa Hae, ka mina. Mi ha mu buleli fela manzwi a mina bañi; mu bulela Manzwi a Hae.

<sup>152</sup> Cwalo kona linako zeñata mizwale ha ba lyangananga, kamba kutoloka malimi, ni lika zeñwi. Mwabona, ba bulela lika ze si ka luka, ha ba lemuhi kuli yani ki Satani. Mu li, “Mwa simu ya Mulimu?” Mu libelele fela kufitela kufeza, mufumane haiba ha ku cwalo, kamba kutokwa. Mufuka ni buloto limela mwa simu yeswana. Bubeli bwa zona lipila ka lizazi leliswana ni pula yeswana. Mwabona?

<sup>153</sup> “Kono haiba kuna ni alimuñwi mwahala mina yali mupolofita, Na Mulena ni ka ambola ku yena. Mi haiba sa bulela si ezahala, kona kuli ki Na, mwabona, kakuli ha buleli za hae fela. U sweli kubonahalisa milelo ya Ka, maikuto a Ka a lika ze sa taha, mi Ni ka itusisa mulomo wa hae kuli ali bulele. Mi hamano bulela cwalo, lina ni ku ezahala. Lihalimu ni lifasi li ka fela, kono Linzwi la Ka halina kufela.”

<sup>154</sup> Isaya naize, “Mwalanjo uka i twala.” Ao kona mafelelezo. U ka i twala. Sa na bulezi Mulimu, Wa si eza.

<sup>155</sup> Oh, wa zibahalisa, ka bapolofita ba Hae, liponahazo za Hae kaufela, kakuli ki maikuto a Hae a mihupulo ye bulezwi.

<sup>156</sup> Cwale, ki ze fa, ku *yena* musali nyana yoo. Na li alimuñwi wa milelo ya hae. Mwabona?

<sup>157</sup> Mi nekuna ni muprisita, yana yemela Liseli. Na i tutile zona kuzwa mwa Bibele. Na itutile kuli Mulimu nali Mulimu. Na itutile kuli kukena neli ko ku lukile. Na itutile kuli nekuna ni mulao wa Mulimu. Na itutile zona ka mutualimelo wa ngaa ya butu. Mi na pepezwi mwa lusika lo lu lukile; na li Mulivi. Kono na li zibile fela ka kuituta zona ka ngana ya nama. Mi cwale Liseli la hola . . . Mwabona, na i tutile zona ka sene si ezahalile, isiñi se ne si ezahala; sene si ezahalile! Mi ha fumana sene si ezahala, kopano ya habo yatokwa sa ku bulela ka Zona, kabakaleo na sina sene si Li yemela.

<sup>158</sup> Kono fa nekuna ni Muliululi fa lifasi ka nako yani, kuli aliulule milelo ya Mulimu yani, mi a i amuhela. Na si ka buza sika ka yona. A bulela fela kuli, "Kakuli Mesia ha ka taha, Uka eza lika zee," mi ani aba mafelelezo. Mi a li bona ha li ezahala, kuli . . . Mi ali, "Ki na Mesia," kacwalo zeo zafelela ona cwalo. Nekusina puzo hape. Na ile fela, inza bulelela mutu kaufela, "Amutahe, muto bona Yo Ni fumani."

<sup>159</sup> Milao ye i lueza kuba baba kenile, tempele ili sibaka mo Alukela kupila: kuluka, kukeniswa, kolobezo ya Moya o Kenile ka Mulilo. Zeo kona ze kenisa tempele ya (luna) yee.

<sup>160</sup> Kacwalo, sina sibupeho sa kale sa lifasi ha ne si si ka sinyiwa, ka mezi ha litapiswa; sibupeho sa lifasi mubu, sibupeho sa kale, ki . . . mubu kaufela, lipangaliko kaufela za beile ku lona Mulimu mwa lifasi, ne li si ka sinyiwa ha ku sinyiwa lifasi lapili. Mi Bibele ibulezi kuli ne li "sinyehile," kono ne li si ka sinya sibupeho. Ne ku sinyizwe fela sibi ni baezalibi bene bali ku lona. Sibupeho sa lona ne si siyezi.

<sup>161</sup> Kono, mwa bona, sina kubeiwa baba lukile, sina ba Baptist ni ba Methodist mo ba tabeleta kunahana ka zona, za kuluka fela, kulumela ni ku kolobezw, zeo ha li si ka likana. Mu ka ipumana mwa lika za lifasi, ni kukuta milili yamina ni kutina tuputula, ni lika zeñwi kaufela. Mwabona, hakuna se si ezahalile pili. Mu talimile fela kwa mulaho ni kubona fo mufoselize.

<sup>162</sup> Kana kuluka ne ku ezize sikamañi kwa lifasi? Ne ku si ka eza sika ku lona; la kala hape sina sapili, sina fela sibi mo ne sibelanga sapili. Cwalo kona mwa evezanga mutu, mi ona cwalo fela kona butelele bo akona ku ya.

<sup>163</sup> Kona ni mukutazi yomutuna, Billy Graham, za lukela kubona. Na ize, "Ni ka ba ni ba ba fetuhezi kwa puluso baba likiti ze mashumi amalalu, ayo kuta kasamulaho wa silimo hakuna nihaiba ba ba mashumi amalalu." Kona butelele fela bwa musipili bone baile. Mwabona? Mi, kaniti, ba baka. Na lumela ba baka; buñata bwa bona, kamba babañwi ba bona, mbwesha cwalo. Kono zeo ha ki zona zelukela. Za pakiwa fa.

<sup>164</sup> Cwale, kona kuli lifasi la kale sibupeho sa lona ne si si ka sinyiwa ka mezi. Lifasi neli tapisizwe fela kwateni. Yani neli yona kolobezo ya lona. Ne li kolobelizwe.

<sup>165</sup> Kacwalo kona sibupeho sa lona mo si ka sialela, ni ha li ka ca ka Mulilo. Ha u sinyo lifasi, mwabona, u sinya fela sibi sesili ku lona.

<sup>166</sup> Mulemuhe fa, babañwi ba mina baituti ba Bibele, mi sihulu Dokota Vayle ya ni talimezi. Mulemuhe ku Pitrosi, mwa kauhanyo ya 2 ya Pitrosi moo, kauhanyo ya 3, nitaluse, u itusisa linzwi lelili “lifasi,” sina linzwi la Sigerike *kosmos*, le litalusa kuli, “muezeko wa lifasi.” “Lifasi li ka fela, li shengunune ze bupilwe ka kucisa ko ku buhali.” Mwabona? Ha si talusi kuli lifasi, la mubu, li ka fela. Kono lifasi, *kosmos*, litaba za naha, baezalibi, milao, sibi, matuku, likokwani za matuku, lika kaufela ze fosahalile, li ka fela. Liki kaufela zekile zaba hañwi...

<sup>167</sup> Mulimu nako yeñwi akile anga mahalimu, kono nako ye cwale U bulezi ukli Uka nyunga lifasi, mahalimu ni lifasi... “Na nyungile lifasi,” nitaluse, “mi cwale ka nako ye Uka nyunga mahalimu.” Mwabona? “Kakuli lu amuhela Mubuso o sa koni ku zikinyeha.” Ki Mubuso wa Kuyakuile. Mutualimele cwale mwa li zamaiseza.

<sup>168</sup> Mulemuhe fa, Pitrosi naize, “Mi lika shengunka ka mulilo o buhali, ni misebezi ya mwateni ika celela kaufela,” isiñi lifasi mubu. “Ni misebezi ya mwateni,” ki misebezi ya mutu, batu ba litaba za naha kaufela ni mikiti ya bona, ni likopano za bona kaufela ni mikiti ya ipangezi mutu, i ka yundelela hamoho ni lona ha li ka tuka.

<sup>169</sup> “Mi—mi mahalimu aka fela ka siyongili se situna.” Kana mulemuhe faa? “Mahalimu aka fela ka siyongili se si tuna.” Muteeleze! Lifasi kaufela li ka tuka mulilo, mi lika tumbula mioya ye cisa yelima mubu kuli i li pancise. Yeo ki niti. Mubulele... Bibele ya bulela fa, Pitrosi uize, “Mi mahalimu aka fela, ni lifasi, ka siyongili sesituna.” Kupanca kwa kuli ku ka li sinya, oh, my, kakuli kuna ni ku bulaya butuku kaufela, seto kaufela, muutwa kaufela. Kaufela ze na ni kuezahala, Mulilo u ka li ciseleza. Mi, muhupule, woo kwateni ha ki mulilo wa fela fela, kono hape ki Mulilo o kenile, mwabona, wani uka fiyela Satani ni za hae kaufela, mioya yelunya kaufela. “Bubeli bwa lihalimu ni lifasi,” amen, “li ka fela,” kubulaya likokwani za matuku kaufela, likokwani kaufela, bupilo bwa nama kaufela ku lona ni zeñwi kaufela, mane ni yona H<sub>2</sub>O (ni mezi) lika panca. Mu nahane ka zona. Mubulele ka lilata!

<sup>170</sup> Mu nahana kuli lilata nyana le kwanu kwa Tucson neli nto yeñwi, ha Na kwaluzi Maswayo a silezi, sani ne si nyungile naha kwa i kwa, ni kutisa makande kai ni kai. Mulibelele kufitela lifasi le li amuhela kolobezo ya lona!

<sup>171</sup> Mwa ziba, kakuli mutu ha amuhela kolobezo ya Mulilo, kuna ni kuba lilata leliñata teñi foo. Ba nahana kuli ki maswabi, ku

utwa batu ha ba kalumuka ni kuhuwa cwalo. Mulibelele fela kufitela lifasi le li amuhela kolobezo ya lona!

<sup>172</sup> Eehe, li ka tatulula...kuli pancisa, ni H<sub>2</sub>O, ili ona mezi, kakuli Bibebe ibulezi cwana mo mwa Sinulo 21, "mi nekusina liwate ni lelikana," ne li pancize. Se si ka cinca mubonahelo kaufela wa lifasi. Lika panca ni ku pazauha mwa liembemba. Za kwande kaufela, macwe a mwa mubu, ni liñokolwa ze mianda anda mwatasi, zeo kaufela li ka sinyiwa kufeletelela. Za mwa mbyumbiyulu, mioya ye li mwa lifasi cwale, ko ba fumana lindalamiti ze palelwa kupunya ku zona, sibaka tuna mwa mbyumbiyulu mwani, mwahalimu koo mwa mufuta wa sibaka sa mbyubyulu mo kuna ni mifuta kaufela ya mioya, ba li; mi yeo ika panca. Buhali bo bukenile bwa Mulimu bu ka taha ku lona, mwabona, mi bu ka li kenisa, bu ka cinca sibupeho kaufela kakutala.

<sup>173</sup> Cwale, buñata bwa mina ba ba bata kuñola linzwi le, linzwi la Sigerike, "ku fela." Li zwelela kwa linzwi...Ne ni li batisse. Ne ni hupula kuli, "Kana lifasi le li ka fela cwani, kono luna kuti lu ka pila ku lona?" Kono haiba mulemuha, babañwi ba mina sicaba baba tabela ku li ñola, Ni ka mi peletelela lona. Ha ni koni ku li bulela, p-a-r-e-r-e-c-h-o-m-i-a. Ha ni zibi mwa ku li bulelela.

<sup>174</sup> Cwale, nzila yeo, sina ha Ni bulezi, hane Ni fitile... Susumezo ya ni tahela ya sesiñwi, mi Na kala kukuta mwa mulaho kuli ni fumane linzwi lateni. Cwale, fa, Ha nikoni ku li peletela, kamba Ha nikoni—Ha nikoni ku libulela. Kono, ku zeo, Mulena u sa ni file nzila. Ni yo batisisa kuli linzwi lani litalusa sikamañi, mi Na li fumana. Mwabona? Mi Na li fumana, hape. Mwabona?

<sup>175</sup> Mahalimu ni lifasi *li ka fela*, cwale, linzwi le litalusa, "kufela kuzwa kwa buino bo kuya kubobuñwi." Ha li talusi "kusinyeha," sina linzwi la Sikuwa ha li *talusa*, kufela, ki ku sinyeha. Kono linzwi la Siheberu, kamba linzwi la Sigerike fa, ha li talusi *kufela*; li talusa, "kuzwa kwa buino bobuñwi kutaha ku bobuñwi." Amutalime, kono, "ku fela kuzwa kwa buino bobuñwi," i li, "kutaha ku bobuñwi."

<sup>176</sup> Cwale mulemuhe, Paulusi na i tusisize lona, haiba mubata ku ipalela yona cwale. Mu i ñole, mwakona kuibala kasamulaho. Mwa Tite 3:5, Paulusi u itusisa linzwi leliswana leo, katalusa kubupwa sinca kwa mutu, muut ya cwalo u zwile kwa kuba muezalibi kuba ya pilisizwe, ha ki kusinyehelal kuyunda. Mutu ha cincize, ha si ka sinyeha kuyunda, kono ki mutu ya cincizwe. U cincizwe kuzwa ku sa na banga sona, isiñi ku bulaiwa kuyunda.

<sup>177</sup> Jesu na i tusisize linzwi leliswana leo mwa Mateu 19:28; cwale, isiñi 28:19. Cwale, 19:28, Na ize ku bona, "Mu ka ina ni Na

mwa Mubuso Wa Ndate, kuezwa sinca,” mwa bona, “kucinciwa,” fo ki ha u cincizwe. Na i tuisisize linzwi leliswana.

<sup>178</sup> Mi A itusisa linzwi leliswana ha Na bulezi, za kana ka mbongolo, naize, “Mubofulule kana ka mbongolo ni ku tuhela ka zamaye.”

<sup>179</sup> Na bulezi lika zeswana fa zuho ya Lazaro, “Amu mutamulule! Mu mucince! Na tamilwe; ha i tamaele!”

<sup>180</sup> Si talusa sikamañi? Lifasi li ka tamululwa kwa mata a Satani. Li ka tamululwa. Li ka tamululwa kwa litaba za naha, li ka tamululwa kwa milao ya likopano za bulapeli; kuli li i tuisiswe kwa Mubuso wa Mulimu, kuli u tomiwe fa lifasi faa. Kono haibile fela li mwa mazoho a Satani, litaba za naha... Satani yena mubusi wa lifasi, ki yena ya lisweli; ki la hae, kono cwale Kreste u li liuluzi.

<sup>181</sup> Nako yeñwi, Ne ni li sibyana sa hae, kono isiñi cwale. Nako yeñwi, musali wa mwanana yani nabanga sibyana sa hae, kono isiñi cwale. Mwabona, Na ti lo tamulula muhala wa zona. U tamuluzi muhala wa sibi, wa Satani, kuzwa fa bupilo bwaka, fa bupilo bwa hao, mi cwale ha lu sa li ba hae.

<sup>182</sup> Kana mukile mwa utwa hañata hani bulela, mwa tapelo kuli, “zwisa mazoho a hao fa sibyana sa Mulimu”? Mwabona? Amen! Mube ni tumelo ya ku ikungela za mina. Zeo kona liswanelo za mina. “Zwisa bizoho bya hao ku yena! Zwisa bizoho bya hao ku yena muuna yoo!” Mwabona, tumelo i ka li peta. Oh, mawi! Ha ki ku sinyeleza, kono, fela, “Zwisa bizoho bya hao fateni,” ku si tamulula, si tuhele si itamaele, si fe. Sa cinca.

<sup>183</sup> Lifasi li ka cinca. Litaba za naha li ka cinca. Bulapeli bu ka cinca. Likopano za bulapeli lika fela. Litaba za naha li ka fela. Mubuso wa Mulimu uka tomiwa.

<sup>184</sup> Lu bala mwa Joani, lubala Joani mwa Sinulo 6:14, mwabona, “ne li felile sina litapa.” Bibele ibulezi cwana...kuli ki...Joani naize, “Na bona lihalimu ni lifasi ha li fela sina litapa la buka.” Joani, Sinulo 6:14.

<sup>185</sup> Jesu naize, “Mahalimi ni lifasi lika fela,” kamba, ka manzwi asili, “mahalimu ni lifasi li ka cincawa.” Mwabona, na itusisize linzwi leliswana lani fani hape.

<sup>186</sup> Batili, ha ki kuyundiseleza. Kakuli, kasamumulaho, mwa Sinulo 21:2 kuisa fa 24, a bona Jerusalema Yomunca inza shetumuka kuzwa ku Mulimu mwa Lihalimu, ni ku to yaha mwa lifasi lee. Ha ku talusi kuli li ka yundiswa kusinyelezwa. Milao kona ye ka cincawa.

<sup>187</sup> Daniele na boni nto yeswana. Licwe la nata mwa lifasi, lene li kumuzwi kusina mazoho; mi mubonahalelo wa milao kaufela wa lubeha ni kuswana fela sina musili fa sihoto sa mutu ya bela ka licwe, mi moyo wa u fefulela kwahule. Mi Licwe, Lona luli, la hula kuba Lilundu lelituna mi la to kwahela lifasi.

Mutalime Lilundu leo cwale, mwa bunyinyani fela. Lilundu lani li kwahezi lifasi.

<sup>188</sup> Hape, lu fumana cwana fa, mo, hape, mwa Sinulo mwani, i bulezi kuli, "Malena ba Lifasi Lelinca ba ka tisa likute la bona ni kanya ku lona." Mwa lifasi, kuina ni... Jerusalema Yomunca u yahile mwa lifasi. Mwabona, ne i cincize fela.

<sup>189</sup> We u mutu ya swana, mwa sibupeho, ona mo no inezi Mulimu ha ku biza, musali yaswana. Kono, mwa bona, se si ezahalile, neli kufetulwa. Za kale kona ze felile. Takazo ya kalei felile. Mi, haiba no tabela kunwanga, ni kulwaha, ni kuomana, ni kunyema, ni kumata mata kwa ni kwa, ni butanya, nto yeo i shwile cwale. Mwabona? Kono cwale no ezanga... Sapili noli siitusiso sa Satani; cwale u u liuluzwi.

<sup>190</sup> Mi cwalo kona lifasi mo li kabela, ka mukwa o swana, kuliululwa, Mahalimu Amanca ni Lifasi Lelinca.

<sup>191</sup> Ku swana sina wena, "U si bupiwa se sinca." Mi linzwi la Sigerike foo, mutu kaufela wa ziba, liize, "U sibupiwa se sinca." Amen! Sibupiwa sesinca mwa tempele yeswana ya kale. Haleluya. Mutualime se si ezahala fa cwale. Kanya! Ku lukile.

<sup>192</sup> Cwale lu fumana kuli lifasi le li ka buluka malena a lifasi.

<sup>193</sup> Mi, hape, mwa Mateu 5:5, Jesu naize, "Ba ba ishuwile ba ka yola lifasi." Ha ki kuli, ba ka yola lifasi lisili hape. Ikaba ona lifasi leliswana. Ni lika ku—ku mulelo wa puluso ku mina, kusikaba kale, haiba Hanina kuba ni sika sisili, mwabona. Kolobezo ya Mulilo, ku yona, fela ina ni ku ikenisa ni ku panga sibaka sa baba ishuwile ba Hae kupila ku sona. Mwabona? Oh!

<sup>194</sup> Sina mwa Na ezelize ku luna, pupo ya Hae, kupila ku yona. A si ka taha kale ku yona, Nana ni ku lufa kolobezo ya Mulilo; mi Moya o Kenile wa taha ku to pila, kolobezo ya Mulilo. Mi, ha u amuhela kolobezo ya Mulilo yeo, kipeto Moya o Kenile wa taha mwateni. Sikamañi? Sina mo Si ezeza, Si cisa lika kaufela ze lwanisana ni Linzwi, lizwa ku wena. Mwabona? Halina kulumela sika sifi kaufela kwanda Linzwi, kakuli Ki Linzwi. Mwabona? Mwabona? Mwabona?

<sup>195</sup> Cwale, kona ze ne lusweli kuambola zazi leliñwi, ponahazo ya Moya o Kenile. Mwabona? Ponahazo ya Moya o Kenile ki fo ha ukona kuamuhela Linzwi; ha ki mulao usili fela, kono ki kuba ni kutwisiso ye kwanile. Mu ziba cwani kuli Linzwi li kwanile, mwa Li utwisisa nji? Mu Li tokomele ha Li iponahaza.

<sup>196</sup> "Kihande," mu li, "Ni bona sa *kuli* si eze, ni *sani*." Oh, eeni, mufuka ni ona upila ka kuswana. Mwabona?

<sup>197</sup> Kono lina ni kuba Linzwi ka kutala. Kuli u be Munyaliwa, una ni kuba siemba sa Hae. Yena ki yena Linzwi. Mwabona? Mi ki siemba mañi sa Hae seo? Ki Linzwi le li sepisizwe la lizazi le Ha biza Munyaliwa wa Hae. Mube siemba sa Lona.

Mwa utwa kana? Cwale, musike—musike mwa latehisa seo cwale. Mulemuhe.

Mi U li eza kuba sibaka se si swanelia mwa kupila Kuyakuile.

<sup>198</sup> Mulemuhe, se ni cwale ha ki . . . Puso ya Mileniamu ye, myaha ye sikitia, ha ki Lifasi Lelinca. Mwabona, puso ya Mileniamu ki puso yesutana. Zeo kona ze lukena ku zona, za Mileniamu, kono leo ha ki Lifasi Lelica, kamba Lihalimu Lelinca. Batili, batili. Sani fela ki sibaka sa pumulo, mwabona, sibaka sa kupumula, isiñi kuli ki Lihalimu Lelinca ni Lifasi Lelinca; kakuli, mwa bona, mwa Mileniamu luna ni lika ze si ke za yo kena Mwateni. Ki mufuta wa lizazi la kale wa busebene, kwande mwa Edeni; lizazi la busebene, kasamulaho Amano eza lifasi. Lizazi la busebene, A pumula mwa Edeni, ni Mileniamu.

<sup>199</sup> Mwabona, lifasi cwale lina ni myaha ye likiti ze silezi, haisamba li bupwa. Mwabona? Myaha ye likiti zepeli kamita ibile ni—ni sinyeho. Mwabona?

<sup>200</sup> Myaha ye likiti zepeli ya makalelo, kwa taha muunda, mi A li kolobeza ka (sikamañi?) mezi.

<sup>201</sup> Myaha ye likiti zepeli yetatam, Jesu ato li kenisa ni ku ikungela lona, a sululela Mali a Hae ku lona, a li biza la Hae. Ku lukile.

<sup>202</sup> “Ni ka taha hape,” uh-huh, cwale sina Mulena ni Mufumahali wa hae, mi myaha ye likiti zepeli za bubeli (ki sikamañi Sa eza?) U taha ku to fa pumulo ya Hae.

<sup>203</sup> Mi kipeto wa li cisa, ni ku ikungela lona kuba la Hae Tota; ubeya mukokoto wa Hae Tota kuyona.

<sup>204</sup> Mi mulemuhe, isiñi lifasi le li petehile, Mileniamu ye, ki mufuta fela wa lizazi la busebene. Mi kipeto kutaha Katulo ya Lubona Lolumweu. Mwabona, lu sa nani katulo. Lu sa pila mwa nako, mwa Mileniamu. Ki lizazi, myaha ye wani sauzaende. Ki kalulo ya nako. Isiñi, musike mwa lyanganisa zeo ni Lifasi Lelinca, cwale, kakuli ha ki lona.

<sup>205</sup> Mwakona kubulela seo kuna. Cwale Ni ikutwa fela kuli yomuñwi uka bulela kuna, kuli, “Cwale, Muzwale Branham, u ka eza sikamañi cwale? U latehezwi ki ze sebene za hao. U ka eza lifi cwale? Cwale, wena u mutu ya talimana ni za masika.” Ili, yo Nili yena. Ni lumela Mulimu u cwalo, nina. Mulemuhe, amulemuhe. “U felezwi ki mifuta ya masika. Kakuli, haiba uka beya sika sesiñwi kwabuse bwa lizazi la busebene, u ka linga cwani? U ya kai cwale?”

<sup>206</sup> Ku lukile, Ni ka mi lemusia nto yeñwi, mwaboa. Uh-huh. Mwabona? Kacwalo, Ha ni yo—Ha ni yo kwande a masika, cwale. Ni na ni Liñolo leliñwi faa. Mi, muhupule, kaufela Yona lina ni ku talelezwa, siemba sa Yona kaufela. Mwabona?

<sup>207</sup> Cwale mu li, “Muzwale Branham, ulika kubeya sika mwabuse bwa lizazi la busebene, sabata ya lizazi la busebene yani.”

<sup>208</sup> Sina Mulimu ha na bupile lifasi ni kubeleka ka mazazi a silezi, ni kupumula la busebene, neli fela mufuta wa nako, nako. Kono Ni bulezi fela fa, luba ba Kuyakuile.

<sup>209</sup> “Cwale ukai mufuta wa luna cwale? U bulezi kuli wena u muswanisisi kwa lika. Kacwalo, wena, u felezwi ki mifuta cwale.” Batili, Ha nina. Halu boneñi fela haiba lu nani.

<sup>210</sup> Ha luyení kwa Levitike, lu kutele mwa kauhanyo ya 23 ya Levitike. Cwale Ni bata kuli mulemué mwa Levitike, fo ne luinzi la Sunda yefelile, kamba kwa mulaho... Se kona se si ni file mulelo, ona fa. Kauhanyo ya 23 ya Levitike, ni timana ya 26.

<sup>211</sup> Cwale muhupule, kuna ni mazazi a sebene a mukiti. Mukiti wa litolombita, mukiti wa—wa litabernakele, mukiti wa kubonahalisa kutulo, ni... Ze kaufela, kuna ni mazazi sebene a matuna a mikiti, wani neli fela mufuta wa Masika a Likeleke Zesupa. Mi mwa hupula lisabata ze neliteni mwahala iliñwi ni yetatama? Mwabona, lisabata ze sebene mwahala pentekota ni litolombita, zeneli Masika a Likeleke Zesupa. Mi nekuna ni mazazi a sebene a mukiti, ao ayemela Masika a Likeleke Zesupa. Mubone kuli lipalo za mina za zamaeleta.

<sup>212</sup> Muli, “Kihande, cwale, Muzwale Branham, u se u felezwi. Una ni ze sebene za hao.”

<sup>213</sup> Ku lukile, ha lungeni mukiti wa mafelelezo, ili mukiti wa litabernakele. Cwale mulemuhe fa mwa timana ya 36.

*Ka mazazi a sebene mu ka ezeza MULENA sitabelo sa kucisa: ka lizazi la bueiti—ka lizazi la bueiti ikaba kopano yekenile (kuna ni nako yeñwi yekenile yetaha)... kopano yekenile ku mina; mi mu ka fa sitabelo sa kucisa ka mulilo se si fiwa MULENA: mi ki puteho ye kateleha; mi hamuna kueza musebezi ni o mukana ku lona.*

<sup>214</sup> Cwale luna ni “lizazi la bueiti.” Cwale, kuna ni fela mazazi a sebene, kono fa lu bulela ka “lizazi la bueiti,” milapelo ye kenile, milapelo. Mulemuhe, “Musike mwa eza musebezi ku lona.” Ki lizazi la bueiti, ki (sikamañi?) kukutela kwa lizazi lapili. Kiñi, li bulela za Kuyakuile, hainze i pikuluha kusina sibaka sa kutuhela. Amen. Kana mwa si bona? [Kopano ili, “Amen.”—Mu.]

<sup>215</sup> Mulemuhe, neli hape ka lizazi la bueti. Lizazi la mafelelezo, lizazi la mukiti wa tabernakele, mulemuhe kasamulaho wa sani, kasamulaho wa lizazi la mukiti, kasamulaho wa Lusika lwa Keleke ya mafelelezo, kasamulaho wa kufela kwa mazazi a sebene fa lifasi, kasamulaho wa Mileniamu, hakutaha Milapelo Yekenile ye.

<sup>216</sup> Muhupule, wo ki mukiti wa litabernakele, *litabernakele*, “libaka za kukopanel.” Amen! Koo, “Mwa Mileniamu,” Bibele ibulezi kuli, “baka yaha mandu; ba ka pila ku ona.”

<sup>217</sup> Kono Lifasi Lelinca, Uile kale mi u i lo lukisa sibaka. Si yahilwe. Haluna sa kueza ni muyaho wa yona. Amen. Kuyakuile! Oh, Ni lata fela Linzwi lani! Mawi! Milapelo Yekenile, lizazi la bueiti. Kanti mane, kuna ni fela mazazi a sebene. Mi cwale ka lizazi la bueiti, le li kutela kwa lizazi la pili hape, litaha hape kwa lizazi la pili, lizazi la bueiti ki Milape... ye Kenile Milapelo.

<sup>218</sup> Mulemuhe, mazazi a sebene, ana ni za kueza fela kwa pupo ya kale, nako ya lifasi. Mazazi a sebene, yeo kona Milemiamu, lizazi la kupumula. Sina Mulimu mwa na sebelelize ka mazazu a silezi, a pumula la busebene; Keleke isebeza ka mazazi a silezi, ni kupumula la busebene, kono mu sa li mwa kalulo ya nako. Ha ni buleli za Kuyakuile.

<sup>219</sup> Kono, mwa bona, hakuna nto yakuli mazazi a eiti; mukutela hape kwa lizazi la pili hape, mwabona, lizazi la pili.

<sup>220</sup> Sabata i bulela za mulao wa kale, ono na ni kufela. Kubuluka kwa sabata, yena ni “ku fela,” kamba, Ni bulezi kuli, “i cinciwia kuba nto yeñwi.” Ne i si ka fela; ne i cincize fela kuzwa kwa mulao wa kale, wa kubuluka lizazi leliñwi cwalo la mwa surda.

<sup>221</sup> Isaya, kauhanyo ya 19, iize, Ni lumela ki 28:19, iize, “Mulao fahalimwa mulao; fa hanyinyani, ni fani hanyinyani.” “Mu kumalele ku zende.” “Kakuli ka milomo ya sikukuma ni ka malimi asili Ni ka bulela kwa sicaba se. Mi ki ye pumulo.” Mwabona?

<sup>222</sup> Mu kena mwa Bupilo, isiñi ka kubuluka lizazi kamba muluti. Paulusi naize, mwani mwa Maheberu kauhanyo ya 4. “Mu buluka mazazi ni miluti, ni lika ze cwalo; Na saba kutwisiso ya mina.” Mwabona, ha lu fiti mwa mazazi amañwi ni litaelo. “Mu zwile kwa lifu kukena mwa Bupilo Bobusafeli,” isiñi mazazi ni linako. Mu fitile mwa Kuyakuile. Yeo kona milapel... milapelo, milapelo, nitaluse.

<sup>223</sup> *Mazazi a sebene*, mutokomele, ili “aka fela,” kamba, Ni bulezi kuli, aka “cinca kuba nto isili.” *Mazazi a eiti atalimana* ni pupo yenca, mwabona, isiñi pupo ya kale. *Mazazi a eiti ki pupo yenca*.

<sup>224</sup> Kakuli, neli ka lizazi la bu eiti fana zuhezi Mulena luna kwa bafu. Ki yeo milapelo ya mina yeñwi, ya kukena; ha ki kutokomela lisabata, ni hanyinyani, kamba mukiti wa litabernakele, mukiti wa se, ni mukiti wa pentekota. Jesu na zuhile kwa bafu, kuli lube baba ba lukile, ka lizazi la bueiti. Kasamulaho wa lisabata ze sebene, kamba mazazi a sebene, Masika a Likeleke Zesupa, Jesu a zuha kwa bafu. Lizazi la bueiti, ili milapelo ye kenile, mwabona, ili lona lizazi la pili.

<sup>225</sup> Mwabona, mubile, muse mufitile mwa nako, ni kuwela mwa Kuyakuile hape; ha ki kubuluka kwa mazazi, ni kubuluka kwa lisabata; ni likweli zenza, ni lika ze cwalo. “Kono *u zwile*,” u cincize sibupeho sa mina; ha ki ku si sinya. Kanya! “Kono kuzwa kwa lifu kutaha kwa Bupilo Bobusafeli.” Oh, seo Bibele i lu luta! Mwabona, kuzwa ku yo kutaha ku usili.

<sup>226</sup> Ku lukile, “kufela,” sabata ya kale i felil. Jesu na zuhile ka lizazi la bueiti. Lani neli lizazi leti butokwa, le li kenile. Mi ne si lizazi; kakuli lizazi, nako, ne se i felile. Ne i keni mwa Kuyakuile. Mwabona, za kutela hape kwa lizazi la pili hape. Mwabona?

<sup>227</sup> Kuyakuile iswana sina—sina sikwenda. Hamukoni kufumana lilulu la sona. Hamukoni kufumana sibaka sa kutuhela ku sona wa sikwenda sesinde. Muzwelapili ona cwalo ni cwalo. Ha ni na taba kamba mukaya butelele bobucwani. Mukana mu kutakela fela ona *cwalo*; kufita mwa mubu, ni kukena mwa mubu cwalo, kufitelela lifasi mwa mubu, mu sa ya-... [Hakuna manzwi fa tepu—Mu.]

<sup>228</sup> Liki kaufela ze bupilwe kulo *fa*, li lyangani, ha li si ka bupiwa ki Satani, li ka wa milangu ya gauda ha i ta lila ka mulumo wa Tolombita.

<sup>229</sup> Mi kwa mulaho kwani kwa simuluho, kone kuezizwe mayendameno mwa Edeni, fani mutu ha taha mwa lifasi mi a wa, ngunyana ya sulula mali a yona, zani ne li ambola za Ngunyana yetuna yene taha ku to sulula Mali a Yona. Kalvari yatisa sifapahano, se ne si tamile Testamente ya Kale; ku bona baba lukile, bene ba I bata. Mi mwa lusika lo lunca lo, kwa Kutaha kwa Mulena, kwa Lifasi Lelinca, muhala wa puluso (ki Mali, Mata a liuluzwi e Ni bulela ka ona, ni ka mulao o swana u liuluzi bubeli bwa mutu ni lifasi) uka zuhela hape mwa Kuyakuile hape. Mi Lisa la Mulilo li ka ciseleza lika kaufela ze si za bumulimu ni ze si ka lemuhiwa ku Lona. Kana mwa si bona?

<sup>230</sup> Mulemuhe, lizazi la bueiti, Jesu a zuhela kuluka lwa luna. Mulena wa Kuyakuile, ni Mubuso wa Kuyakuile kuli ba kolobezwe ku ona, kutaha mwa Bupilo Bobusafeli. Ha ki mazazi a sebene; nasina sa kueza ka mazazi asili fela. Ki kubulela ka leliñwi, Kuyakuile, kutaha; kuambola za nako ya Kuyakuile, kona Lifasi le Ni bulela za lona.

<sup>231</sup> Mi, mulemuhe, kasamulaho wa mazazi a mashumi a ketalizoho, kamba lisabata ze sebene kuzwa fani, hape kwataha puteho yeñwi ya milapelo yekenile. Kisikamañi sene si ezahalile? Moya o Kenile wa suluha ka Lizazi la Pentekota, ka lizazi la busebene... Kamba, lizazi la bueiti, nitaluse, lizazi la bueiti, wa suluha ka lizazi la bueiti. Neli lisabata ze sebene kasamulaho, ona cwalo, kasamulaho wa zuho ya Hae, mwabona; kacwalo neikaba linako ze sebene zeo hape, kuli kutiseza hape kwa lizazi lapili la sunda hape, ona cwalo. Mwabona?

<sup>232</sup> Ki yeo milapelo ya mina yekenile, haina sa kueza ni litaba za butu fela. I fitelela zeo. Ki kupunya mwa Mubuso wa Mulimu, ka Bupilo Bobusafeli, ka baba lemuhilwe kale bene ba si ka kalisa. Ne li kalile ka lizazi kaufela. Ne mu si ka piliswa ka lizazi lisili fela. Ne muli baba pilisizwe kamita. Amen. Jesu natezi fela ku to liulula zeo; kono ne mu pilisizwe, kuzwa kwa simuluho, kakuli nemuna ni Bupilo Bobusafeli, ka kukala.

<sup>233</sup> Tapi yebizwa mbundu haikoni kuba ñwelele kamba simbuluwe. Yakona kuba mwa mezi a swana hamoho ni zeñwi, kono neili cwalo, kuzwa kwa simulucho, inge ili mbundu. Kanyandi fela ka iswasize, mwabona, kono neili ona cwalo kuzwa kwa simuluho. Ki yeo fo . . .

<sup>234</sup> Cwale, ha lu yo kwande a masika. Nji cwani? Luyemi hande mwa Mañolo. Mazazi a mashumi aketalizoho kasamulaho, ya taha.

<sup>235</sup> Mwabona, eiti haikoni kubalwa kuli ki biki. Mwabona, haikoni kubalwa, mazazi a eiti mwa biki. Hamukoni kueza cwalo, mwabona, kakuli kuna ni fela mazazi a sebene mwa biki. Mubale mo mubatela kaufela. Sunda kona lizazi la pili mwa biki. Mwabona, mu bala a sebene, kipeto mu kutela kwa mulaho ku yo kalisa sinc a hape. Mubala sebene, ha mukuta kipeto mukalisa sinc a hape. Mwabona?

<sup>236</sup> Mi lupilile mwahala mifuta yeo kaufela kulo mo, kono, ha mu fita ku ya bu eiti, mukenelela fela mwa Kuyakuile. Ha mutahi ka milao, ni lizo, ni litaelo. Mutaha ka kulemuhiwa. Amen! Kuna ni ya niti, milapelo yekenile! Mwabona? Mi lwa feza lusika lwa keleke ya bu sebene, lusika lwa keleke, lusika lwa Pentekota. Kana mwa bona nji? Lu kena milapelo ye kenile. Lu kena mwa sika sa niti, sani, Kuyakuile, koo Keleke i bizezwa; isiñi fa sibaka fela sisili, kopano yeñwi, kono mwa Kuyakuile ni Mulena bona wa Kuyakuile. Mwabona? Haluna zona nihanyinyani, hakuna nto yakuli mazazi, ni lika ze cwalo, ni linako. Mu se mukeni mwa Kuyakuile, ko muzwelezi. Nemuliteni Kwani, ka kukala. Mwabona?

<sup>237</sup> Haiba una ni Bupilo Bobusafeli, kuna ni fela mufuta ulimuñwi, yoo ki Mulimu, mi wena u muhupulo o bonahalile. Mwabona? Haiba mina . . . Haiba ha mu cwalo, hamuna kuyoba kwani, niteñi. "Hakuna mutu yakona kutaha ku Na kwanda kuli Ndote A mu bize." Mwabona? Ili, "ku fela," lika za kale ze kaufela; kono Lika ze hali cwalo, kona kuli libuleza ka za Kuyakuile. Moya o Kenile ki wa Kuyakuile. Mi, u wa Kuyakuile, kone ubanga ka linako kaufela, kono u lemuhile fela se si ezahalile.

<sup>238</sup> Mwabona, no bupezwi mulelo wa Kuyakuile, kakuli no li po-po nahazo ya mulelo onoli ku Mulimu, ono ku hupuzi ni ku ku bonahalisa; mi Abupa lifasi kuli li ku tahise, ni ku ku eza mutu. Mi sibi sa taha mwateni mi sa lyanganisa nzila ya

Hae. Mu tahile, nihakulicwalo, kono ne mulatehile ni lifasi. Kacwalo Ataha ku to mi liulula, ili mulelo o bonahalile, mi hape ni ku liulula lifasi le ka mukwa o swana. Mi, mulelo wa Hae wa zwelapili. Mwabona? Oh! Haleluya! Oh, zeo si ni utwisa hande, munahane fela ze li kwapili!

<sup>239</sup> Cwale, mwa Maefese 1:10, li bizwa... Cwale, musweli kuñola, Maefese 1:10, i bizwa kuli, ha ki lusika, ha ki lizazi la busebene. I bizwa, "Mutalelela wa nako." Mi cwale "mutalelela wa nako" ha u tahile, fo cwale ki nako ha se i kwanile. Ha ku si ke kwaba nako, kipeto mukena mwa Kuyakuile, kasamulaho wa lusika lwa keleke ya busebene lu fela, mi ki cona; lusika lwa Luther lufelile, lusika lwa Methodist lufelile, lusika lwa Pentekota lufelile. Mi cwale mukena mwa (sikamañi?) Kuyakuile; hakusana masebene, hakusana bulalu, hakusana lika lisili. Li mwa Kuyakuile, ko kusina ze bizwa nako ni lipalo, ni linako, ni lika zeo. Amen! Oh, mawi! Mwa li bona cwale?

<sup>240</sup> Kamba, nako ha se i talelezwe, sibi kaufela si felile, si zwisizwe kwateni, kwa Mileniamu, fa Lubona Lolusweu lwa Katulo yetuna. (Mufuta, wa Moya o Kenile.) Kasamulaho lifasi limano tuka mulilo ni ku kolobezwa, ki kolobezo ya Mulilo o kenile ozwa kwa Lihalimu; sibi kaufela si felile, likokwani za matuku kaufela lifelile, mioya yelunya kaufela ifelile, miliko kaufela ifelile, bumaswe kaufela bufelile. (Mufuta cwale.) Mi kipeto Mulimu u eza sikamañi? Wakona kuina mwa lifasi, mwabona, kakuli sibi kaufela si felile.

<sup>241</sup> Yeo ki nto yeswana Ya ezanga Ha kufa kolobezo ya Moya o Kenile ka Mulilo. Wakona kutaha ku to pila ni wena, mi lwakona kuina mwa libaka za Lihalimu ni Kreste Jesu, kakuli lu ku Yena ni kale. Isiñi kuli "lu kaba." Lu inzi cwale ku Kreste Jesu. Lu kena cwani mwateni? Ka kolobezi iliñwi ya Moya o Kenile. "Ka Moya u li muñwi luna kaufela lu kolobelizwe ku Kreste," ili, mo luinzi cwale. Haluna "kuba" ku Kreste; luinzi kale mwateni! Yena ki yena Mulena yomutuna wa moya fahalimwa Moya o li ku luna, kakuli neluli ku Yena kwa simuluhu.

<sup>242</sup> Mwabona, Mulimu, kwa simuluhu, ha Na hupuzi ka mina ni kuhupula ka babañwi sina cwalo, ahupula ka Yena muñi kuba ya swaliwa. Yeo neli milelo ya Hae. Mwabona? Kacwalo, A bonahalisa milelo ya Hae ka Linzwi. Na ize, "Hakube sa kuli." "Hakube sa kuli," mi sa ba teni. "Hakube sa kuli," mi sa ba teni.

<sup>243</sup> Mi, kasamulaho nyana, Azwelapili kubulela kuli "hakube sa kuli," kufitela sicaba si bulela, zazi leliñwi kuli, "Kusike kwa bulela Mulimu!"

<sup>244</sup> Mi naize, "Cwale Ni ka bulela ku bona ka mupolofita." Mwabona? "Kuzwa kacenu kuya kwapili, Ni ka bulela ni bona ka mupolofita."

<sup>245</sup> Mi mupolofita ali, “Ku ka taha; ku kaba,” mi kwaba cwalo, mi kwaba cwalo. Mi kwaba cwalo, mi kwaba cwalo, mwabona, ona cwalo fela. Mwa utwisia cwale?

<sup>246</sup> “Mutalelela wa nako” utile kasamulaho wa nako i kwana handende. Sibi si felile, kasamulaho wa kolobezo ya lifasi, kasamulaho wa kolobezo ya lifasi i li eza sibaka sesinde se si lukela; hakuna matuku, hakuna maikulokuwawa; hakuna miutwa, hakuna liseto; hakuna lifu, hakuna maswabi, hakuna kukula pilu; hakuna kusupala, hakuna se si swana lifu; hakuna ze fosahalile; kaufela li lukile; hakuna za butu fela. Kuyakuile!

<sup>247</sup> Mi, mulelo wa Hae u bonahalisizwe kakuli no li teni, pili, ka kukala. Zeo kona za Na hupuzi. [Muzwale Branham iswanisa fa limati—Mu.]

<sup>248</sup> Mi kipeto kiñi sene si ezahalile? A beya Adama ni Eva fa lifasi fa, mi ali, “Muata ni kutaza lifasi.” Mibili ya bona ne i lobalizwe fa kaufela, kuli muce ni kubupa mibili ya mina. Cwalo kona mwa Na li ezelize.

<sup>249</sup> Kono sibi sa taha mwateni ni ku to lyanganisa mulelo wa Hae. Li ezahala ona cwalo, ka kuswana fela, nako izamaya cwalo.

<sup>250</sup> Kono ki sikamañi sana ezize Jesu? Mulimu atahafafasi ku to iponahaza Iliyena mwa mufua wa Muuna, aba fela sina; afa bupilo bwa Hae, mwa sibaka sa kuina fa. Ili, Nali yena Mulena, kono A ipa Iliyena kuli aliulule baba siyezi. Mwa utwa kana?

<sup>251</sup> Mi ha se lifelile, kipeto za hohiwa mwateni hape, mi mulelo wa Mulimu wa talelezwa. Ki yani Mulena wa Kuyakuile hape ni sicaba sa Hae sa Kuyakuile, se si bonahalile mwa mibili ya butu, ona cwalo fela mwa Na bezi ni zona; sibi si takuzwi; diabulosi u zwile; kaufela zona lifelile cwale.

<sup>252</sup> Si ka eza sikamañi? Lifasi le halikoni kuba sibaka sa kuina Lihalimu cwale. Amuli talime, ki sibi. Sina ni ku tapiswa.

<sup>253</sup> Hakuna muuna, hakuna mutu, hakuna musali, mushimani, musizana, Hanina taba kamba ki mañi, ya lukela kuya fa katala, kamba neba kuipapata kuba Mukreste, kusina kutazwa ka Moya o Kenile. Hauna tukelo ya kutaha kwa mulalelo wa Mulena, kamba kuikambota kokucwani kaufela, kutapa kwa mahutu, kamba sika kaufela, konji pili ha se u kenisizwe ka Mulilo o Kenile wa Mulimu.

<sup>254</sup> Hakuna mutu yana ni tukelo ya kukutaza konji pili, sina Mushe, ha Mu katanyeza kwande kwani ka mayemo akenile ani, Siita sa Mulilo sani sa lepelela kwani, ko aziba kuli kona kwa inzi. Mwabona?

<sup>255</sup> Mulemuhe mukwa wateni, mo lu zamaela. Kasamulaho wa kolobezo ya lifasi la Mulilo, likokwani za matuku kaufela lifelile, ilieza kuba sibaka se si swanelia kuli Lihalimu litome fa lifasi.

<sup>256</sup> Mufuta, cwale, wa kuina mwa libaka za Mahalimu ku Kreste Jesu; kuzwa ku le, masila inge musali wa mwanana mwanabezi, kutaha mwa mulelo wa Mulimu. “Cwale lu Bana ba Mulimu,” isiñi kuli *lu kaba*. Lu milelo ya kunahana kwa Mulimu. Mwabona?

<sup>257</sup> Cwale mu li, “Kihande, amutalime muprisita yo. Kana ne si mwana Mulimu nji?” Ne li pakilwe kuli na si yena. Na si ka lemuha sikamañi? Kikuli na bulezzi kuli, “Ni lumela Bibela”? Luli. Kono na si ka lemuha Linzwi le li bulezwi la hola yateni. Ki yena fela yanana ni tuto ya butu kuzwa kwa sikuwata silisiñwi sene si pilile kwa mulaho ku yena.

<sup>258</sup> Mi ki nto yeswana ni kacenu! Mwabona? Ni ziba kuli seo si buhali, kono ki Niti.

<sup>259</sup> Nekuna ni Linzwi, sina mo ne li buleüzwi kaswanelo ya lizazi lani; mi, cwale, yena niteñi nali muituti, ibo nali mutu ya kutekeha, kono na si ka Li lemuha. Kiñi? Hakuna taba kamba nali yaitutile cwani, sika kaufela se sicwalo, niteñi na si na ze yemela kulemuhiwa kwa hae. Mwabona?

<sup>260</sup> Konji fela baba lemuhilwe kale kona baba ka eza cwalo; ki bona fela banosi. Mi ki mina fela munosi mukona kueza cwalo... Kakuli, mutualime, si paka kulemuhiwa kale. Kakuli, haiba muna ni Bupilo Bobusafeli, nemuna ni kuba siemba sa Mulimu linako kaufela, kakuli Ki yena fela Anosi wa Kuyakuile. Mwabona kana? Oh, mawi! Mu nahane ka zona.

<sup>261</sup> Cwale mutualime se si ezahala mwahala Mileniamu yomutuna. Sibi kaufela sifelile, Mileniamu cwale ya tomiwa, seli nako cwale kuli Moya o Kenile unge sibaka sa Ona.

<sup>262</sup> Kuswana fela sina Mwa ezeza ku luna, “kuzwa kwa lifu kutaha mwa Bupilo,” kuina mwa libaka za Mahalimu ku Kreste, mwa Kubateni kwa Hae ko ku kanya. Nihaiba lifu la nama lika fela kanti; inge fela lifu la moya mo se lifelezi cwale.

<sup>263</sup> Hakuna nto ye cwalo kuli lifu la moya cwale, ku ya—ku ya—ya kolobelizwe muhalalehi wa Mulimu. “Ni ha ne lu shwile, niteñi u ka pila. Yapila kaufela mi alumela ku Na hana kushwa.” Mañolo Kaufela, Alukena ku talelezwa. Mwabona? Hamukoni ku shwa. Muna ni Bupilo Bobusafeli. Nto inosi fela, Muliululi u mi konisize ku li lemuha. Mi nemuli Sani kamita, mi leo kona libaka ha mubona lizazi le lupila ku lona. Ki ba bakai baba libona? Munanule mazoho amina. Mwabona? Ni itumezi. Mwabona? Lizazi le lupila ku lona, mu li lemuhile.

<sup>264</sup> Cwale, ba Methodist bali, “Ha mu huwa, muna ni Ona.” Buñata bwa bona ne buhuwa kono niteñi habana Ona.

<sup>265</sup> Ba Pentekota bali, “Ha mubulela ka malimi, muna ni Ona.” Bakona kubulela ka malimi kono niteni habana Ona.

<sup>266</sup> Mutualime he, mifuta kaufela ya lika yene bana ni Bafarisi bani, kono cwale Linzwi ha li yo iponahaza, ne ba si ka Li lemuha. Mwabona? Mwabona?

<sup>267</sup> Mi haiba ki wena Munyaliwa, ili mane Munyaliwa ki siemba sa Muuna hae. Mi haiba . . . Sibaka fela sinosi se mukona ku Li lemuha, ki kulemuha siemba sa Muuna yoo (Linzwi leo) uli yena, kamba hauna ku zibiwa kuli u Munyaliwa. Ki ba bakai ba ba bona cwalo? [Kopano ili, "Amen."—Mu.] Mwabona? Mwabona? Muna ni kulemuha sibaka sa mina.

<sup>268</sup> Hamukoni ku lemuha mutu usili. Kucwani haiba—haiba Mushe natile ni liñusa la Nuwe? Mi Nuwe nali siemba sa lona, kono kambe ne lisike za beleka. Kucwani haiba—haiba—haiba Jesu na ka taha ni Liñusa la Mushe? Kambe ne lisike za beleka. Mwabona, neli lusika lo lushutana, neli sipolofita se si shutana, siemba se si shutana sa Linzwi nesina ni ku talelezwa kwani. Nebali mwa lizazi lisili la sunda. Isiñi, musebezi wa la Bubeli haukoni kuezahala la Bulalu. Mi za la Bulalu lina ni kuezahala la Bulalu. Mwabona? Pelekelo ina ni kuezahala musebezi wateni la Pelekelo. Mwabona?

Mi, bona, neba lemuhile, "Oh, Mushe, luna ni Mushe."

<sup>269</sup> Ki hali, "Kambe mu zibile Mushe, nemuka Ni ziba, kakuli neli yena yana bulezi ka za Ka. 'Mulena Mulimu wa mina uka zusa mupolofita yaswana sina na.'" Mwaswale mulelo wo kana? Oh, mawi! Mwabona?

<sup>270</sup> Mi Jesu ali, mwa Joani 14, "Ha Ka, Moya o Kenile, utile, ha sa tile, Uka mi hupulisa litaba zeo, mwabona, kumibonisa lizazi le mu pila ku lona. Mi cwale, nto yeñwi kaufela mu ka Mu ziba ka yona, Uka mi bonisa ze taha," mwabona, mwabona, kukutela kwa sipolofita hape, "ha Sa tile." Mwabona?

<sup>271</sup> Mwa Lifasi Lelinca ni Lihalimu Lelinca, halina ku unsufala hape, Lifasi Lelinca ha se little. Diabulosi uka tamiwa . . . Satani, u sa tamuluzwi ka nako ya cwale; ki mutamelezi. Kono mwa Lifasi Lelinca, uka tamiwa ni ku nepelwa mwa Lisa la Mulilo, mwa Mulilo o kenile woo.

<sup>272</sup> Mi, mwa Lifasi Lelinca le, ha lu talimeñi ku zona fa mizuzu nyana cwale. Mwa Lifasi Lelinca le, mahalimu hana ku unsufala hape; batili, zeo ki kuzwa kwa sikuto, mwabona. Hakuna kuba bunsu hape ka malu a minahani. Moya hauna kufuka ku lona hape ona cwalo. Batili. Halina ku kasha likota, ni ku wisaka mandu, ni kufetaula lika. Mamonyi ni buhali halina ku tokolwa ki Satana mwani, ni kubulaya muuna ya zamaya ya itamaela mwa nzila, kamba kucisa muyaho. Mwabona? Batili, ha kukonahali. Hakuna ku ba mañungwa aka kashaka lika, kamba mioya ye buhali ni mandinda a buhali, ni ku wisaka mandu, ni kubulaya bana ba banyinyani, ni lika zeñwi. Huh-uh, hakuna kuba ni kamuta. Kulika kusinya, halina kubateni. Satani u lelekezwi kwande.

<sup>273</sup> Kambe luna ni nako cwale. Ni fitelela fela Mañolo, cwale, ili kuli lusike lwa liyeha. Ni lukela ku lapelela bakuli.

<sup>274</sup> Mahalimu ni lifasi li swalani; Mulimu ni mutu ba kutisani lipilu. Edeni ye kutisizwe i kalile; mwabona, sikuto kaufela sifelile.

<sup>275</sup> Kuswana fela, sikuto kaufela si felile Moya o Kenile ha u ku amuhela. Mwabona, ha mu U amuheli; ki Ona o mi amuhela, mwabona, kakuli Ki mulelo wa Mulimu. Mwabona, haiba ki Moya o Kenile, katalusa, Moya wa Mulimu; mi ki ona mulelo, muhupulo wa Mulimu, u mi amuhezi kuli ne mu lukiselizwe ka mulelo ona woo. Mwabona? Ibo, ne mu pepezwi mwa sibi; kono Mulimu nana ni mulelo woo, mi faa muiponahalize fa lifasi, mi Utahafafasi ku to mi nga. Mwabona, mu kutile *fa*; *fa* kona fo mu fumaneha. Mwabona? Mwabona, sibi si felezwi ki mata. Yeo ki niti. Takazo ya sibi se i zwile mwa pilu ya hao, foo Moya o Kenile ha u se utile ku wena. So li mutu ya kutisizwe.

<sup>276</sup> Mi cwale lifasi ha se li kutisizwe, ka nto yeswana, ha ku koni kuba sikuto ni kamuta, hakusana mandinda, hakusana mioya ye buhali, hakusana mañungwa—mañungwa, nitaluse. Mu kutisani lipilu; mutu ni Mulimu ba kopani. Lifasi Lelinca li ka apala bunde bwa lona bwa Edeni hape. Lifasi Lelinca li ka yanduluka, lona, kasamulaho wa kolobezo ya Mulilo.

<sup>277</sup> Munahane fela, li katuka mulilo. Zebupilwe kaufela li ka tuka ka—ka mulilo o buhali. Misebezi kaufela mwa lifasi i ka tuka. Mezi kaufela aka panca; lika tuka ni ku panca kaufela. Liki kaufela li ka panca. Macwe a ka pancaka mi, likiti za limaili mwa moyo, lika kashaka sileze se si cisa. Kokwani kaufela... Moya o Kenile wa Mulimu uka kenisa masila kaufela a sibi ni lika kaufela. Dimona ifi kaufela ika tamiwa ni ku lelekelwa mwa Lisa la Mulilo, Mulilo o ciseleza, buhali bwa Mulimu wa Mulilo.

<sup>278</sup> Hakuna sibatana se si kabateni kuli si sinye hape. Ha mu zamaya mwa nzila, mwa simu ya lipalisa, hakuna kuba noha ni yekana ye ka liza muloli ni ku mi luma, ka sifanu sa yona. Oh, mawi! Kana hakuna kuba hande? Muteeleze. Hakuna kuba ni ze cwalo mwa Lifasi Lelinca ze ka fetuha mubala wa buñandalatalukeke fa likamba, fa libita; hakuna kuba ni zecwalo kwani.

<sup>279</sup> Mutu ni Mulimu batile hamoho; Munyaliwa ni Munyali. Lihalimu ni lifasi li swalani hamoho; Mulimu utilefafasi ku to yaha mwahala batu. Tabernakele i inzi ni bona.

<sup>280</sup> Hakuna kuba sibi, hakuna kuba maswabi. Hakuna ku yo ba miyoko yeka buba fa lilama la musali muhulu, bakeñisa mbututu wa hae. Amen. Hakuna kuba, fa Sibaka Sesinca. Batili. Li liuluzwi. Ki la Hae, mi ba Hae bene ba liuluzwi ku lona. Mwabona?

<sup>281</sup> Mi, mutualime, mu siemba sa sibaka seo. Kana ku cwalo? Mi ha Na mi liuluzi, A liulula lifasi ka nto yeswana, mi semuli

hamoho cwale. Oh, likona kuba zenamile cwani. Mwabona? Muna ni ku liululwa kakuli mu siemba sateni. Mi kambe Mali nasika mi suluhela, ha mu si ka liululwa kale; ha mu si ka bizwa. Mi kipeto Wa li kenisa; yeo ki nto yeswana Ya eza mwa Mulilo. Mane, Mali a suluha, lika ni ku tapiswa ka Mulilo, yeo ki niti, kuba sibaka sapila ku sona Mulimu.

<sup>282</sup> Mulimu na ngile kale sibaka sa maino a Hae, ka mubulelelo. Mubuso wa Mulimu u mwa lifasi cwale, mwa lipilu za balatiwa ba Hae. Ki milelo ya Hae ya Na kalile kwa simuluho. Cwale milelo ya Hae i liuluzwi. Ki sikamañi Sa libelezi? Ku to liulula lifasi, ku to toma milelo ya Hae ku lona, ku taleleza ona cwalo luli muhupulo wa Hae wa kuliulula. Kana mwa libona nji?

<sup>283</sup> Mulemuhe, hakuna mabita, hakuna miyoko, kutokwa, hakuna kusulula mali. Halina ku kolobiswa ka miyoko kamba mali. Batili. Hakuna kuba lindwa ni cwale. Hakuna. Hakuna malu a silami. Hakuna silami sa malisha fa sifuba sa lona; hakuna ze kaba ku zona. Lizazi le li cisa halina kuba teni, halina kucisa bucwani bwa lona. Haleluya! Nihaiiba lihalaupa li ka tubula. "Lihalaupa la kale lani, la likota za bulimbwe li ka tubula lipalisa, zazi leliñwi, inge palisa," Mulimu abulela cwalo; ha se li liuluzwi, halika amuhela kolobezo ya lona ya Mulilo. Kuna ni mifuta kaufela likota za miutwa ni ze lamatela ni lika kaufela zeliteni cwale, kono lina ni kolobezo ya Mulilo yetaha.

<sup>284</sup> Sina mutu mwa na inezi, hana sa na ni sitoyo, piluseta ni lindwa mwahala hae; mi kolobezo ya Mulilo ha i taha, ya likenisa kaufela. Hakusana muuna, hakusana zeñwi hape; lona ikaba fela sibaka sa kupila teni Mulimu. Mi, muhupule, sani kona sicaba sa Hae se si ka Mu katanyeza kwabuse bwani. Amen! Oh, ha ki . . .

<sup>285</sup> Ha ki likande fela; yeo ki Niti. Kona za na bulezi Mulimu. Kona sa Na sepisize. Ki sona sa kena ku sona Munyaliwa. "Mane neba lihalaupa," U ize, "li ka tubula lipalisa, lipanye lipalisa."

<sup>286</sup> Satani, sibi, ni baezalibi, li felile, kuyakuile. Kaufela zona lifelile; likeni mwa Kuyakuile. Mi kaufela ze ne lyangani, nduna yomutuna wa mangeloi yani ya na inzi fani zazi leliñwi, Satani, yena yana eza bumaswe boo kaufela, u ka sinyiwa. Mwa hupula, Bibele iize kuli, "Haiba moyo wani hauna kueza mwa Na bulelezi, hana laezi mwa kuezeza, konakuli U ka sinya mane ni ona moyo."

<sup>287</sup> Kono, mwa bona, Hakoni ku ipulaya ili Yena mi asiyale ali Mulimu. Kacwalo, haiba moyo wani ki wa lifasi, una ni ku sinyiwa. Kono haiba ki wa Kuyakuile, ni Mulimu, kona kuli no si ka kalisa, kakuli ki siemba sa Mulimu mi haukonni ku sinyiwa. Amen! Ha ki bunde ni boo! Haki—haki buitumelo ni boo, kuli Keleke ilukela kubona cwalo!

<sup>288</sup> Sicaba, kaufela zo ezize liteni ona fa. Ze kona ze Ni lika kubulela. Ni sweli kufitelela zeñwi zateni kakuli Ni bata kukutela ku zona hape.

<sup>289</sup> Neba lika ze, Satani, baezalibi, ba yongile, ka Kuyakuile; hakusana kuba ze cwalo ni kamuta. Kaufela... Mwabona, Satani hakoni kubupa. Haiba u cwalo, ki Mulimu. Mwabona? Yena fela ukona kulyanganisa fela ze bupilwe. Mwabona? Mi kulyangana kaufela, kulyangana, lika fela kaufela. Mi lifu ki kulyangana kwa bupilo; mi cwale kulyangana ha se kufelile, ha ku koni kuba lifu. Busupali ki sisupo sa lifu; mi cwale busupali ha se bufelile, bupilo bwa taha mwateni. Lisupo za kulyangana kaufela ni lika zeñwi kaufela lifelile. Miutwa ni liseto ki sisupo sa sibi, "lifasi li ka kutiwa hamoho ni zona," mi li felile kaufela. Matuku ataha, ka zeo; zeo li ka feliswa. Lifu li ka feliswa. Kusulula mali ku ka feliswa.

<sup>290</sup> Hakuna se si ka swala likamba leli kenile lani, la ba Baliuluzwi. Oh, mawi! Eehe. Oh, Ni ikutwa fela hande. Mulimu, ni pupo ya Hae; ni libupiwa za Hae za pupo ye li liuluzwi ka Mali a Hae Tota. Lu kenisizwe ka kukenisa kwa Hae Tota; kubulaya kwa likokwani kwa Hae, mubulaelo wa sibi!

<sup>291</sup> Kuswana inge sika se si fauzwi, kufaula kokutuna ko lunani kuzwa sapili ki mulilo. Mwakona kunga sika kaufela ni ku sitapisa ka mulola ni milyani ye kaufela yena bulela hahulu za yona, niteñi hasina kukena. Kono ha musi cise fela hañwi!

<sup>292</sup> Mi cwale Mulilo o kenile wa Mulimu ha u faula lifasi ka Milyani; U nanuzi Munyaliwa wa Hae, ya ka taha mwa Lihalimu hamoho ni Yena, zeo halisweli kuezahala. Mi ba kuta mwa lifasi hape, Mahalimu a Manca ni Lifasi Lelinca. Silami sa malicha hasikoni ku liholofaza. Kucisa kwa mbumbi ha ku koni ku li holofaza. Mahalaupa a ka shoshela lipalisa. Sibi ni baezalibi kaufela ba felile.

<sup>293</sup> Mulimu, ni libupiwa za Hae ni pupo, bapila hamoho mwa kutwano ye petehile. Sina mahalimu ni lifasi halili muuna ni musala hae, kona ni Kreste mwa inezi ni Keleke, mi kaufela bona ba kopanela mwa mulelo ulimuñwi omutuna wa kulilula mi utiswa mwa sifuba sa Mulimu hape. Mwabona nji?

<sup>294</sup> Mi, mwa Lifasi Lelinca, kuna ni Munzi o Munca. Oh, mawi! Cwale muteeleze hande. Musike mwa libala se. Kuli, Jesu nabulezi, mwa Joani 14, U ya kwa kulukisa. "Lipilu za mina li si ke za bilaela." Mi Ha sweli kuya, "Nina ni libaka le ni yela. Mu lumezi ku Mulimu," Abulela kuli, "mu Ni lumele nina." Ne ba si ka bona kuli Na li yena Mulimu. Ali, "Mu lumezi ku Mulimu, cwale mu lumele ni ku Na. Mi Ni sa yo mi lukisesa Sibaka. Mwa Ndu ya Ndate Miyaho ki yemiñata; mwa Mubuso wa Ndate kuna ni mileneñi yemiñata." Kreste u teni, mwatasa tuyaho tuna wa Jerusalema Yomunca yoo cwale. Cwale hamu teelete ka tokomelo. Musike mwa shenya. Musike, musike mwa mbwinja se. Kreste u mwa Lihalimu, kacenu, unza lukisa Jerusalema Yomunca.

<sup>295</sup> Inge fela Mulimu mwa na bupezi lifasi ka mazazi a silezi, aeza lifasi mwa mazazi asilezi, kamba myaha ye likiti zesilezi. Sina ha na bulezi kuli, "Musike mwaba baba sina zibo," lu bala mwa Mañolo kuli, "myaha ye sikiti ki zazi lililiñwi."

<sup>296</sup> Mi Kreste u i lo lukisa Sibaka, si sweli ku lukiswa ka myaha yeñata, ñata ya limo, inza sweli kulukisa Sibaka. "Mi haiba Ni ya ku yo mi lukiseza Sibaka, Ni ka taha hape, ku to minga; kuli ko Ni inzi, ni mina mube teñi hape." Mulemuhe Muliulusi ni baba Liuluzwi!

<sup>297</sup> Kambe luna ni nako cwale. Ni na ni ze ñozwi fa, Solomoni wa bulela, "musizana yoo, ki Munyaliwa." Oh, luna ni fela ku li fitelela; nako se ifela, mwabona. Ni ka li talima, hape. "Ha lika ku munga, kono u beeelizwe ku mushimani usili." Babañwi ba hupula kuli yani neli fela pina yana opela. Oh, batili. Solomoni ki yena yana yolile lubona lwa Davida, fa lifasi, kono abonissa kuli mubuso wani no na ni kufela. Neli mufuta wa Kreste mwa lilato ni Munyaliwa. Mwabona?

<sup>298</sup> Mulemuhe kuli Jesu naize, Joani 14 cwale, "ni yo mi lukiseza Sibaka."

<sup>299</sup> Oh, u ka bonahala cwani? Kana mukile mwa nahana zeo cwale, Munyaliwa, uka bonahala cwani? U lukisizwe mi u baakanyizwe ki Muyahi ya Pahami. Kikuli Munzi wani uka bonahala cwani? luka ambola ka zeo mwa mizuzu yelikani. Muyahi ya Pahami u u yahile, ku ubaakanya. Mi, amatalime, U u baakanyize ka mazoho a bunolo, kulukiseza Munyaliwa wa Hae. U ka bonahala cwani?

<sup>300</sup> Kana mwakona ku nahana muuna ya nyala musali, yo ki yakona, mwa yahela ni kubeya lika zenyinyani kaufela kuya ka mwabatela musali, za ka tabela fela mufumahali? Amen.

<sup>301</sup> Cwale, Muyahi ya Pahami u yahile Munzi o Munca, ko Akayo pila ni Munyaliwa wa Hae, ze swanelia fela kutabela kwa Musali. Ki kabakaleo muapositola naize, "Liito ha li si ka bona, zebe ha i si ka utwa, kamba nihaiba kukena mwa lipilu za batu." Halu boneñi haiba lwakona ku alunguta mwatereni fa nako nyana, lubone mo u ka bonahalela.

<sup>302</sup> Muyahi ya Pahami ki yena ya u baakanyelize Mulatiwa wa Hae. Mwabona? Oh, ha ki sibaka ni seo mo siinezi, mi, Sibupiwa sa Bumulimu, Muyahi ya Pahami u si baakanyize ka mulelo wa Bumulimu seo si lukizizwe ka Bumulimu mi ka Mulimu ya Pahami Yena—Yena yali Mukalisi wa Bupilo bwa Bumulimu! Munzi wani uka bonahala cwani! Munahane fela ka ona.

<sup>303</sup> Muhupule, ha ki Lihalimu. Jaoni uize, "Ni boni ha utaha kuzwa mwa Lihalimu." Una ni kuba fa lifasi. Mwabona?

<sup>304</sup> Haki lifasi le lona lika fela; ki lifasi le li liuluzwi. Mulimu na si ka bulela kuli Na ka zusa lusika lo lunca; U ka liulula lona leliliteni fa. Haana ku zusa lusika lusili; U liulula leliliteni kale

fa. Haana ku bupa lifasi lelinca; ki lona lee ona faa. Fela u ka li cisa kihona, ku likenisa, sina mwa Na ezelize ku wena. milelo ya Hae isiyala ye swana kamita. Cwale, mutualime, li ka ezahala.

<sup>305</sup> Muhupule, ikaba Lihalimu. "U zwelela kwa Lihalimu." Ki Sibaka sa kupila kusona, ki Sibaka mwa kuina, ku yoina mwa sibaka sa Hae. Kuswana, sina Joani, fa sooli sa Patmosi, mo mwa Sinulo 21, na u boni ha u "shetumuka." Joani naboni Munzi, "ha ushetumuka kuzwa kwa Lihalimu," inge liiba, sina mwana bonezi.

<sup>306</sup> Fa kutaha Mulimu, kutaha fa tabernakele ya Hae ya mwa lifasi, Jesu, mwa . . . "kushetumuka kuzwa kwa Lihalimu." Jesu na kolobelizwe, aaya kapili . . .

<sup>307</sup> Mi Ha katana mupolofita! "Linzwi litahanga ku mupolofita." Mi Yena nali Linzwi. Mi mupolofita na yemi fani, kulatula likopano za bona kaufela, lika kaufela. Mi, ha bona Linzwi, Linzwi la taha hande ku yena.

<sup>308</sup> Mi mupolofita a komoka, mi ali, "Ni lukela ku kolobezwia ki Wena. Kiñi ha U taha ku na?"

<sup>309</sup> Mi alil, "Tuhela kuli kube cwalo, kakuli kwa swanelia kuli lu taleleze (lwa ziba liñusa) kuluka kaufela. Ki na Sitabelo; Si lukela kutapiswa." A mu lumeleza.

<sup>310</sup> Mi Ha zwa mwa mezi, abulela ali, "Ni boni lihalimu ha li kwaluha." Mupolofita na liboni. A bona mahalimu a kwaluha.

<sup>311</sup> Mi fa ataha, kuzwa mwa Lihalimu, mufuta wa Liiba; mi Linzwi, lali, "Se ki siemba sa Ka sa lifasi se Ni li uluzi, mi kuzwa kwa sienba sa lifasi le Ni ka liulula ze siyezi ba lona, kakuli Yena ki Linzwi la Ka le ni bonahalie." "Mi lifasi kaufela, Na li bulela mi laba teni ka Linzwi la Ka," Maheberu 11. "Mi Satani na li sweli ka nako kaufela, kono Ni tilo li liulula. Buñata bwa lona bu eelize mubili wa Hae, mi Ni taha ku to pila ku lona."

<sup>312</sup> Joani naize, "Ni boni Munzi o kenile, Jerusalema Yomunca inza shetumuka kuzwa kwa Lihalimu, sina Munyaliwa ya kabiselizwe Muuna hae." Mi ne u lulile kai? Inge fela mo ne u lulezi kwani; fa lifasi.

<sup>313</sup> Jesu nali siemba sa lifasi lani leo Moya o Kenile no tulukile teñi, (kana ku cwalo?) ni kuina ku Yena kamita. Ha ukoni ku Mu siya. Kamita uteñi. Yena ni Mulimu kinto Iliñwi. Kamita una ni kusiyala ku yena!

<sup>314</sup> Mi kacwalo Joani abona Munzi okenile, ili Jerusalema Yomunca, haushetumuka inge malu a litwa, kamba inge—inge liiba, inzo shetumuka kuzwa mwa Lihalimu ni ku to lula ku ya liuluzwi, fa lifasi kaufela, (ku to eza sikamañi?) ku to ga mulelo kaufela wa Na ezelize fa lifasi. Muuna kaufela yana yemelwa mwa Kuyakuile, ni musali kaufela, u liuluzwi kanto. Li babuzwi ni ku cisiwa ka Mulilo.

<sup>315</sup> Jesu, mwa miliko ya Hae ye sabisa mwa lihalaupa, ka mazazi a mashumi amane. Kasamulaho wa fani, mulemuhe, neli bukaufi ni bulumiwa bwa Hae cwale.

<sup>316</sup> Munahane ka zeo, Moya o Kenile unzo shetumuka fa lifasi, Jesu, ni ona Mali a kenile ani! Cwale amutalime, mi Ni sepa Hanina ku ya mwa butungi hahulu ku mina, mwabona. Mali a kenile ana bupilwe ki Mulimu; Mali, Bupilo, ni pupo ya Mulimu. “Jesu neli yena makalelo a pupo ya Mulimu.” Oh! Mwa bona? Mulimu, na bupile mwa pupo. Na li Moya. Bibele ibulezi kuli, “Ki yena makalelo a pupo ya Mulimu.” Cwale Na kalile cwani? Mwa mba ya musali. Yeli sikamañi? Musali ha ki . . .

<sup>317</sup> Inge sicaba sa libofu sani mo si saboneli za “peu” ya noha faa. Mwabona? Eva na beilwe fa lifasi fa, mi, Satani a si ka muswala kale, kamba sika kaufela, Mulimu ali ku bona, “Mu ate mi mutaze lifasi.” Yeo ki niti, kono Satani wa taha fa. Mi, haiba yani neli mwana mushimani wa Adama, kona kuli kokuna . . .

<sup>318</sup> Adama nali mwana ya zwelela hande ku Mulimu. Mi u amuhela fela sibupiwa sa hao kuzwa kwa bashemi ba hao.

<sup>319</sup> Mi ha u pepilwe sincia, unga Sibupiwa sa Mushemi wa hao wa Lihalimu. Mi Mushemi wa hao wa Lihalimu ki mulelo wa Linzwi . . . Kamba, Linzwi ki mulelo wa Mushemi wa hao. Mi, ukona cwani ku Li hanyeza, kuba kopano? Oh, mawi!

Ni sepa kuli ha mu mbwinji se. Ni ziba kuli i zwa ku Mulimu.

<sup>320</sup> Jesu. Ki yo Wa taha, wa shetumuka; mi kwaba ni Jesu, yanali mulelo wa Mulimu.

<sup>321</sup> Cwale, “musali,” yena. Mutualime. Mulimu ali, “Kakuli ne ba ezize sa kuli,” ali, “Ni ka beya sitoyo mwahala Peu ya hao ni peu ya noha.” Kana ku cwalo? Mi musali haana peu. Kana mukile mwa nahana cwalo? Una ni simu, isiñi peu. Mwabona, noha ne i beile kale “peu” ya yona mwateni.

<sup>322</sup> Mi, haiba musali haana peu, una ni kusiyala ona cwalo kuli abe ni Peu.

<sup>323</sup> Mwa bona, mwahala kukopana kwa foso fa, ne li ba tiselize Satani, yena noha, ye ne si sihahabe; neina ni mahutu, kakuli mahutu a hae na kumuzwi kwatensi. Na li ya butali hahulu, sibatana fela sesikona kuba—kuba ka kuswalana ni musali.

<sup>324</sup> Peu ya sibatana haina kukona kutamahana cwale, mi hakuna nto isili. Ba likile. Halina kubeleka. Mwabona, peu ya bupilo yezwa ku muuna haina kukena ku musali. Haina kueza cwalo.

<sup>325</sup> Kono sani neli sika se si fa kaufi hahulu. Mwabona, habakoni kufumana sibupiwa sesi mwahala pombwe ni mutu. Mwabona, mutu ni mutu, sina ha li pikuluhile, kuzwa kwa linyunywani, ni kupahama cwalo kutaha kwa linjoko, ni zeñwi cwalo, mane kuto fita fa pombwe, mi kuna ni se si “latehile.” Yani neli sepenti, isiñi noha; mufuta kaufela u latehile ku yona, kakuli na kutilwe.

<sup>326</sup> Cwale, Mulimu na si ka kuta Adama; hakulata na ezize nto yeswana, kono A kuta lifasi mubu, “miutwa ni liseto.”

<sup>327</sup> Na si ka kuta Eva, kono abulela kuli Adama ukaba “mubusi” wa hae. Kuzwa cwale kuya kwapili, musali ha liku kukutaza kamba kueza sika kaufela, Adama ki yena mubusi wa hae. “Mi mazazi kaufela a bupilo bwa hao, ni mwa maswabi, mi u ka tisa . . . bupilo mwa lifasi.” Kono Na ize, “Ni ka beya sitoyo mwahala Peu ya hao . . .”

<sup>328</sup> Cwale, musali na si na peu, na si na yona, kacwalo, nana ni ku amuhela Peu ka nzila yeñwi. Mulimu na mufile Peu, isiñi ka foso ya sibi, kono ka pupo.

<sup>329</sup> Kana mina sicaba sa libofu ha muboni kuli yani kona “peu” ya noha? Oh, mawi! Satani nafitile kwani Adama asika fita kale; yani neli yona “peu.”

<sup>330</sup> Kono musali a amuhela Peu. Neli sikamañi sani? Mulimu yena Kasibili. “Na li yena makalelo a pupo ya Mulimu.”

<sup>331</sup> Cwale hamutalime Seta ha pepwa, kamba Abele, nali fela mutu, yazwa ku ndatahe. Seta ki nto yeswana.

<sup>332</sup> Mutangana ya maswe yani na zwile kai; sibulai, lihata? Mwabona, mwabona ko li zwelezi? Neina ni kuba ni “peu,” kakuli na li peu; Kaine nali mutu.

<sup>333</sup> Oh, bakai batu ba libofu bani? “Mulimu wa lifasi le u ba foufalyze.” Kihande, ki kabakaleo, Jesu naize hakuna mutu yakona ku li bona. Mwa bona?

Mu li, “Kiñi ha ba sa liboni?”

<sup>334</sup> Jesu naize nako yeñwi cwana, kwa balutiwa ba Hae, “Li filwe ku mina ku ziba za Mubuso wa Mulimu, kono isiñi ku bona.”

<sup>335</sup> Mi leo kona libaka ha mu zwile kwa limaili ze mianda ye lishumi ni ye ketalizoho ye likanelela, mwabona, “Li filwe ku mina ku ziba za Mubuso.” Mutualime, balikani ba zwanga nebakwa South Africa ni libaka za fa kaufi, hola ya mafelelezo ye fo Munyaliwa ha ka kena mwa Mubuso.

Fela hanina nako yeñata. Mulemuhe. Mutualime cwale, mwabona.

<sup>336</sup> Cwale mwabona “peu” ya noha mwani, mwabona mwa na li ezelize? Li petehile, mwabona. Cwale babañwi ba bona bali . . .

<sup>337</sup> Cwale, sina mutangana yani mwa Tucson zazi leliñwi, ya na lika . . . Ah, wakona kuteeleza kwa tepu ye. Kono, haiba ku cwalo, mutu, Ni bata ku mi bulelala nto yeñwi.

<sup>338</sup> Mi hana bulezi kuli, “Eva naize,” ki fa fo bay, “Ni amuhezi mwana mushimani ku Mulena, kamba muuna yazwa ku Mulena.” Kiñi, luli. Mulimu una ni mulao.

<sup>339</sup> Mutualime, munge peu ni ku i cala mwa simu mo kuna ni buloto, mi mucala liseto mwateni. Hanina taba, lizazi le liswana

ni pula ye swana itisa peu yeswana kwa bupilo. Mulimu una mulao, mi mulao wani haukoni ku lyanganiswa.

<sup>340</sup> Hanina taba haiba mu—haiba mu . . . musali yasina buiswalo mwa tolopo ni muuna wa lingulunde hahulu, mi ba si ka nyalana ni lika kaufela, bakona kuba ni—ni kopano, ni kupila hamoho ni kupepa mwana; mwana yani una ni kutaha ka mulaho wa Mulimu, kakuli hakuna mukwa usili fela. Haiba ha ku cwalo, mu ka eza Satani kuba mubupi, mi kipeto ni ku mueza mulimu. Oh, mukona kuba cwani libofu! Mwabona, mulao wa Mulimu, kiniti.

<sup>341</sup> Haiba muna ni mbututu, Hanina taba haiba ki Esau, Jakobo, kamba neli mañi kaufela, kamba mutu wa libuso leli maswe kaufela, haiba neli Judasi, nana ni kutaha ka Mulimu. Mulimu una ni mulao.

<sup>342</sup> Bibebe i ize, “Lizazi li monyehela baba lukile ni baba maswe; pula i suluhela ku ya lukile ni ya si ka- . . .” Maheberu kauhanyo ya 6, mi ibulela kuli, “Pu—pula i tahela mwa lifasi, ku to li selaela, ni ku li lukiseza ze i lumezwi, mwa ziba, ku to pilisa; kono miutwa ni liseto lipila ka mezi a swana, lizazi le liswana.” Kakuli, ki mulao wa Mulimu, wa ku buzwisa peu kaufela, kuli peu kaufela iitahise ili yona.

<sup>343</sup> Kacwalo, nelina ni ku tahisa “peu” ya noha. Mi yona neisika—neisika paleliswa Mulimu; ne i talelelize mulelo wa Hae ka kutala, ne li Mu ezize Muliululi. Sibofu sifi kaufela sina ni kubona cwalo, konji haiba li patilwe. “Mulimu wa lifasi” u li patezi mina. Ki nto yenamile fela sina nto kaufela yemukona kubona. Ki fo he cwale. Ki yeo “peu” ya mina ya noha. Cwale mulemuhe.

Kono, “Jesu nali makalelo a pupo ya Mulimu.”

<sup>344</sup> Cwale musali u eza sikamañi? Mi, kokwani i zwelela kwa mata a muuna. Cwale muka latula seo? Musali haana bupilo ku yena, nihanyinyani. Yena una ni fela lii, ili simu yeli ku yena moo.

<sup>345</sup> Inge hane mukanga simu ni ku lima, mi—mi musela mwateni mulyani, ni kuselaela likokwani kaufela kuzwa ku yona. Mi hakuna—hakuna nihaiba bucwani bo bukona kumela mwateñi; mi kipeto beya mwateni mununo hape, mucala peu yende mwateni. Haiba sila utaha ku to cala peu isili, mulao o swana wa Mulimu uka buzwisa lipeu zepeli cwalo.

<sup>346</sup> Kihande, Mulimu na sa batí kuli libe cwalo, mwabona. Kono kiñi ze eahalile?

<sup>347</sup> Mwabona, mata a buuna azwa ku muuna alwala bupilo, ili ona mali. Mwa mali kuna ni bupilo. Mi haiba mukana. . . Ni li boni, mwa kuzwakanisa kwa likomu ni lika ze cwalo. Muzwale Shakarian ni Na lu fitile ku zeo, ni madokota ni babañwi cwalo, kubona mo li zamaela, za mazwake ateni. Mwabona? Mi fa

kutaha mata a buuna kuzwa ku musali, ili sishañata sa mai. Fa kutaha mata a buuna ku musali, ili sishañata sa likokwani.

<sup>348</sup> Se hasina nihaiba siemba sa kokwani ku sona. Fela si zwile fela ku ze bupilwe. Kona mwa na tahezi fa, mwa sibaka sa pili, mi yena ki simu fela. Kuna ni li lii; lina ni sibaka se si na ni mununo wa bupilo boo. Mi bupilo bo buzamaya mwateni ka kuhohoba. Kuna ni kunutu, kuli mane . . .

<sup>349</sup> “Mwendì,” mu oli, “kihande, yapili ya kopana. Zeñwi za mwa mulaho za shwa.” Kihande, kuli, ki mañi ya li cezi? “Kihande, ki ya pili.” Kana li kaba kwa pata; lii la pili kwa pata, ni kokwani yapili? Batili, batili.

<sup>350</sup> Ikona kuba lii lililiñwi; kukuta kwa mulaho, mwa mulaho, mwahala mata a buuna, ku ka taha kokwani ya bupilo ni ku ikatanyeza. Kubonisa kuli kuna ni butali bobuñwi bo bu konisa zeo ka kuba milili yefubelu, milili yeminsu; kamba ikaba ye likani, yetuna; muuna kamba musali. Mwabona? Ha mukoni, ha mukoni kueza sika kaufela ka zona; halina kubeleka. Mwakona ku li kopanya hamoho, ni lika kaufela, halina kueza shutano ni yekana. Mulimu ki yena ya likonisa. Mi kasmulaho nyana, kokwani nyana ya bupilo ika kena mwa simu yani, lii. Ina ni muhata nyana, cwalo, ku yona, inze i minyauka; ya pumeha kwateni, mi teñi kukalela mukokoto wa mbututu.

<sup>351</sup> Kisikamañi sali sona musali cwale? Haana peu. Una ni simu ye amuhela peu. Kacwalo ki . . .

<sup>352</sup> Mwabona, sila sa ya cwalo. Ka nako yeswana mucali yomunde inza zamaya cwalo, acala Peu yende; mi sila sa taha mwa mulaho wa hae, ku to cala peu ye maswe. “Kono pula isuluhela ku ba bande ni ba ba maswe; ki lizazi.” Kaufela zona lina ni kuhula.

<sup>353</sup> Jesu naize, “Mu lituhele lihulele hamoho. Ka lizazi lani li ka tamiwa ñata, zeo ki mufuka.” Mi baswelí ba litama mañata cwale, mwa likopano zetuna; kuya mwa kutamiwa, Katengo ka Likeleke za Lifasi. Mi mafelelezo neli a cwani? Ki ku cinca. Kono buloto bu lukela ku bulukiwa mwa sishtete. Mwabona? Koo, bubeli bwa zona lipila ka nto yeswana, ka mezi a swana, ka pula yeswana.

<sup>354</sup> Kota ya litolwana, kona ye—kona yeli kota ya olonji, yeka beya, zeina ni kubeya; li ka taha ku yona, haiba i comekilwe fela mwateni, ya pomugraneti. Ika tisa lemune. Ika tisa muselo wa gilepu. Mwabona? Kono haina kuba olonji, kono ipila kwa bupilo bobuswana bo i beya kota ya olinji.

<sup>355</sup> Likopano li i comekile fela mwa Kota. Kakuli, haiba ba bulela kuli ki “Bakreste,” ba lukela kupila cwalo. Keyafasi nali cwalo; mwa ziba sa na li sona, kono niteni a polofita. Mwabona? Mwabona, ba pila ka zona.

<sup>356</sup> Oh, Ni ikumbuta kuli kambe luna ni sunda mutumbi, kuli lukone fela kubala taba ye hande, ni kuienza ye namile hande—hande musike mwa palelwa ku i bona. Cwale Ni ka fitelela zeñwi za litaba zee.

<sup>357</sup> Cwale amutalime. Mutualime, mazoho ani kona ana lukisize Munyaliwa wa Hae ya Latwa yoo, a bupiwa ka lilato le libunolo la Munyaliwa wa Hae.

<sup>358</sup> Muhupule kuli Moya o Kenile no tulukile ku Jesu, ili, Jesu yanali siemba sa lifasi. Kiñi? Kokwani ya Mulimu, Bupilo bwa Mulimu, ne bu bupilwe mwa mba ya musali (kana ku cwalo?), yeneli fela lifasi. Ku lukile. Mi cwale Bupilo bwa Mulimu bwa taha mwateni, kuli, “Na li yena makalelo a pupo ya Mulimu.” Mwabona? Mi cwale Mali a Mulimu ani, analiteni mwani ka kokwani yani; ha to suluha fa Kalvari, a lotela hape fa lifasi. Kusuluhela sikamañi? Ku to liulula lifasi. Cwale, li beilwe leli lukile; li kenisizwe; libizizwe, mi li liuluzwi; mi cwale lina ni ku amuhela kolobezo ya Mulilo, ni ku kenisezwa ka Jesu ni Munyaliwa wa Hae.

<sup>359</sup> Mi mina mu liemba zeñwi ze zwile mwa lifasi le. Lifasi, mu siemba sa lifasi; mubili wa mina. Moya wa hao ki siemba sa Mulimu, mulelo wa Mulimu, o bonahalile fa lifasi mwa mubili. Mubili ona ni ku liululwa.

<sup>360</sup> Cwale, moyo u liuluzwi, kakuli no li mwa sibi. Kacwalo Mulimu ataha fafasi, ka nzila ya kutapiswa, kukeniswa, kolobezo ya Moya o Kenile, ni ku to liulula moyo wa hao.

<sup>361</sup> Mi wena, ka kuba sirmba sa lifasi, si liuluzwi ka lona. U mwa nzila cwale. Ya hula cwale. Mubili wa hao no tapisizwe mwa kolobezo ya Nuwe. Amen! Mi, nama ya hao, ha U to kwani. Mi lifasi lina ni ku keniswa ka Mulilo, siba fo mu ka pila, ka kolobezo ya Moya o Kenile; ili Sibaka sa kupila sa Kreste ni Munyaliwa wa Hae, ili Jerusalema Yomunca.

<sup>362</sup> Mutualime Munzi woo; lifasi, ba to yaha mwa lifasi. Cwale mwakona kubona hande sina Ha ni bulezi, kuli . . . ki cincheho, lifasi liswanezi ku cinciwa. Halikoni kuba ni Zeo ka mufuta woo. Keleke haikoni kuya . . . Kamba, lifasi halikoni kuya ka kuzwelapili, kasamualaho wa Mileniamu, kusina ku cinciwa. Mwabona? Fa kuba ni Sibaka se si cwalo ku lon, lina ni ku cinciwa.

<sup>363</sup> Kuswana fela, ha luna ni ku cinciwa ka Mulilo wa Hae o kenile, kuli ibe sibaka se si swanela kuli Yena akwane hande ku luna; fo ki kuli, Moya o Kenile.

<sup>364</sup> Mulemuhe cwale, ku kaba ni sibaka sesituna mwa Lifasi Lelinca. Uh-huh. Mwabona, sibaka sesituna! Li ka bupiwa sinca, yeo ki niti, ka Mulilo, kono hakuna kuba liwate. Mulemuhe, Munzi ulikana limaili ze mianda ye fifiti maneku kaufela amane.

<sup>365</sup> Cwale mu teelete ka tokomelo halunze lufita fa likalulo zee. Ni bata kutakula fa limati, fa nako fela. [Muzwale Branham utakula liswaniso za hae za makalelo—Mu.]

<sup>366</sup> Ki ye sinulo ye tungile kuzwa ku Mulimu. Fa, Ni ka yemela fela faa. Hakuna ni yeñwi ya zee... Ni ka tisa zeñwi za zona, haiba Mulena alata.

<sup>367</sup> Mulemuhe cwale lifasi ki... Kihande, muapule mwa Buka ya Sinulo, mwakona kubona mwa na li pimezi ka lingandi ni kali ñokolwa. Mianda ye mashumi amabeli ni amalalu... Kacwalo cwale lufumana cwana kuli—kuli Munzi u pimilwe, “mianda ye mashumi a fifitini maneku kaufela” kulikanelela.

<sup>368</sup> Mwa ziba butelele bwa seo fo bukona kufita? Ne ni pimile, sunda yee. Bukona kuzwa kwa Maine kuyo punya kwa Florida, ni kuzwa kwa likamba la kwa mapazulelo ni limaili ze mianda ye silezi fahali, kwa malikelelo a Mississippi. Ka manzwi amañwi, licika la United States, ki Munzi ulimumu fela woo.

Mu li, “Hakuna sibaka.”

<sup>369</sup> Mi liwate ha se li felile ku kaba, kakuli bukaufi ni likalulo zene mwa buketalizoho li mwa mezi. Ki niti yeo? Kupanca ku ka omisa liwate, kupancisa lifasi. Oh, mawi! Muhupule, limaili ze mianda ye fifitini maneku a likanelela, ki Munzi o cwani! Mi, kono, muhupule, liwate se li kalile.

<sup>370</sup> “Mi bukima ni butelele bwa likanelela.” Seo sikona kulikana limaili ze mianda ye fifitini neku *le*, limaili ze mianda ye fifitini neku *lani*; limaili ze mianda ye fifitini; butelele bwa mwatasí ka bukima ka butelele mwahalimu. Limaili ze mianda ye fifitini, munahane ka zona, gauda ye belela. Mi Munzi no na ni limota kupotoloha.

<sup>371</sup> Cwale, cwale, zeo ha si talusi kuli, ka ku likanelela... I ize, “Mi mamota ni mutomo ne li likanelela,” seo ha si talusi kuli ki kulikanelela kwa sitina cwalo. Kuna ni sipimo sesiñwi sa sibaka, kuli libima za likanelela, seo ki piramidi. Maneku amane, “kuina ka maneku amane,” mi mamota neli a swana.

<sup>372</sup> Ha luboñi ni u swanise. [Muzwale Branham uswanisa fa limati—Mu.] Mwabona: kubapuka, bukima, butelele. Lu ka kena mwa nto yeñwi, kuya ka buino bwa lifasi. Mwabona? Mulemuhe, litikanyo za kalulo *ye* za likanelela hamoho, kaufela zona, butelele ka bu—bu ka kuya mwahalimu. Kuna ni sipimo sesiñwi, sa piramidi, se si paka cwalo.

<sup>373</sup> Se, ka kuba cwalo, sikona ku alaba ka swanelo sisupo sa yani ya Enoke mwa Egepita, piramidi yani. Nji cwani? Enoke, ku si ka taha kale sinyeho ya muunda wa lifasi, hane kutaha kuluka, atisa siswaniso, mi mwa piramidi ki mihato ye supa kuya mwa kashandi ka mulena. Mutualime fa mahatelo a busupa, haiba mukile mwabala libima za piramidi, ki sikamañi se si taha ku

mukomi, ku to zibahalisa ku mulena. Mutualime muña sibaka ya yemi fa, mi mu ka bona lizazi le mupila ku lona, mwa piramidi.

<sup>374</sup> Cwale, Mulimu na ezize Libibele zetaalu. Cwale, kuna ni tuto ya piramidi ye luta bukuba boo, kono kuna ni piramidi ya niti. Mwabona? Mulemuhe. Cwale, Mulimu, Bibele yapli . . . Na ezize zetalu. Ku lukela kuba lika kaufela mwa bulaalu.

<sup>375</sup> Jesu utaha linako zetaalu. Natile, hañwi, ku to liulula Munyaliwa wa Hae; nako yetatama, ku to nga Munyaliwa wa Hae; nako yetatama, utaha hamoho ni Munyaliwa wa Hae. Mwabona?

<sup>376</sup> Cwale mulemuhe bunde bwateni. Mwabona? Mi mwa piramidi nekuna ni mihato yesupa, mi ni mwa kashandi ka mulena. Mi lu mwa lusika lwa keleke ya busebene, fapila Mulena yainzi fa Lubona lwa Hae. Mi, muhupule, piramidi neisina sikwahezo fahalimu.

<sup>377</sup> Bibele yapili ya Mulimu neili mwa mbyumbyulu, ili Zodiac; i kala hale ni kushetumuka mwa lusika kaufela. Ya pili, makalelo a Zodiac, ki mwalanjo; cwalo kona Mwa tahela, pili. Sisupo sa mafelelezo mwa Zodiac ki Leo ili tau; sa bubeli ki Kutaha. Ku sikaba kale litapi ze silani, ili lusika lwa kansa; mo lupila teñi cwale.

<sup>378</sup> Nekuna ni piramidi mwa mulaho wa fasni, Enoke, yana pakile hande ka swanelo. Hakuna nako ya kukena mwateni, kono, zazi leliñwi, ka tuso ya Mulimu, Ni ka mi bonisa, ki kuswanisa fela kalulo ya hola ye lupila ku yona. Mwabona?

<sup>379</sup> Mulemuhe, kono sibaka se si likana cwale ni se lunani, mane libima zateñi sa likanelela, zeo ha li talusi kuli una ni kuba—kuba mundandwe o tibani. Mulemuhe, se si ka alaba Egepita . . . kamba sisupo sa Enoke mwa Egepita.

<sup>380</sup> Mwa nako ya ku kenisa kwa lifasi, ka kolobezo ya lona ya Mulilo, ku kaba mulilo o pazaula macwe, sina za kupanca kwa lifasi le, mi li ka kasheza mwahalimu Lilundu leliswana ni piramidi. Mwabona? Kuna ni sibaka sesituna mwa ku ezeza! Taba ye kaufela i ka cinciwia. Sibaka kaufela si ka cinciwia. Mu utwile kana? Li ka kasha piramidi yeswana sina Lilundu.

<sup>381</sup> Se si ka zamaeleta hande ni Linzwi haiba si ezahala, ili mo kukabela mane. Cwale mulemuhe, kakuli, mwa Isaya 65:25, fo lubalile fela, U ize.

*Habana kuholofaza kamba kusinya mwa lilundu laka  
leli kenile, kubulela MULENA.*

<sup>382</sup> Oh! “Lilundu la Ka Kaufela le li kenile!” Muhupule, kamita ki “Lilundu.”

<sup>383</sup> Haiba mamota na namile hande mwahalimu nifafasi, Munzi no ka bonahalela fela fande . . . kamba mwahali, Lubona lukona fela ku bonahalela hauli mwahali; kono mulemuhe lukona fela kubonahalela mwahali.

Kono cwale lubona sepiso ya Isaya 4:5. Ha lu ibaleñi fela.

<sup>384</sup> Kana mu akufile? [Kopano ili, “Batili.”—Mu.] Batili, musike mwaba mwa kuakufa cwale. Lu—lu—lu ka—lu ka taha fa nto yeñwi cwale, hahulu—ki zetuna hahulu kuli—kuli ki nako yemuna ni ku utwisia fa. Kakuli, Ni bata kuli taba ye i utwahale. Mi kipeto ha lu ka kutela ku zona hape, Nika—Nika mi bonisa cwale fo lu—lu ambola ka za, zeo, mwa palo yaluna yetatama ka yona, ka nako yeo.

<sup>385</sup> Oh, kulumbwe Mulena Jesu! Mutualime fa, moo Manzwi ha sa koneli kupalemwa. Cwale mutualime mo mwa Isaya. Ni i ñozi fa, haiba Ni kona ku i fumana hape, fa muzuzu fela. Isaya 4:5. Cwale amuteeleze, u sweli kuambola za Kutaha kwa Mulena, ka mo ba ka bela matanya basali. Oh, na ize, “Basali ba sebene . . .” Muteeleze. Ha lu ibaleni fela. Mutualime faa.

*Mi mwa lizazi leo basali ba ba sebene ba ka swala muuna alimuñwi, bali, Lu ka ca buhobe bwa luna, . . . lu apale likubo za luna: kono lu biziswe ka libizo la hao, lu zwise maswabi ku luna.*

<sup>386</sup> Yeo ki nako ya mafelelezo, mo lupila cwale; linyalo, telekano, ni butanya, ni lika kaufela.

*Ka lizazi leo lituhela za MULENA li ka ba teni ka bunde ni ka bulena, . . . lukau lwa naha l kaba lo luñata kufeleteza . . . lolunde ku ba . . . ba punyuhile ba Isilaele. (Mane mina mu punyuhile sinyeho yeo kaufela! Mwabona?)*

*Mi ku kaba kuli, ya siyezi mwa Sione, mi ya siyezi kaufela mwa Jerusalema, uka . . . (Halu boneñi). . . mwa Jerusalema, u ka bulelwa kuli ki ya kenile, ili mutu kaufela ya ka be a ñozwi ku ba bapila mwa Jerusalema, mwabona:*

*Foo Mulena akabe a tapisize masila a bana ba basizana ba Sione, (muhupule, yoo kamita ki Munyaliwa, mwabona) . . . mi ba kabe ba kenisize mali a Jerusalema (bao ki bo masiyaleti ba Majuda, hamoho ni Munyaliwa, mwabona) . . . mi ni mwahala zona ka moyo wa katulo, mulilo . . .*

<sup>387</sup> Yeo ki katulo ya Mulimu kamita, ki foo Ha eza katulo ya Hae ya mafelelezo. Wa ku biza, wa ku beya ya lukie, ni ku kutisa mwa kuliululwa; kipeto katulo ya Hae i taha ku wena, mi Moya o Kenile ni Mulilo wa tapisa kwateni sibi. Kipeto u wa Hae.

<sup>388</sup> Kinto yeswana Ya eza kwa lifasi, Ha li keniswa ka Mulilo, “ni ka moyo wa kucisa.” Cwale amutalime. Muteeleze! Mu itukisize?

*Mi MULENA uka lukisa fahalimwa sisa kaufela sa lilundu la Sione, ni fahalimwa mikopano ya hae, atahise lilu la musi musihali, ni kubenza kwa . . . kwa mulilo*

*otuka ka busihu: kakuli u ka kwahela si silelezo  
fahalimwa se si na ni kanya kaufela.*

<sup>389</sup> [Muzwale Branham iswanisa fa limati—Mu.] “Mulena, ka lizazi lani, fahalimw alona, uka tukisa Mulilo wa Liseli kuli ubeye ka lizazi leo.” Mi i zwelapili kubulela kuli, “Ikaba sisilelezo, pumulo, maipato.” Mulemuhe, kueza mubulelelo o swana wa Bibele, ona cwalo. Mamota na yemi hande mwahalimu ni fafasi, hamukoni ku abona. Ana ni ku sikama. “Lilundu la Ka kaufela le li kenile . . .” “Uka tukisa Liseli le fahalimwa Lilundu le, mi li kaba sisilelezo.” Oh, lwa opelanga pina yani:

Oh, Munzi fahalimwa Lilundu la Sione,  
Kakuba muzamayi, niteni Na u lata;  
Cwale ni mwahala masika,  
Ha Ni ka fita mwa Munzi wani fahalimwa  
Lilundu. Mwabona?

<sup>390</sup> Mulemuhe, Lilundu la Sinai kona fa na shetumukile Mulimu fahalimw alona, ha Na bulez kwa Isilaele mwa Siita sa Mulilo. A tuluka fahalimwa lilundu, Lilundu la Sinai.

<sup>391</sup> Fahalimwa Lilundu la Petuho, ha Na bulez kuli, “Yo ki Mwana Ka; mu Mu utwe,” Na tulukile mwa Siita sa Liseli ni busweu bo bu benya, fa ngo ya lilundu, fapila Pitrosi, Jakobo, ni Joani. Mi, mwahali mwani, A yemelwa ki Mushe ni Elia bababeli; baba ngilwe kale, mi bafu ba zuha. Kanya!

<sup>392</sup> Munzi o Munca ni Lifasi Lelinca; pupo yenca; Munzi fahalimwa Lilundu, ni Lubona fahalimwa lona. [Muzwale Branham uswanisa fa limati, ka mibamba yelikani yetatama—Mu.] Lubona fahalimu *fa*, fahalimu luli; mi bayahi ba fateni, kaufela fahalimwa ni fafasi, fa Lilundu le.

<sup>393</sup> Mi limota leli potolohile se, nelina ni mitomo ye lishumi ka ye mibeli. Mi ufi ni ufi wa yona neuna ni licwe la fa sifuba sa Aruni, yene paka masika a lishumi ka amabeli a Isilaele.

<sup>394</sup> Mi, mwa minyako, nebana ni minyako yemine ye tomilwe fela hande inge mwa tempele ya mwa lihalaua, inge tende mo ne i tomelwa mwa lihalaua. Mulemuhe ifi ni fi, neina—neina ni baapositola, babalalu kwa maneku kaufela, baapositola baba lishumi ka bababeli. Ifi ni ifi. . . Mi neli liñokolwa ze mwanda ni mashumi amane ka zene mwa halimu. Liñokolwa ze mwanda ni mashumi amane ka zene ki ma fiti a mianda yemibeli ni sikisitini, kueza leliñwi ni leliñwi la macwe amatuna ani butelele bwa mafiti a mashumi amabeli, licwe la fa sifuba mwa munyako wani, kueza limota lani lene li potoloha Munzi.

<sup>395</sup> Cwale ki, Munzi, ha u fumanehi fahalimwa lilundu, kakuli ki munzi, limaili ze mianda ye fifiti, haikoni kueza cwalo. Ki fa limota *le* fa mukena ku lona, inge minyako ya Jerusalema ya kale. Ne mu na ni kukena ka limota, kupunya ku yona.

<sup>396</sup> Mi yeñwi ni yeñwi ya yona, neina ni mitomo ye lishumi ni zepeli, mi yeñwi ni yeñwi neina ni a emerodi ni macwe a shutana, ana yemela masika a twelufu a Isilaele.

<sup>397</sup> Mi baapositola, ufi ni ufi fahalimwa munyako omutuna o tile wani wa licwe, ne kubeilwe libizo la muapositola. Mi kana Jesu na si ka li, “Mu ka ina fa mabona a twelufu, inge muatula masika a Isilaele”? Kimañi yana inez fa munyako, ku atula, ha ba kena mwa Munzi? Oh, mawi! Ki fo cwale. Malena ba lifasi bakena mwa Munzi, kutaha fapila muatuli wa muapositola, sina Jesu mwa na sepiselize. Oh, mawi!

<sup>398</sup> Fahalimwa Lubona lo, fahalimwa lona, limaili ze mianda ye fifitini mwahalimu, lifasi kaufela li ka bona Liseli la lifasi, Jesu, inge liinzi fa Lubona fahalimwa lifasi, fahalimwa Keleke, fahalimwa Lilundu la Sione; ili limaili ze mianda ye fifitini licika la sibaka sa United States, ni kupahama kufitela mukona ku Mubona lifasi kaufela, limaili ze fifitini mwahalimu.

<sup>399</sup> Mi ni mwahalimu nifafasi kaufela *fa*, kuka tala fela ba Baliuluzwi. Ku kaba mandu a gauda ye kenile. Ku kaba linzila, ni mwa kubuluka lika, ni masimu. Mi Nuka ya Bupilo ya taha, i zwelela kwa Lubona, ni kushetumuka mwa miandala ni, oh, fahalimwa miambeso. Mi Kota ya Bupilo i ka shoshela mwa patelo kaufela; ni kubeya miselo ya Yona, linako ze twelufu mwa silimo, muselo o munca kweli ni kweli.

<sup>400</sup> Mi malena ba lifasi ba ka taha ku yona kutisa likute la bona. “Mi mattali akaba a foliso ya linaha,” foo malena habanze bapila mwa kozo kwande kwani. Ha ba zwela fande, ba ka puma kota, litali la yona *cwalo*. Inge liiba ha li kuta, kuli buhali bwa Mulimu ne se bu felile, mi la tisa litali le linca lelitala mwa areka. Kona kuli mulena ha zwa, ka kutisa kanya ya hae mwa kashandi ka Munyaliwa mwa Munzi woo, u ka swala litali abonise mulena ya bapani ni yena, mi, “Lu mwa kozo kamita.” Amen! Foliso ya linaha! “Kaufela li iketile. Nako yeñwi ne lu lwana kusulula mali a mutu, muzwale. Mi lu latani, ni kuhuwa; ni ku kunupa, ni kucisa bana ka mulilo, lika kaufela. Kono cwale kuna ni kozo, ni foliso.” Isiñi foliso ya matuku; kaufela lifelile. Foliso ya naha! Amen!

<sup>401</sup> Munzi ni Lubona fahalimu. Sinulo 21:23, “Mi ha ba tokwi liseli, kakuli Ngunyana ni Mulena Mulimu kona Liseli la mwateri.” Mwabona? Mulena Mulimu ki yena Siita sa Mulilo sene si latelela Isilaele mwa lihalaua kaufela. Mi U pahami fa Lubona, mwa Mubuso o petehile wani... ka nako... “Mubuso o Jesu ana ni kufa ku Ndate, kuli Mulimu abe ku zona kaufela, ni ku zona kaufela.” Jesu uina fa Lubona lwa Hae fa, kuba sina Josefa wa luna. Mi Mulena kona Liseli lani le likaba fahalimu a Lilundu la Sione, mi Lilseli la Hae le li kenile li ka tala Munzi kaufela. Haleluya!

<sup>402</sup> Limaili ze mianda ye fifitini mwahalimu, ni limaili ze mianda ye fifitini ka kulikanelela, ka liparadaisi za Mulimu ze yahilwe mwa Munzi wani kaufela; mikwakwa, linzila! Mubale Sinulo yamina ya 21, mubone haiba ha i si ka luka. Mwabona, "Ha ba tokwi liseli mwani ni lelikana, kakuli Ngunnyana ki yena Liseli." Mi fa Lubona kwa kona kubonahala, u yahilwe, fa limaili ze mianda ye fifitini.

<sup>403</sup> Ha u si ka yahiwa ka kunama hande ku to fita *fa*. Wa sikama nyana, inge piramidi. Haiba ikona kuba licika la musipili, kona kuli seo sikona kuba sina *cwana*, mwa bona, kuzwa mwa munzi ulimuñwi ku ya ku omuñwi... cwale haiba mu ka lemuha, kuzwa kwa neku leliñwi la Munzi kuisa ku leliñwi.

<sup>404</sup> Na kona kunokela nto yeñwi fa haiba mwa bata cwalo. Kana mulemuhile sikuwata nyana fa? Si likana fela ni siemba sani, sibaka se si tala ku sona. Georgia, California, kuya kwa Saskatchewan; kuzwa kwa Kansas, kuya kwa makamba atezi fela macwe akwa Maine; zeo kaufela likopani. Zeo kona ze yemelwa kulo fa, kulikana ni limaili ze mianda ye fifitini kulikanelela.

Oh, ba zwa kwa Upa ni Wiko,  
Ba zwa kwa naha ya kwahule hule;  
Ku to nyakalala ni Mulena luna; ku ca... (Fa  
sikamañi? "Mutu haana kupila ka buhobe  
fela." Ka Buhobe, Linzwi!)... ku to ca sina  
bo nalutiyo ba Hae;  
Bafuyozwi cwani bazamayi baa!

Mwa lifasi, Ni na ni kubulela, Ha ni si ka bona sicaba se si cwalo.

Oh, ba buha pata ya Hae yende  
Ye benca ka Liseli la Bumulimu;  
Ba fuyozwi baci ba muhau wa Hae,  
Sina macwe a Hae a benya mwa mushukwe.

Oh, Jesu wa taha cwale,  
Matata a luna akabe a felile.  
Oh, kucwani haiba Mulena luna ataha ka nako  
ye?

<sup>405</sup> Hakuna kuba nako yetelele. Lika kaufela li petahalile. Kuya ka sibaka, Sodoma, balumiwa; lika kaufela liinzi ka kuijeta. Mwabona? Si talusa sikamañi? Munahane fela, kutaha kwa tabernakele nyana ye, limaili ze mianda ye fifitini ka kulikanelela, kuzwa mwa buima bo buswana.

<sup>406</sup> Kiñi kanti Mulimu ha babalela hahulu sibaka sani sa Palestine, mwabona, kanti ki sibaka nyana fela? Kono ona mwani kona tempele mo ika tomiwa. Fani kona Jerusalema Yomunca fa ka yahiwa, ona fani. "Olive, Lilundu la Olive li ka tubula, siemba sesiñwi kwa silyo ni kwa nzohoto," luli, ha u ka kalelafafasi. Isiñi, se bali, usweli ku kasha fahali sina *cwana*.

U sweli ku kasha, “Mwa lizazi lani Ha ka toma mahutu a Hae a kenile fa Lilundu.” Mulemuhe, fa Lubona lwa Hae, limaili ze mianda ye fifitini mwahalimu!

<sup>407</sup> Muhupule, Satani na likile ku Mu lika, nako yeñwi, fahalimwa lilundu. Mwabona?

<sup>408</sup> Munzi o Munca una ni mitomo ye lishumi ni yemibeli, sina ha lu fitile kale mwateni, ma patriareka baba lishumi ka bababeli; liñokolwa ze mwanda ni mashumi amane ka zene; kuba siapalo sa fa sifuba sa Aruni; minyako ye lishumi ka ye mibeli ya macwe a butokwa, mabizo a balutiwa baba lishumi ka bababeli.

<sup>409</sup> Jesu wa yema, Licwe lelituna, fa Lubona, mi baketwa ba Hae ha se ba Mu apesize mushukwe, “kuba Mulena wa malena, Mulena wa limpi.” Miki Yena Licwe la butokwa.

<sup>410</sup> Hanina buka yaka ya mwa pokoto. Kono haiba mu lemuha mwa buka ya mina ya pokoto, haiba muna ni pene iliñwi ya dollar, ina ni swayo ye nyatezwi ya United States; kuna ni mbande neku leliñwi, ye sweli masho, zeyemela na ha, mo lukona ku li bizeza; mi kwa neku mafelelezo, ina ni piramidi, ni liito le li tona fahalimu a yona. Mwabona, ne ba sa zibi se ne ba eza. Mi fateni ku ñozwi ka si Latin, mi mu ka fumana kubulela kuli, le ki “liswayo lelituna.” Ne ba sa zibi sene ba sweli kueza. Mane ni yena Keyafasi na sa zibi sa na polofita.

<sup>411</sup> [Muzwale Branham uswanisa fa limati—Mu.] Ki leo Liswayo Lelituna. *Fa* ki leo, mwabona, ki Munzi. Ha ki muyaho fela o namile sina *cwana*, mwabona, kono u shendami kuli u bonahale. Mi fahalimwa Lilundu le li kenile la Mulena le, Mulena u ka tulukela fahalimwa Lilundu la Hae; *fa* kona Fa inzi. Leo kona libaka licwe la kukwahela ha ne li si ka beiwa ki Enoke. Mwabona? Ki kabakaleo Licwe la kukwahela ha li lukela kutaha cwale. Mi Lilundu li ka kashezwa mwahalimu, mi ikaba Lilundu la Mulena.

<sup>412</sup> Mi ni *fa* ku ka pila ba Baliuluzwi. *Zee*, linzila nyana ni linzila zetuna, sina mo ne liinezi, libaka mwa kupula, ni Nuka ya Bupilo li ka buba, kufita ku ona. Mi ndu kaufela i ka yahiwa ka gauda ye belela. Mi mikwakwa ika ba ya gauda. Mi likota za Bupilo li kaba teni, mi lika beya miselo mifuta ye twelufu. Mi malena ni muuna ya kutekeha wa lifasi uka tisa tisa likute la hae ni libubo la kanya mwa minyako ya ona. Mi minyako haiba ku kwaliwa ka busihu, kakuli hakuna busihu mwani.

Mwa Muzi wani moo Ngunnyana ki Liseli,  
 Mwa Munzi mwani mo ku sa tahi busihu;  
 Ni na ni muyaho tuna mwateni, o sina  
     manyando ni lipilaelo,  
 Oh, Ni ya ko Ngunnyana yani ki Liseli.

<sup>413</sup> Kana ha muboni kuli litolopo, ni mileneñi, ni mandu, libaka mwa kupila, ki—ki ze bulelwa ka zona cwale? Liká za nama ze kaufela ki muluti fela.

<sup>414</sup> Munge muluti, fahule nyana, inge lizoho la ka. Kusikaba kale ni—ni za niti . . . kamba za buhata, kuna ni kuba za niti. Mi, mwa bona, muluti wani, kubonahala inge Ni na ni minwana ye silezi, kono cwale ha mu ka sutelela fakaufi hamoho, ki—ki kutaha fa nto iliñwi, mi kipeto muluti u felela mwa lizoho.

<sup>415</sup> Mi zeo ka, linako zeñata, sicaba si nahana kuli kuna ni Balimu babalalu kamba babane. Mu sweli kutalima kwahule hahulu mwa kuongaonga. Mwabona? Mutachefafasi cwale mi, mu batisise, mutualimisise hande kufitela aba Alimuñwi. Yeo ki niti.

<sup>416</sup> Kuna ni Munyaliwa alimuñwi; ha ki baba silezi, likopano. Kono Munyaliwa alimuñwi, yo ki Muketwa, kuzwa mwahala . . . kuzwa mwa—kuzwa mwa lifasi ili baba lukiselizwe taba ye, ili bao baba kona kulemuha sibaka sa bona mwa Mubuso.

<sup>417</sup> Fa Lubona loo, mutualime, ki butelele luli! Munzi o Munca; ni mitomo yee; minyako ye twelufu; Jesu, kiyena Licwe le li kwahela; baapositola, kuatula; ki masika a twelufu.

<sup>418</sup> Piramidi ya Enoke haiba miluti haina nako ya musihali. Ni bile kwa Egepita, fa mapiramidi. Ki lika ze yahilwe ka swanelo, mi mwa bukima bwa miyaho yateni; kuli, hakuna taba kamba lizazi li inezi kai, hakuna muluti fa piramidi fani. Mwabona mo u i nezi?

<sup>419</sup> Mi hakuna kuba busihu fani. Yena fahalimu a Lilundu, fo kububa kanya ya Hae. Liseli la Kanya ya Hae likaba teni ka nako kaufela. Hakuna kuba busihu fani. Jesu, ki yena Licwe la ku kwahela!

<sup>420</sup> Cwale mulemuhe. Kacwalo, ba Baliuluzwi ba ka zamaya mwa Liseli. Lu opele cwale, “Lu ka zamaya mwa Liseli, ili Liseli lelinde.” Kuna ni sesiñwi ku luna se si biza. “Lu zwile kwa lifu kutaha kwa Bupilo.” Kakuli ba libelezi. Mwabona? Woo kona mulelo, wa se lu ikutwa.

<sup>421</sup> Luli, se ki . . . Kana mu itukisize? Wo ki Munzi wa na bata batile Abrahama. Mwabona? Kakuba mupolofita, na zibile Munzi wani kuli noliteni kokuñwi. Bibebe ibulezi cwalo. Mi a itoboha za munzi wa na pila ku ona, mi aya kwahule; amutalime kwa na ile, ona koo luli kone likaba. Mwabona? “Na bata bata Muji Woo muyahi wa ona ni mubaakanyi ki Mulimu,” mwabona, ka kuba mupolofita.

<sup>422</sup> Jesu u ilo lukisa ka mazoho a Bumulimu, ki Munzi wa Bumulimu; Muyahi ya Pahami, kulukiseza sicaba sa hae se si lekilwe, kwa sicaba se si lukiselizwe bukamuso. U ilo lukisa.

<sup>423</sup> Abrahama na sweli ku u bata. “Mi a bulela kuli nali muzamayi ni mueñi, kakuli na bata batile Munzi Woo mulali ni muyahi wa ona ki Mulimu.” Mupolofita yani, na ziba kuli noliteni kokuñwi! Joani na u boni ha u shetumuka, kono Abrahama ahupula kuli ne u na ni kuba kokuñwi mwa lifasi.

Kiñi? Na katani Melekisedeke, yena Mulena wa ona, ni ku Mu fa sa bulishumi. "Yana sina ndatahe, kamba mahe. Nasina makalelo a bupilo kamba mafelelezo a bupilo." Abrahama a Mu katana, mi ba ca mulalelo fa sibaka luli fo Munzi uka tomiwa, ili Lilundu lelikenile la Mulena, foo ba Baliuluzwi ba ka pila. Oh, mawi!

<sup>424</sup> Nako yani ha i na mafelelezo. Batili, lu mwa nako; kasamulaho nyana lu ka ya kwa Kuyakuile.

<sup>425</sup> Oh, Lilundu le li kenile! Ku ka yoba mikwakwa ya gauda ye belela, linzila; ni mandu, ni mwa ku pumula. Haiba mubata kuba seo, Sinulo 21:18. Kota ya Bupilo ikaba teñi; miselo ya mifuta ye twelufu, ufi ni ufi ka kweli ya ona, uka beiwa ku yona. Batu ba baca miselo ye, baka cinca micelo ya bona ka nako kaufela, kweli kaufela.

<sup>426</sup> mi ki—ki kuzwa . . . ki za bakomi fela. Kana mwa ziba cwalo? Ha ki za likopano.

Mu li, "U talusa cwalo, Muzwale Branham?"

<sup>427</sup> Ha lu apuleñi mwa Sinulo 2, fa muzuzu fela, ni kubala fateni. Sinulo 2:7. Ha lu boneñi cwale haiba ki Niti kamba nee. Sinulo 2:7 ibala sinca cwana.

*Mi ya na ni lizebe, autwe seo Moya u si bulela . . .*

<sup>428</sup> Cwale, muhupule, Yena hakikuli usweli kuambola kwa Majuda cwale. Ye ki Keleke, ya Bamacaba.

*Ya na ni lizebe, a utwe seo Moya u si bulela likeleke;  
Ya tula, Ni ka mufa kuca kwa kota ya bupilo, ye li  
mwahala paradaisi ya Mulimu.*

<sup>429</sup> "Ki bakomi fela, baba ka koma sibatana, ku kona nombolo ya sona," boo ki Bukatolika, Bupentekota, buino bwa likopano, "ya tula sibatana, nombolo ya sona, litaku za libizo la sona." "Ukaba ni tukelo kwa Kota ya Bupilo, ku ken mwa minyako mo kusike kukena se si silafaza." Mwabona? Munahane ka zona. Cwale, fa muzuzu fela cwale, halunze lu ya fa pata nyana. Kota ya Bupilo i kaba ya bakomi fela kihona.

<sup>430</sup> Matali akaba a foliso ya linaha. Foo ki kuli, malena ba bapila mwateni, b aka tisa likute la bona mwateni, ha ba ka tisa likute la bona ni ku li beya fapila Lubona lwa Mulimu. Kuswana fela sina kwande, ba balishumi . . . masika a ilebene ana tisizwe, lufi ni lufi lwa ona, lwa bulishumi ku Levi, mwabona. Ha ba ka tisa likute la bona mwateni . . . kuzwa kwa nahe ye fuyozwi, teñi mwani, ba ka fita kwa Kota ya Bupilo, ba ka kayula litali leli mezi lelibunolo . . . kamba la litali la Kota ya Bupilo, mi ba ka zamaya hamoho. Hakusana kuba lindwa nihanyinyani. Likaa kaufela li mwa kozo. Matali ki kupuzo, ya foliso ya nahe.

<sup>431</sup> Kota ye swana, isiñi sina Adama, yena . . . Nekuna ni Kota ya Bupilo mwa simu ya Edeni, ya na lukela kuca ku yona kambe na si ka wa. Kota ya Bupilo yani ne i mu hupulisa, ka

nako kaufela, kuli bunca bwa hae . . . bunca bwa hae ne bu ka zwelapili. Mwabona?

<sup>432</sup> Kinto yeswana ni kwa linaha. Matali akaba a foliso ya linaha; mulemuhe, isiñi kwa matuku cwale. Mu kaba ni litukelo zeswana zana nani Adama, inge za le- . . . liiba ni litali leli mezi leli bunolo, kaufela ki . . . mulena ufi kaufela inza lwezi litali.

<sup>433</sup> Mulemuhe, Nuka ya Bupilo, mwendi ku ka ba milapo nyana ye kambama. Cwale, mwa lifasi le . . .

<sup>434</sup> Ni ka kwala mwa mizuzu fela yelikani. Mwa lifasi le . . . Kamba, Ni ka tuhela fela. *Boo* kona buñata bwa litaba ze ni nani, cwale mwendi ka mapampili a mashumi amalalu. Eehe. Amutalime.

<sup>435</sup> M wahali mo—m wahali mo m wa b upilo, Nali kuba ni bone sika sika se si feza linyolwa sina kuba m wa malundu ni kufumana, sina ha Ni kutalize fateni busihu bobuñwi, kuli nukana ika shelaukisa, mezi a yona a b upilo. Mu ka katala ni lunyolwa, kuwela m wa kanukana kakande; m wa sibaka mo ku sa keni likokwani za matuku, ki mwatasi luli ka liñokolwa ze minda anda mwatasi m wa mubu, kona mo kuzwelela a kenile, amande, mezi afa b upilo. Lwa itumela ka seo. Zeo ki zelikani. Cwale, lifasi lina ni linuka zeñata za mezi a manca. Ha u na ni linyolwa mi wa shwa, uka inwela mezi amande, abata azwa mwani, aka—aka ku tusa kuli upile.

<sup>436</sup> Kono mutualime ko ku zwelezi Yoo. Kuzwa fa Lubona, kona fo ku zwelela mata a Bupilo. Azwa mwatasa Lubona lwa Mulimu, fo kuinzi Mulimu.

<sup>437</sup> Kaufela zona, lifasi le kaufela, lifasi le fo lu pila cwale; mutu kaufela, kamba ki Mukreste kamba muhedeni, una ni lintempele. Kana mukile nahana cwalo? Likeleke, kaufela zona.

<sup>438</sup> Kono Yo haana sika kaufela. Bibele ili, “Mi nekusina tempele m wateni. Kono Mulena Mulimu ni Ngunyana ki Tempele ya teñi.” Ngunyana ki yena Liseli. Ngunyana ki Tempele. Ngunyana ki Lubona. Ngunyana ki Bupilo. Ki yena Tempele. Mwabona, litempele ze kaufela lina ni sibupiwa sa kulapela; kono, m wa Munzi woo, Ki yena sibupiwa sateni. U pila ni sicaba sa Hae. Moya o Kenile uaza piramidi ya Munzi.

<sup>439</sup> Sina Pitrosi ni Joani, fahalimwa ngo ya lilundu. Liseli liapesa fa ngo ya lilundu, mi Linzwi la bulela, lali, “Yo ki Mwa Ka ya latwa.”

<sup>440</sup> M wa Sinuo 21:3 ni 4, “Tabernakele ya Mulimu iinzi ni batu.” Mulimu u yahile ku mutu, ka ku mu liulula, ka mihato yelikani yee. Cwale Mulimu uka liulula lifasi ni tabernakele m wa lifasi, ni batu ba Hae ba lifasi, ba liuluzi m wa lifasi. Mi ka sibi ya wa, kono haili . . . Hana ni ku tuhelela kuli li ikele. Kono cwale A luma Jesu ku to liulula lifasi le li wile, leo luli siemba sa lona. “Hakuna mulili ulimuñwi wa toho ya hao o ka kumuha kwateni.” Jesu na

bulezi cwalo. Na ize, “Ni ka u zusa hape ka lizazi la mafelelezo.” Mwabona? Kiñi? U siemba sa lifasi.

<sup>441</sup> Mu lemuhe, Ne ni bile ni lisheha nyana ka musala ka yana ni bulelala kuli Ni latehelwa ki milili yaka. Na mu bulelala kuli Ha ni si ka latehisa ni yekana.

Ki hali, “I kai?”

<sup>442</sup> Se nili, “Ko ne ibanga Ni si ka ba kale ni yona.” Kaufela ko ne ibanga, ki sikusha; kaufela ko iinzi, ya ni libelela. Mwabona? Yeo ki niti. Ni ka ku yona, zazi leliñwi.

<sup>443</sup> Mubili wa kale woo, wa kokonyana ni kusupala, ni kulepelela kuweyuna maheta, ni kuopa mwa mañwele, ni—ni kusileha linzwi fa mumizo. Zeo li lukile. Mwakona ku pumbeka mwa liwate, kono Tolombita i ka ni zusa! . . . ? . . . Eeni, sha. Lu ka cinca, leliñwi la mazazi aa. Ni siemba sa lifasi leli liuluzwi lee. Mu inzi mwa lifasi, kono hakuna za *kosmos*. Mu mwa mulao o shutana, mulao wo liuluzwi.

<sup>444</sup> Mulemuhe, “Tabernakele ya Mulimu inzi mwahala batu.” Mulemuhe, “Lika za kale li felile.” Se, se sika se, si felile. Se sitalusa kuli Lihalimu litulukile ku to ina ni mutu. Mwabona? Lihalimu ni lifasi li swalani.

<sup>445</sup> Ona fani fela Liiba ha li to tuluka fa lifasi, yanali Jesu; Nali liluli la lifasi, Mutu. Mulimu, kuzwa kwa kokwani ye fa Bupilo yani, ka mata a kubupa. Mi Mali ani anali mwahali mwani. . . Bupilo bo ne buli mwahali mwa Mali mwani bwa kambamela kukuta ku Mulimu, kono Mali a suluha mwa lifasi, ku to liinga. [Muzwale Branham ungongota fa katala linako nyana—Mu.]

<sup>446</sup> Kabakeñisa mali ana tisizwe, kuzwa mwa kokwani ya selu ya Kaine, mwabona; cwale U kuta ni mata a kubupa inge fela mwa Na ezelize ku Adama, abupa Adama, ki yo fa Adama wa Bubeli. Mi ka kupwaceha kwa selu yani, mwani (sibi) Kaine asinya selu ya mali yani ku ya lukile, mwabona, cwale Selu ya Mali ye. . . Kakuli, na bulaile Abele, kono Abele na pepilwe ka foso.

<sup>447</sup> Kono yoo Yena na si ka pepwa ka foso. “Ne li pupo ya kutaha kwa Mulimu, makalelo a yona,” mi Ya liulula lifasi. Mi ma kalsiamu kaufela, potashi, petroliamu, liseli la kosmic, le mu bupilwe ka zona, li liuluzwi. “Hakuna nihaiba mulili ulimuñwi o ka kumuha. Mi Ni ka u zusa hape ka lizazi la mafelelezo.”

<sup>448</sup> Cwale ki sikamañi? Mulimu utahafafasi ku to yaha mwa lifasi. Mane, Yena ki siemba sa ona, mubili wa Hae Tota. Na u zuselize kuluka kwa luna, mi lu lukile ka kulumela cwalo ni ku amuhela cwalo. Mulemwe mwa mifuta, Jesu utaha. . . Mwa mifuta, Jesu uba mutu; Mulimu. . . kamba ku lukisezwa kunga sibaka sa hae, ku lu liulula, kueza lika ze kaufela kukonahala.

Mulemuhe, kwande a ona kuna ni mamota amande, a Munzi woo.

<sup>449</sup> Cwale muna ni “Munzi”? Mwabona, ki Lilundu le likenile. [Muzwale Branham uswanisa fa limati—Mu.] “Hakuna se si ka holofaza kamba ku sinya mwa Lilundu la Ka le li kenile, kubulela Mulena.” Munzi ha ki oyemi nonga. Ki Lilundu. Mi haili—haili kubapuka ka bukima ka butelele, za likanelela, mwabona; limaili ze mianda ye fifitini neku *le*, limaili ze mianda ye fifitini neku *lani*, limaili ze mianda ye fifitini kaufela kupotoloha; ni limaili ze mianda ye fifitini mwahalimu. Kacwalo ki Lilundu fela lelituna, inge piramidi, mi Munzi u inzi fa Lilundu. Kanya!

<sup>450</sup> Ki fo he cwale, ki zeo li paradaisi za Mulimu, Liseli la lifasi, ona Mubuso omunde wani. Ha ki lizazi la busebene; wa Kuyakuile! Mwabona? Isiñi Mileniamu; ki Lifasi Lelinca! Mwabona?

<sup>451</sup> Halinze lifita mwa Mileniamu, lifita mwa ku keniswa, kono niteni li na ni ku cisiwa. Mwabona? Mane, Mali a liuluzi sicaba, si bonisa kupuzo ye kuli ki...ki teko ye lifilwe, ona lilimo ze likiti zani. Kono niteni lina ni ku keniswa ka Mulilo; inge mo ne muinezi, lindumeleti za Hae za Munzi woo, lindumeleti.

<sup>452</sup> Kacwalo haiba mu shwa kamba mu pila, ki shutano mañi ye si eza? Mi haiba U taha kacenu, kamba U taha myaha ye mwanda, kamba myaha ye sikit, Ni ka pumula fela kufitela cinceho yaka itaha.

<sup>453</sup> Kacwalo, muuna muhulu ni musali muhulu, musike mwa zwafa. [Muzwale Branham uswanisa fa limati—Mu.] Haiba u muyemeli wa fahalimu *fa*, mwa mulelo wa Mulimu wo; *yoo*, Mulimu; haiba muna ni zona, haiba u na ni ze kuyemela *fa*, haukon... U pila mwa Kuyakuile. Mi haiba mu silezi mwa lizazi la busebene lani, kukena ku la bueiti, u kene mwa Kuyakuile ka kolobezo ya Moya o Kenile, u keni ku *Se*. Cwale, haiba u sepa maikuto, kamba kutulatula mwahalimu nifafasi, kamba, “Ni eza *se*. Ni buluka lizazi laka la bu sebene. Ha ni cangi nama,” ni lika ze cwalo, zeo li ka fela, nihakuli cwalo. Mwabona? Kono *Se* ki sa Kuyakuile. Mwabona? Se ki sa Kuyakuile, Sibatana mwa mulaho wa Mukiti wa litabernakele. Mwabona?

<sup>454</sup> Mukiti wa litabernakele neli mukiti wa mafelelezo, mukiti wa busebene. Lu sweli kulapela cwale mwataswa mukiti wa litabernakele, lusika lwa keleke ya busebene.

<sup>455</sup> Mwa Mileniamu, kaufela luna lu kaba mwataswa mukiti wa litabernakele, hape, mwa lizazi la busebene.

<sup>456</sup> Kono, he, kasamulaho wa lizazi la busebene, luna ni Milapeloye Kenile, lu kutela mwa Kuyakuile. Kucwani? Ka Wa Kuyakuile ya natile ku to lu liulula ni ku lu kutisa, a lu lumeleza kulemuha kuli ne luli siemba sa *Se*.

<sup>457</sup> Cwale u ziba cwani kuli u siemba? Bakeñisa, kuli, Linzwi la hola, sepiso ya lizazi. Ki sikamañi seo? Ki kukutiswa kwa lizazi la pili, la makalelo. “Mi u ka kutisa lipilu za bana kwa

bashemi ba bona,” kutisa kukutiseza hape kwa buino sakata bwa pentekota, isiñi ka maikuto; mi li ka bonahalisa Liseli la manzibwana, Mwana ya swana ya na bonisize Liseli la kakusasana, sina mo ku sepiselizwe kwa lizazi la kacenu. Amen ni amen!

<sup>458</sup> Lu kai kana, balikani, lu kai kana? Lu libelezi fela kuzwa mwa nzila, kona kuli Sinulo 11 ya kona kutiswa kwa... kuzibiwa kwa Majuda; yeo ki niti, ki kutaha kwa Kuungelwa.

<sup>459</sup> Mutokomele, kwande a minyako ya mamota, kuna ni Lifasi le Linca, linaha li ka pila mwa kozo. Cwale sikamañi? Malena ba ba kutekeha ba ka tisa kanya ya bona mwateni. Hakuna sibi se si kona kuba mwani. Hakuna kukuta milili basali baba ka kena mwa Munzi wani. Ni ka mi sepisa cwalo. Hakuna kutina ze kuswani, kuzuba makwai matanya, mahule, kamba mahata, balapeli ba milimu, kaufela sebali sona, habana ku kena mwa Munzi wani. Batili, kaufela zeo li ka fela. Sibi si ka feliswa. “Hakuna se si ka silafaza kukena kwa ona se si ka kena mwani.” Kona sa Na bulezi. “Kaufela li felile, kuyakuile.”

<sup>460</sup> Mutualime kwande mwa masimu ni mwa minyako ya ona:

Bere i ka fela buhali, sitongwani si ka tapiswa;  
 Mi tau i ka buta hamoho ni ngunyana;  
 Mi sibatana sa mwa naheñi, si ka zamaiswa ki  
     mwanana;  
 Ni ka cinciwा kuzwa mwa sibupeho se Ni li  
     sona.

<sup>461</sup> Ka lifu le li beleka mwa mubili o shwa woo, busupali bukeni mwateni, Ni ka cinciwা.

<sup>462</sup> Mu i utwile pina yeo nji? “Bere i ka fela buhali. Sitongwani si ka taoiswa.” Hasina kutula mwahalimu, ni ku pazaula ku mi bulaya. Si ka zamaya ni mina mwa linzila.

Ki mañi ya ka li yola? Ki ba Baliuluzwi. I kaba bafi bao?

Mulemuhe, Ni kona fela kuluta ka mifuta cwale. Mulemuhe, Muzwale Lee.

<sup>463</sup> Ki bafi baba taha mwa lifasi lelinca ni mupolofita Nuwe? Bene ba keni ni yena mwa areka. Ki niti yeo? Bao kona baba kena ku ona. Mwabona? Bene ba keni ni Nuwe, ka liñusa la hae, ki bona bene ba zamaile fa lifasi le linca kasamulaho sa kolobezo ya lona ya mezi.

<sup>464</sup> Yena ya kena mwahali ni Jesu cwale. Mu kena cwani ku Yena? Ka Moya ulimuñwi; mi Yena ki yena Linzwi. U ba siemba sa Hae. U siemba mañi ku Yena? Linzwi le lipila mwa hola ye, kulemuha. Mu ka zamaya kuzwa ku Yena mwa Mileniamu. Foo kona fo mu ka zwela mwateni. Mulemuhe, ha ki lusika lo lunca. Ki ku calulula!

Mu li, “Oh, Muzwale Branham!” Oh!

<sup>465</sup> Mulemuhe, haiba Mulimu azusa Elia ni ku muisa mwahalimu, myaha ye mianda ye twenti faifi kwa mulaho, ka ku mucalulula mwa lifasi hape, kuba mupolofita wa Majuda, U kona kueza cwani ku Munyaliwa!

<sup>466</sup> Kasamulaho Nuwe azwa mwa areka, mulemuhe se ne si bulezwi ku Nuwe ha sa zwile mwa muunda, inge fela mo ne kuinezi ni Adama sapili. Ha sa zwile, fa lifasi le linca; ali, “Muat mi mutaze lifasi,” kasamulao wa muunda. Mulemuhe, “nebana ni ku ata, kutaza lifasi,” sina Adama kwa makalelo.

Cwale mwakona kubona hande fa. Cwale muteeleze ka tokomelo.

<sup>467</sup> Adama nana ni ku “ata ni kutaza lifasi.” Ki niti yeo? Nuwe ni yena, kasamulaho wa lelinca, (lifasi ne li sinyehile), nana ni ku “ata ni kutaza lifasi.” Mwautwa nji? Cwale ha mu boni seo “peu” ya noha ili sona? Ki sikamañi sene si talize lifasi? Mwa utwa? Ku lukile. Mwabona mo Satani natezi ku Eva cwale. Kona lifu ha li busize fa lifasi kuzwelela kwa kale. Mi lihalimu, lifasi, sitongwani, mbyumbyulu, kaufela zona li kutilwe ki Mulimu bakeñisa zona. Seo kona sikuto, kakuli Satani na fitile ku sona pili.

<sup>468</sup> Jesu natezi ku to liulula kukuta ku Ndate. Ka kueza se, Aba siemba sa lona; sina Ha ni fitile kale ku zona. Mi kuzwa mwa liluli lani luli (siemba sa nali sona Jesu, Kasibili) ka ku liululwa, ka Yena milelo kaufela ya Mulimu i liuluzwi ni lifasi.

<sup>469</sup> Na li yena Linzwi le li bulezwi. Luna baba liuluzwi lu siemba sa Hae. Mi, haiba mukona kulemuha! Mwabona?

<sup>470</sup> Bafarisi ne ba ipapata kuli nebali cwalo. Kono, mubone siswaniso sapili, nebali fela cwalo ka muhupulo wa butu. Ne ba si ka lemuha Linzwi ha li I ponahaza hande fapila bona. Se bali, “Muuna yo ki dimona ye maswe.”

<sup>471</sup> Cwale, kacenu, lu bizwa bapolifita ba buhata. Lu bizwa ka mabizo a masila kaufela akona kubizwa, ka batu ba bulapeli, mwabona, ka baana babatuna mi babana ni litalenta. Mwabona, fela ha ba utwisisi. Mwabona?

<sup>472</sup> Kolobezo ya yona ya mezi ne i si ka likana ku likenisa; kamba kuba labona. Kukeniswa, kwa Mali, kwa li tisa, a i kungela lona. Kono kolobezo ya Mulilo i li kenisize; sina mo ne i ezelize ku Munyaliwa wa Hae. Sina kutapiswa, kukeniswa, kolobezo ya Moya o Kenile.

<sup>473</sup> Na si ka sepisa kuzusa lusika lolunca, sina ha Ni bulezzi, kono U sepisize ku liulula baba wile. Mi bona bene ba—ba lemuhiilwe kale, ba u yola sina Ha sepisize. Mi Yena ki Mulimu ya sa cinci; lwa ziba cwalo.

<sup>474</sup> Muhupule, Mulimu na ngile Elia, kasamulaho wa ku ngelwa, mi a fetulwa, amu calulula kukuta mwahala sicaba, kuli ange sibaka sina mupolofita mwahala sicaba sa hae; cwanoñu nyana

Uka eza cwalo. Mi u mu bulukile, inza pila, myaha ye mianda ye mashumi a twenti faifi ye. Una ni ku bonahala hape.

<sup>475</sup> Mulemuhe hape, Na zusize Mushe kuzwa kwa bafu. Li kai libita la hae? Kuna ni yakona ku li fumana? Mubale Buka ya Juda. Mwabona? Satani... Lingelo Lelituna ne li hohana ni nduna wa mangeloi, Satani, ali, kunyamatala... “Mulena a ku omanyé,” ku hohanelia mubili wa Mushe. Mi fa Pitrosi, Jakobo ni Joani ne ba yemi fani inze ba mu talimela, fa Lilundu la Petuho, ona mwa na ha yani mo ku lukela kuba Lilundu fa ku yo pila. Mwabona?

Mi U taha ku to li liulula.

<sup>476</sup> Mwabona, nekuna ni Keleke ye ngilwe kale ka nako yani, ye ne yemelwa; nekuna ni bene ba lobezi, ne ba yemelwa. Libaka lifi? [Muzwale Branham uswanisa fa limati, ka mibamba yetatama yelikani—Mu.] Mwa Munzi; fahalimwa ngo ya lilundu. Mwabona?

<sup>477</sup> Nekuna ni Pitrosi, Jakobo, ni Joani, inge basweli kutalimela fela; babalalu, ki bupaki. Nekuna ni Elia, Mushe, ni Jesu; kuba bupaki bwa Lihalimu. Mwabona?

<sup>478</sup> Mi nekuna ni Mushe, yana shwile, na zuhile kwa bafu. Nekuna ni Elia, yana ngilwe, na sa pila. Mi bubeli bwa bona ne ba yemezwi fa lilundu le likenile le.

<sup>479</sup> Mi, Jesu, yena Muliululi. Mi Mulimu, fahalimu a Hae sina *cwana*, a Mu apesa ka muluti, ali, “Yo ki Mwana Ka ya latwa.”

<sup>480</sup> Mwa hupula, Jesu naize, mwendi lizazi fela ku si kaba kale zani, Na ize, “Kaniti Ni li ku mina, kuli babañwi baba yemi fa cwale, habana kubona lifu, kufitela ba bona Mubuso wa Mulimu utomilwe mwa mata.”

<sup>481</sup> Neli sikamañi? Bafu baba zuhile ni baketwa baba ngilwe, hamoho, ba ngelwa hamoho ku yo Mu katanyeza mwa mbyumbiyulu. Ni Mulimu inza Mu apesize muluti, mi Jesu inza yemi fani mwa muluti woo, bali, “Yo ki Mwana Ka ya latwa, ku Yena mo Ni katelwa,” mulao wa Mubuso o Munca. Oh, muzwale, kezeli!

<sup>482</sup> Lifu ha li ku cinci. Lifu fela li cinca sibaka mo u pila. Mwabona?

<sup>483</sup> Muhupule, Samuele, ha na shwile mi na pumbekilwe ka lilimo zepeli, nali mwa Paradaisi. Mi muloi wa musali wa kwa Endore a mu biza, mi Saule amu ziba; mi ni musali yani, ni yena, awa ka pata. Na si ka cinca, neba hanyinyani. Na sa li Samuele ya swana, kasamulaho wa kushwa lilimo zepeli, mi na sa li mupolofita. Ki hali, “Kamuso mu ka shwela mwa ndwa, mwana hao ni wena, mi ka nako ye kamuso busihu u kaba ni na.” Mi zeo kona ze ne ezahalile.

<sup>484</sup> Mwabona? Mi cwale Mushe ha yo kuta, ni Elia, ka Sinulo 11, ba kaba bapolofita. Haleluya!

<sup>485</sup> Mi kwabuse kwani, mwa Naha, Munzi ko Ngunyana aliteni Liseli, Ni ka yo ku ziba, Muzwale McKinney. Ni ka yo mi ziba, sicaba sa hesu, macwe aka abutokwa mwa mushukwe. Ha ba kazwa kwa Upa ni kwa Wiko, kukena mwa Munzi; foo limaili ze mianda ye fifitini ze likanelela, ha li ka yo tomiwa fani, ni Munzi o yahilwe ka kulikanelela. Ha mu inzi mwa Lilundu leli kenile lani, fo ne kuinzi Mulimu fahalimwa Lilundu, ni Jesu fa Lubona. Ni tolombita ya gauda i ka lila Josefa ha nanuha, kuli azamaye mwa Paradaisi, ni bana ba Mulimu ba ka wa ka mañwele ku Mu lapela, ka kuziba kuli ba liuluzwi. Mwabona? Amen! Haleluya!

Linako zeñwi Ni ikutwanga bulutu kutonda  
Lihalimu,  
Mi kanya ya Mwateni Ni ka yo i buha;  
Ha ki tabo ni yeo ha Ni tabona Mupulusi wa  
ka,  
Mwa Munzi omunde wa gauda wani!  
Ni tamehile kuya kwa Munzi omunde wani  
Mulena u u baakanyize...  
[Hakuna manzwi fa tepu—Mu.]

<sup>486</sup> Isaya naize, mwa Isaya 9:6, “Mi kwa kozo ya Hae ni kekezo ya Hae hakuna kufela. Mubuso u ka ba fa maheta a Hae; Libizo la Hae li ka bizwa Muelezi, Mulena wa Kozo, Mulimu ya Mata kaufela, Ndate wa Kamita. Mi mubuso u ka ba fa maheta a Hae; mi kwa kekezo ya Hae ni kozo ya Hae hakuna kuba mafelelezo.” Nihaiba lifolofolo li ka yo ba teni. Oh, mawi!

Bere i kaba ya musa, mi sitongwani si ka  
tapiswa;  
Mi tau i ka buta hamoho ni ngunyana,  
Mi sibatana sa mwa naheñi, si ka zamaiswa ki  
mwanana;  
Kono Na ni ka fetulwa.

<sup>487</sup> Ni ka fetulwa kuzwa mwa sibupiwa se Nili sona, foo Lizazi lani ha litaha, kakuli Ni ka ya kwa Munzi wani. Ni tamehile kuya kwa Munzi omunde wani! Ni ikutwa Mata a kuliulula mwa pilu yaka kaufela cwale.

<sup>488</sup> Haiba ha ku cwalo, kona kuli Ni latehisize bupilo bwa ka kusili; Ni lutile babañwi litaba za lishano. Kono ha Ni talima fafasi ni kubona lisepiso Za ezize mwa lizazi le, ni ku Li bona ha li talelezwa; ni kutilima fa kopano ya limaili ze mianda ye fifitini ka kulikanelela yetomilwe fa, bao ki Baketwa baba bizizwe kuzwa mwa likopano ni mishobo ni lituto za litumelo ni lika zeñwi, bakopani hamoho; sina Ha ni bona Linzwi inge li iponahaza lona Liñi, Na ziba, kufitelela kukakanya kulikuñwi, macwe abutokwa a mushukwe waka aka benya kufita sika kaufela mwa lifasi, ka Lizazi lani.

<sup>489</sup> Ku ka taha nako! Sicaba, ha lu putehaneli mbango kulo moo. Lu libelezi fela nako yani. Nako se ifelile, kale kale, kono Jesu u

sa li fakaufi hahulu, hulu. Mi, Kanya ya Hae, ki yende. “Libizo la Hae li ka bizwa Muelezi.” Munzi wani, kana mwa u bona? Kwani kona koo Munyaliwa ni Munyali ba ka yo ina, mi hakuna kuba hape ku . . .

<sup>490</sup> Cwale, haiba mu nahana kuli ki nto yende ha lu koboca ka limaili ze mianda ku to ina mo ni kufepa fa Linzwi la Hae, kanti mane wo ki muluti fela, ku ka yoba cwani ha lu ta pila mwa Munzi tenyene ni Yena! Ha Ni pila mabapa ni sikwalo sa mina, mi ha lu ta yo ca kwa likota zani, mi lu ta yo zamaya mwa mikwakwa yani, ha lu ta yo zamaya mwa mikwakwa yani ya gauda kuya kwa liweluwelu, kunwa kwa liweluwelu, kuzamaya mwa liparadaisi za Mulimu, ni Mangeloi inza potoloha fahalimwa lifasi, inza opela minembo, oh, ikaba Lizazi le li cwani leo! La swanela lika kaufela. Nzila i bonahala masulungundu, fokuñwi kwa tatafala, kono, oh, likayo ba ze nyinyani ha Ni ta Mu bona, ze nyinyani fela. Akaba sikamañi mabizo a maswe ni litaba ze ba bulezi, zeo likaba sikamañi ha Ni ta Mu bona mwa Munzi omunde, nde wani wa Mulimu?

<sup>491</sup> Ha lu inamiseñi litoho zaluna.

Ni tamehile kuya kwa Munzi wani  
 Mulena ka u lukiselize Ba Hae;  
 Koo ba Baliuluzwi kaufela ba masika  
 kamukana  
 Baopela “Kanya!” kupotoloha Lubona  
 Lolumweu.  
 Fokuñwi Ni ikutwanga bulutu bakeñisa  
 Lihalimu,  
 Mi ni kanya ya lona ye Ni ta yo buha Kwani;  
 I ta yoba tabo yecwani ha Ni bona Mupulusi  
 waka,  
 Mwa Munzi omunde wani wa gauda!

<sup>492</sup> Fa soli sa Patmosi, Joani na u boni![Muzwale Branham ulila ka tabo—Mu.]

<sup>493</sup> Jesu Yomunde, sepo ye, sepo yaka hakuna fo itomile konji, ku Mulena. Yoo ki yena me wa pilu yaka; Munzi wani, Mulena yomutuna. Mulimu, usike wa lumeleza nihaiba alimuñwi mo kushwa, shangwe. Ha lu tatubeñi bupilo bwa luna hape, kacenu, Mulena, lu libelezi Kutaha kwa Mulena. Koo, ba Baliuluzwi kaufela, kwabuse bwani mwa tuyaho tuna mwa Rome, koo Bakreste bani bene ba cilwe ki litau, liluli li ka ba taza zazi leliñwi!

<sup>494</sup> Hakuna ku yo ba mabita kwabuse bwa lilundu la Kanya. Hakuna kuba lipakiso fa likwalo ze ka swala lipalisa za maswabi. Hakuna miyoko ye ka lotela fateni. Hakuna, hakuna. Hakuna sitenda kwa litoho. Hakuna ñundupula ye ka suluha. Kaufela li ka ba kanya kwani.

<sup>495</sup> Lu tuse, Mulena. Haiba kuna ni alimuñwi moo...ya bichelizwe kwa Mulalelo wa Sinawenga woo sa Ngunyana, puso ya myaha ze sikit za Mileniamu zee, ni kasamulaho ni kukena mwa Munzi kasamulaho wa Mukiti wa lilato la banyaliwa ufela. Mileniamu ki Mukiti fela wa banyaliwa. Mi Musali, yena Munyaliwa, unga Muuna... Munyali unga Munyaliwa wa Hae kwa Hae. Ki wa Hae. Munyali wa Hae; Munyaliwa wa Hae. Oh, U i lo lukisa Ndu, kuzwa Ha mu beezeza.

<sup>496</sup> Ha lubeñi ba niti ku Yena Yali yena Linzwi, kakuli ki Yena Linzwi. Hakuna taba kamba babañwi balika cwani ku lu shwaula, ba lu kasheza kwahule ni Lona; Mulena, ni hohele bukaufi luli.

Kakuli linako zeñwi Ni ikutwanga bulutu  
bakeñisa Lihalimu,  
Mi kanya ya lona Ni ta yo i buha Kwani;  
I ta yo ba tabo yecwani ha Ni bona Mupulusi  
wa ka,  
Mwa Munzi omunde wa ni wa gauda!

<sup>497</sup> Munzi otaha wa Munyali ni Munyaliwa! Wa kuta hape... [Hakuna manzwi fa tepu—Mu.]... utaha kwa Mulalelo wa Sinawenga; ukaba mazazi amalalu ni licika. Mi akute hape, mwa Mileniamu, kwa mukiti wa luna wa banyaliwa. Mi kipeto Uka—Uka tisa Munzi mwa ponahazo. Sina munyali ha i kungela munyaliwa kwa sibaka sesinde, munyaliwa yo munyinyani mwa yemelanga fani inza komokile ha talima ndu ya hae ya kwapili! Mi ka tumelo, kacenu, Mulena, lwa u bona mwabuse. U kaba ona mwa lifasi moo. U sepisize.

<sup>498</sup> Keleke ya Hao i ta liululwa kufelelela, leliñwi la mazazi aa. Mi kipeto lifasi la Hao li ka liululwa, ze siyezi kaufela za lona. Kono pili U liuluzi sicaba sa Hao, mibili ya bona ye bupilwe mwa lifasi.

<sup>499</sup> Lu tuse, Mulimu. Haiba kuna ni alimuñwi mo ya sa zibi hande ka zona, Mulena, ha li amuhele ka nako ye cwale.

<sup>500</sup> Na ziba ibile le li telele mi kwa cisa, kono, sicaba, haluna ku yemela mo kamita. Hanina kuba mulisana wa mina kamita. Ha lu boneñi ka niti.

“Kana kuna ni nzila, Muzwale Branham?”

<sup>501</sup> Eeni, amube siemba sa Linzwi, siemba sa Linzwi kacenu. Halukoni kuba siemba sa Linzwi la lizazi la Mushe; siemba seo si felile kale, ani neli mahutu. Luna lu kwa Toho cwale. Yo ki Kreste. Ha ki nako ya mazoho, kukutela ku Luther, batili. Ye ki nako ya Toho. Kreste, ki yena Licwe la kwa Toho, utaha mwa Mubili.

<sup>502</sup> Haiba ha mu ikutwi ka swanelo ka zona, kaufela fo mu konela, mu nanule mazoho kuli Ni bone. Mina basili mu inamise fela litoho za mina. Mulimu ami fuyaule.

<sup>503</sup> Muli, "Ni hupule mwa tapelo, Muzwale Branham. Ni bata ku yo ba kwani maswe maswe! Hani—Hani lati ku yo tondahala kwani, Muzwale Branham. Na—Na tatuba, Ni eza lika kaufela ze Ni kona, kono u ni lapelele kwatereni cwale, mukaba cwalo?" Mulimu ami fuyaule.

<sup>504</sup> Hamusweli ku nahana ka zona cwale, mulapele fela, muli, "Mulimu . . ." Li mwa pilu ya hao. Mwabona, haiba mu ikutwa nto ye hoha, yesweli ku coña kwa pilu, ki sona ona seo. Ki ona mulelo olika ku ipulela ili ona woo.

Ni tamehile kuya kwa Munzi omunde wani  
 Mulena ka u baakanyelize Ba Hae;  
 Koo ba Baliuluzwi ba masika kaufela  
 Ba ka opela "Kanya!" kupotoloha Lubona  
 Lolumweu.  
 Linako zeñwi Ni ikutwa bulutu bakeñisa  
 Lihalimu,  
 Mi kanya ya Mwateni Ni ya to buha;  
 I taba tabo yecwani ha Ni ta bona Mupulusi  
 waka,  
 Mwa Munzi omunde wani wa gauda!

<sup>505</sup> Ndate yakwa Lihalimu, lunge cwale, Mulena. Tuhela kuli Mulisana Yomutuna, Mulisana Yomutuna ya Liulula, Mulisana Yomutuna Yana siile Kanya, ka kuziba kuli yeñwi ya milelo ne i latehezi mwa misindi yemituna ya sibi yani, koo litongwani ni—ni lifolofolo li ka bulaya lingu zenyinyani; kono Yena a si ya malibela a minyako ya gauda, atahafafasi ma lifasi mi aezwa alimuñwi wa luna, ili kuli A bonahalise lilato la Mulimu ku luna. Kwani Aba fumana, babañwi ba bona mwa likopano, babañwi ba bona mwa ndu ya lilubo leli maswe, babañwi ba bona mwa mikwakwa, libofu, babañwi ba bona mwa mapalisa ni mwa makululu, kono A liulula mutu kaufela yoo Ndate na Mu lukiselize ku liululwa.

<sup>506</sup> Mi A lu luma, kuli lupile mwa siemba sa Linzwi le kwa masika a luna. Mi lu bona kucinciwa kokutuna kwa Luther, mwa lusika lwani; ni lwa Wesley; ni lwa Pentekota. Cwale lu libelezi licwe la kwa Toho la Munzi. O Mulimu, lu ziba lusika ni sepiso ye lulifwe ya lizazi le, kuli Lo mane luna ni kukutisezwu hape. "Liseli la manzibwana li ka buzwisa muselo wa lona. Mi ku ka ezahala kuli ku kaba lizazi le li si ke la bizwa musihali kamba busihu, li bizwa, kono mwa nako ya manzibwana ku kaba Liseli."

<sup>507</sup> Yena Mwana wa kanya yaswana yani wa Mulimu na Iponahalize mwa nama ya butu fa lifasi fa, inza eza sepiso kuba yepila ka swanelo, ya foufaza kwa meto a Bafarisi ni Basaduki ni Baheroda, ni babañwi cwalo.

<sup>508</sup> Mi kacenu li kutezi hape, ki Linzwi le li iponahaza inge fela mo Ne liinezi. Ki Linzwi, le li ziba likunutu za lipilu, ona

cwalo fela mo ne kuinezi, sina Mañolo ha bulela, ao mane hakoni kufosa. Lu tuse, Mulimu, ku li lemuha.

<sup>509</sup> Tusa ba cwale baba nanuzi mazoho a bona. Ha ba itiise nyana ka kutiya; ba apale lingandi za bona ka Evangelii ya kozo; ba apale lilwaniso zetezi za Mulimu; ba kwahelle kuwani yabona mwatasii; ba lwale tebe ya tumelo; bazamaye kwapili, kuzwa kacenu kuisa kwapili. Lumeleza cwalo, Mulena.

<sup>510</sup> Fa nako nyana fela, lu ka biziwa, mi Kuungelwa ku ka taha. Ki sikwata nyana fela, inge Enoke, kona se si ka shimbiwa.

<sup>511</sup> Mi, “bo masiyaleti ba peu ya musali, baba buluka milao ya Mulimu,” Majuda, “babana ni bupaki bwa Jesu Kreste,” Bamacaba, ba ka zumiwa sina linja, “mi ba ka fa bupilo bwa bona ka bupaki bwa bona.”

<sup>512</sup> Mi, kakusasana omuñwi omutuna, kupazula kwa Mileniamu, kakuli—kakuli Mukiti wa banyaliwa uka kalisa.

<sup>513</sup> “Mi kipeto bafu baba siyezi habana kupila konji kwa mafelelezo a myaha ye sikitii.” Mi, kwa mafelelezo a myaha ye sikitii, nekuna ni Katulo, kubonisa kuli Kama na li mwa areka. Mi Kama u sa limwateni mwahala baba siyezi. Bona bene ba Li utwile ni ku Lihana ba ka atulwa.

<sup>514</sup> Cwale, lumeleza cwalo, Mulena, kuli lu si ke lwa balelwaa mwahala bona, kono lu yoba mwahala baba bizelizwe kwa Mulalelo wa Sinawenga. Kakuli, lu lemuha Jesu mwahala luna kacenu. Lu ya hamoho ni Yena; kuzwa mwa lifasi, lu kena ku Yena. Ha lu zamayeñi kwapili mwa Munzi wani, lu tahe ni Yena.

<sup>515</sup> Luya lusupala, Mulena. Ha ni sana likutazo zeñata za ku kutaza. Kono Ni sepa ka kutala ku Wena. Ni bata Munzi wani, inge ndate Abraham mwa na pilezi. Kuna ni sesiñwi ku na se si ni bulelela kuli sa taha. Ni lika kwa libaka kaufela, Mulena, kuhasanya Liseli ni ku ba bisa. U si tuheleli yomuñwi wa baa, Mulena . . .

<sup>516</sup> Ha ki bunde ni boo, fa nako nyana, U ni patululezi sona. Kuzwa kwa buima bo bu likana limaili ze mianda ye fifitini, omuñwi fela *fa ni faale*, bainzi hamoho kacenu, ba ba ti lo kopanela mwa sibaka nyana silisiñwi, ba libelezi Munzi wani ku bonahala. Lu ipulela kuli lu bazamayi ni baenyi. Lu liñambangeti. Bahedeni, lifasi, la seha ni kuba ni lisheha; likopano za bulapeli za sheununa; kono ha lu zikinyehi ka lika ze cwalo. Lu eze kuba siemba sa Linzwi, Mulena, se si sa sutiswi. “Ku ka ezahala cwalo mwa mazazi a maungulo.” Ha i be luna, Mulena, ha lu baliwe mwahala bona. Lu kupa ka Libizo la Jesu. Amen.

<sup>517</sup> Mwa lumela cwalo? [Kopano ili, “Amen.”] Ha lu nanuleñi mazoho aluna sina *cwana*.

Ni tamehile kuya kwa Munzi omunde wani  
 Mulena ka u baakanyelize Ba Hae;  
 Koo ba Baliuluzwi ba masika kaufela  
 Ba ka opela “Kanya!” kupotoloha Lubona  
 Lolumweu.  
 Linako zeñwi Ni utwa bulutu bakeñisa  
 Lihalimu,  
 Koo Ni tayo buha kanya ya Mwateni;  
 Oh, itaba tabo yecwani ha Ni bona Mupulusi  
 wa ka,  
 Mwa Munzi omunde wani wa gauda!

<sup>518</sup> Cwale, haiba luna ni kuyopila mwa Munzi wani hamoho, amu swalane fela mwa mazoho ni mutu, muli, “Mulimu ami fuyole, muzamai. U zwelela kai? Louisiana, Georgia, Mississippi? Ni muzamai, nina. Ni bata Munzi wani.”

<sup>519</sup> Ni bata Munzi wani, Muzwale Neville, kwabuse kwani. Lu ya kulo kwani...?...Muzwale Capps, Ni bata Munzi wani, niteñi, busihu boo. [Muzwale Branham ukala kuñuñuna *Hakuna Kuyoswaba—Mu.*]

Ni kanya ya Mwateni Ni ta yo buha;  
 Itaba tabo yecwani ha Ni bona Mupulusi wa  
 ka,  
 Mwa Munzi omunde wani wa gauda!

Oh, bere ikaba ye musa, ni sitongwani si ka  
 tapiswa;  
 Mi tau i ka buta hamoho ni ngunyana, oh, eehe;  
 Mi sitongwani za mwa...si ka zamaiswa ki  
 mwana;  
 Mi Ni ka fetulwa, kufetulwa kuzwa mwa  
 sibupiwa se Ni li sona, oh, eehe.

Oh, ku ka yo ba kozo mwa musindi ya ka zazi  
 leliñwi;  
 Oh, ku ka yo ba kozo mwa musindi ya ka.  
 (Kiniti! Eehe!)  
 Hakuna ku yo ba maswabi, hakuna kuba  
 kulila, hakuna matata e Ni ka bona;  
 Mi ku kaba kozo mwa musindi ya ka.

<sup>520</sup> Mulena luna ya sa bonahali, kakusasana cwana, u ka  
 yo bonahala. Hanina ku yo talima Bill Dauch wa myaha ya  
 kupepwa ye nainte. Hamuna ku yo ni talima wa myaha ye  
 mashumi aketalizoho. Kono Ni ta cinciwá, Zazi lani.

Mi cwale sibatana sa mwa naheñi, ha si ta  
 zamaiswa ki mwana;  
 Kono Na ni ka fetulwa, kufetulwa kuzwa kwa  
 sibupiwa se Nili sona.

<sup>521</sup> Hamuna ku yo taba? Milili ya limbi ikabe i felile; maheta a weyukile. Kono bunde, ku sa shwa, zeo li ka yo yema mwa kuswana kwa Hae, kufita kubenza kwa lizazi. Oh, bunde!

...ya ka, O Mulena, Na lapela;  
Hakuna ku yo ba maswabi, hakuna kulila,  
hakuna matata e Ni ta bona;  
Mi ku ka yo ba kozo mwa musindi ya ka.

<sup>522</sup> Kona ze lu bezi moo. Ki ba bakai ba mina ba batokwa mata a musipili? Mulimu alufe ona! Mu ba bakai ba mina bakuli mwa mibili ya mina, masole ba ba holofezi? Silezi, kamba kufitelela. Mwa lumela kuli Utensi moo, yena Mulena ya sa bonahala? Lika ze bonahala; ze sa bonahali li bonahalizwe ki ze bonahala. Yena wa swana maabani, kacenu, ni kuyakuile, konji fela mubili wa nama. Cwale, haiba wo ki Moya wa Hae o kutilizwe ku na, Yena u ka eza misebezi ya Na ezize ha Na li faa. Oh, ha ki bunde!

Ni tamehile kuya kwa naha ya sepiso,  
Ni tamehile kuya kwa nahaya sepiso;  
Oh, ki mañi ya ta ya ni na?  
Ni tamehile kuya kwa naha ya sepiso.  
  
Mwahala mabala ani kaufela amatuna  
Kuka benya Lizazi lililiñwi la Kuyakuile;  
Teñi Mulimu yena Mwana uta busa kamita,  
Ni ku zwisa busihu.  
  
Oh, Ni tamehile kuya kwa naha ya sepiso,  
Ni tamehile kuya kwa naha ya sepiso;  
Oh, ki mañi ya ta ya ni na?  
Ni tamehile kuya kwa naha ya sepiso.

<sup>523</sup> Mianda ye ketalizoho ikena mwa nuka ya mwabuse, zazi la pili Lingeloi la Mulena la bonahala, ku paka, sina mwa Na ezelize fa Lilundu la Sinai, fo Ne ni Mu katani. Na kena mwa nuka, mi mianda anda inge ba opela pina yeswana yeo ya kolobezo. Ki Yo ataha, inza shetumuka, ona Siita se siswana sa Mulilo se mu bona mwa siswaniso faani; a shetumuka, ona kwanan kwa nuka, mi ali, "Sina Joani Mukolobezi mwa na lumezwi kuetelela kutaha kwa Hae kwa makalelo, Liñusa le li ka etelela Kutaha kwa bubeli." Mwabona? Ki fo he cwale, mwabona.

Oh, ki mañi ya ta ya ni na?  
Ni tamehile ku ya kwa naha ya sepiso.

<sup>524</sup> Ona Siita sa Mulilo se si swana sani siteni mo ni luna. Kana mu si lemuhibe? U bupile babañwi ba luna ka nto iliñwi, mi babañwi nto isili. Haiba muka kona, kuba kusina kukakanya, mulumele kuli U mwahala muyaho, Ni lumela kuli Uka iponahaza ili Yena ku mina. Kana ku ka mi kolisa? Haiba Ni sa fiti ku mutu kaufela... Seiya iba tuu kiloko, kono haiba mina... Seli nako nyana kasamulaho wa wani, nitaluse. Haiba mu ka lumela, Ha tulukefafasi ku luna! Ikai tumelo ya luna?

Mwabona, muna ni kulumela cwalo. Haiba mu sa kakanyi, neba hanyinyani, li ka beleka.

<sup>525</sup> Ni—Ni lemuha Kubateni kwa Pata yeipitezi ya Butu bwa Kreste, Yena yali Linzwi. Mi Bibele i ize, “Linzwi li... mata hahulu kufita mukwale o lozizwe kafa ni kafa, mi Li pumahanya mooko ni masapo, mi li lemuha maikuto a—mwa pilu, kupatulula likunutu za pilu.”

<sup>526</sup> Mutualime. Kiñi, Ne ni sa zibi lika zeo, myaha ya kwa mulaho. Mi ha Ni bulela cwalo, ni sa zibi zateni, mutualime sa Na ezize. Na ize, “Cwale u ka swalanga batu kwa lizoho, mi, usike wa nahana sika, u bulele fela so bulelelwa. Bulela kuli ki sitombo, kaufela seo sili sona.” Mi lali, “Ku ka ezahala kuli hauna kuezanga cwalo.” Mwabona? Mwabona? “Si ka lemuha nto yateni luli ye li ku bona.” Lu bile ni mifuta kaufela ya malikanyiso, lwa ziba cwalo, mane ika puma ni ba Baketilwe haiba ku konahala. Mutualime lika zeñwi kaufela mo li zamaelela ni Linzwi, kipeto mu ka ziba haiba li lukile kamba nee. Kono, niteñi, Jesu usiyala ali yaswana maabanim kacenu, ni kuyakuile.

<sup>527</sup> Ki ba bakai mwahali mo ba bakula, mi muziba kuli ha Ni mi zibi? Mu nanule mazoho, muli, “Ni—Ni ziba kuli ha u ni zibi.” Oh, fela ki, Ni sepa, kai ni kai. Nto fela yemuna ni kueza ki kulumela fela.

Lumela feela, lumela feela,  
Kaufela za konahala, lumela feela;  
Lumela feela, lumela feela,  
Kaufela za konahala, lumela feela.

<sup>528</sup> Jesu naize, “Mo ne kuinezi mwa mazazi a Sodoma, ki mo ku kabela ni Mwana mutu ha ka patululwa mwa lizazi la mafelelezo. Foo Mwana mutu ha ka patululwa, kamba, ha ka i patula Iliyena mwa lizazi la mafelelezo.” Cwale, isiñi mazazi a kale, mazazi a fahali; lizazi la maungulo, mwabona, U ka i patulula. Mi cwale lu mwa mazazi a maungulelo. Sodoma i tomile fela hande, lika kaufela, balumiwa, kaufela za swana.

<sup>529</sup> Ki sikamañi se ne si ezahalile ku—ku bo masiyaleti bene ba bizizwe ni sikuwata sa Abrahama? Nekuna ni Alimuñwi yana taha mwahala bona, mwa mubili wa butu; yana yemela mwa nama ya butu, inza ca ni bona, anwa ni bona, lico ze swana zene ba ca, lika kaufela. Na yemi mwahala bona, abulela Liñusa. Mi ki Hali, “Ni ka eza nto yetuna yee.”

<sup>530</sup> Mi Abrahama atundamena kubala, “Kana se ki sona? Ni bile ni bata Munzi. Kana yo ki yena Mulena?”

<sup>531</sup> Mi ki Hali, “Kiñi Sarah ha kakanyize?” Mwa tende, kwa mulaho wa Hae.

<sup>532</sup> Abrahama ali, “Mulena Mulimu, Elohim!” Kakuli, Na lemuhe milelo ya Sarah.

<sup>533</sup> Jesu naize li ka kutela hape Ha ka bonahala mwa lizazi a maungulo, yena Licwe la toho ha taha kwa Mubili. Ku to liulula ba . . . Bao ki ba baliuluzwi, ku to nga Ba Hae. U inzi ni luna.

<sup>534</sup> Cwale, kuna ni fela mazoho asilezi, kamba kufitelela, a nanuhile. Ni lumela kuli Mulimu wakona kufolisa kaufela mina. Kiniti. Na lumela mu folile. Ha ni lumeli kuli mutu luli wakona kuina mwa sibaka inge se kusina . . . mwa nako ye cwana ye, ni buino bwa nako ye, kusina kuziba, kulemuha sesiñwi.

<sup>535</sup> Ni bata kuli mu lapele. Ni bata kuli mubone se si fosahalile ni mina, mwa—mwa—mwa lipilu za mina, mwabona, ni ku kala kulapela, muli, “Mulena Jesu, patulula se. Na—Na bulela ku Wena se si fosahalile ku na. Mi cwale Wena u lume Moya o Kenile wa Hao ku Muzwale Branham, ku to taleleza sa bulezi kuba Niti, mwa Liñusa le la bulezi kacenu ka Wena, Ni ziba kuli ki yona Niti. Cwale, patulula ku na, Mulena. Bulela ku na.”

<sup>536</sup> Cwale li hasani, mwahala sibaka se moo. Kacwalo amu lapele fela, mi mu lumele fela ka lipilu za mina kaufela, kuli Mulimu ali pete.

<sup>537</sup> Cwale Ni bata kuli mu ni talime, ni kulapela. Inge fela Pitrosi ni Joani mo be ba bulelezi, “Lu talime.” Na bata nto yeñwi, mi u bata ku iamuhela. Mi ubata nto yeñwi, mi Ni lumela kuli u sutelezi kwa ku i amuhela. Na ize, “Lu talime.”

<sup>538</sup> Ki hali, “Silivera ni gauda, Hanina yona; kono ze Ni nani, Na kufa zona.”

<sup>539</sup> Cwale, foliso, Hanina yona. Kaufela zona li ku Kreste. Kono ze Ni nani, ili mpo ya Mulimu, Na kufa yona, tumelo ya ku Mu lumela. Cwale ka Libizo la Jesu Kreste, mañi ni mañi wa mina amufoliswe. Mulumele cwalo. Mwabona? “Haiba fela ukona kulumela!”

<sup>540</sup> Kalibe ya inzi foo, ya ni talimela. Nasweli kulila, mizuzu nyana yefitile, na la lapela. Una ni butata bwa kolu kona yemu kataza. Ha ni ku zibi. U mueñi ku na. Yeo ki niti, nji cwani. [Kezeli uli, “Ki cona.”—Mu.] Ha u zwi kwanu. U zwa kwa Chicago. Musala bo Alexander. Haiba yeo ki niti, nyunganyisa lizoho la hao. Cwale kuta kwa Chicago mi ube hande.

<sup>541</sup> Ki sikamañi sa sweli? Ki Nto yeswana ya na sweli musali wa butata bwa mwewya, mungundo wa sapalo sa Hae, ha ki sa ka.

<sup>542</sup> Ki yo fa kalibe nyana yainezi mwahala nyangela, haiba Ni kona ku mutusa ku ni utwisisa. Wena ya nanuzi toho ya hao neku le. Ha ni ku zibi. U muenyi ku na, kono ukatazwa ki butata bwa mwa mba. Muuna hao u inzi bukaufi ni wena. Una ni se si fosahalile mwa zebe. Libizo la hao ki wena Czap. Mu baeniyi kuna. Ha mu zweleli moo. Muzwa kwa Michigan. Yeo ki niti, amu nyanganyise mazoho amina. Mukutele kwa Michigani, muiketile. Tumelo ya hao kona ye ku folisa. “Haiba u kona ku lumela, lika kaufela za konahala.”

<sup>543</sup> Kalibe yomunyinyani foo ni butata bwa fa mumizo, yainezi kwa mulah kwa mafelelezo, uzwa kwa Georgia, utinile ze sweu. Kuta, kwa Georgia, uiketile. Jesu Kreste wa ku folisa. Kana wa lumela?

<sup>544</sup> Kalibe yainzi foo, ya ni talimela, kwa mafelelezo a sipula. Una ni butata bwa mwa ngo. U ka lumela cwalo, Mulimu uka mu folisa. Musala bo Brown, lumela ka pilu ya hao kaufela, Jesu Kreste wa ku... U muenyi ku na, kono Yena wa ku ziba. Uh-huh. Wa lumela cwalo? Nanula lizoho la hao. Yeo ki niti.

<sup>545</sup> Ya lobezi fa koti foo. Mu bulelele kuli atalime kwanu. U katazehile, u kulile. Kambe Ne ni ka kona ku mufolisa, Ne ni ka eza cwalo, sha. Hani koni ku mu folisa. Musali yo ha zweleli kwanu; u zwelela kwahule hule. U zwa kwa Missouri. Matata a hao ki mwamba. Kono haiba u ka lumela ka pilu ya hao kaufela, mi u sa kakanyi, Jesu Kreste wakona ku ku folisa; mi wakona ku kutela kwa Missouri, unzo iketile, ni ku yo bulela bupaki bwa hao. Wa lumela cwalo? Kipeto amuhela, mi pamula koti ya hao ukutele kwandu. Jesu Kreste wa ku folisa.

<sup>546</sup> Kana mwa lumela? Yeo kona ponahazo ya Kubateni kwa Mulena wa Kuyakuile. Kana mwa lumela cwalo cwale, ka lipilu za mina kaufela? Cwale, U ezize sikwenda, mwahala muyaho mo. Kikuli mwa lumela ka lipilu za mina kaufela? Mu lumela kuli muinzi fa pila Kubateni kwa Hae?

<sup>547</sup> Cwale, kana mwa lumela ni kuamuhela kuli mu alimuñwi wa lindumeleti za Mubuso woo? Munanule mazoho. Jesu naize, "Lisupo ze li ka ya ni baba lumela. Ha ba ka beya mazoho a bona fa bakuli, ba ka foliswa." Luna lu mutu ni mutu; mu siemba sa ka, Ni wa siemba sa mina; kaufela luna lu ba siemba sa Kreste. Cwale, hamoho, ha lu beyeni mazoho a luna ku mutu ni mutu.

<sup>548</sup> Ona fa, musali ya inzi fa koti u nanuhile, wa zamaya zamaya, uya kwa hae ali ya folile. Amen.

<sup>549</sup> Mina, mañi ni mañi, mu folile, haiba mu ka lumela cwalo. Cwale amu beye mazoho amina ku mutu ni mutu, mi mina mu siemba sa Kreste yoo. U lapelele mutu yo beile mazoho yoo, mo batela kulapela kaufela.

<sup>550</sup> Mulena Jesu, lwa Ku lemuha kulo moo. Ki wena Mulena luna; U itibahaza ili Wena mwahala luna. Lwa itumela ku Wena ka Kubateni kwaa. Mi, Mulena, U ize, "Ha mu ka bulelela lilundi leo kuli, 'Shenya,' kusina ku kakanya; mulumela se mu bulezzi kuli si ka ezahala, mwakona kuba ni sona, mwakona kuba ni se mu bulezzi."

<sup>551</sup> Mi, ka ku utwela taelo ye, ka kuutwela taelo ya Linzwi la Mulimu le li sa palelwi, luna ka kuba lindumeleti za Hao ze swa kwa butelele bwa limaili ze mianda ye fifitini sina Munzi, lu bulela ku Satani, ili diabolosi ya tuzwi luli, "Mafelelezo a hao ki ku cisiwa. Luna lu lindumeleti ze zwa kwa Munzi o likanelela maneku kaufela, ki Munzi koo Ngunnyana ki yena Liseli. Luna lu

milelo ye bonahalile ya Mulimu Yamata kaufela, bao Jesu Kreste a liuluzi ka muhau wa Hae.”

<sup>552</sup> Satani, zwa kubona, mi usiye mutu kaufela ya kula moo, ka Libizo la Jesu Kreste. Mazoho a kenile a liuluzwi, kakuli ba lumela Linzwi ni milelo ya muhupulo wa Mulimu, cwale mazoho ao abeilwe ku mutu ni mutu. Ha u sa kona ku ba swala ni kamuta. Zwa mwateni, ka Libizo la Jesu Kreste!

<sup>553</sup> Cwale, ka Libizo la Mulena Jesu, cwale, Uteni moo. Linzwi la Hae libulela kuli Uteni moo. Kubateni kwa hao ni tumelo ya hao li bulela, kuli, u alimuñwi wa lindumeleti. Mane nihaiba buima bwa sibaka kaufela bo lukona kubonisa, bu cwalo. Kana mwa lemuha kuli mu bana ba ba liuluzwi bashimani ni basizana ba Mulimu? Mwa lemuha *se* kuba Munzi wa mina? *Se* kona ko mu ka ya.

<sup>554</sup> Kona ha mu tahanga kwanu, kona ha mu taha ku Kreste, muca za Linzwi la Hae. Mi haiba mukona kuba ni nako yeswana sina ye, fa, ka milelo ya Hae ye bonahalile, ku ka yo ba cwani ha lu ta yo ba fapila Kubateni kwa Hae? Oh, ku ka yo ba hande! Mañi ni mañi wa mina una ni tukelo ya kufolisa ya kula, amubeye mazoho a mina fa bakuli. Mañi ni mañi wa mina una ni tukelo ya ku kolobeza.

<sup>555</sup> Haiba kuna ni mutu mo ya si ka kolobezwa ka Libizo la Jesu Kreste, lisa li kwaluhile.

<sup>556</sup> Yeo kona nzila fela inosi ye mu ka kona, uh-huh, yeo ki niti, ki ku utwela Linzwi kaufela. Muhupule, kalulo iliñwi nyana fela ya Linzwi, kwa simuluho, kona ye tisize sibi kaufela fa lifasi. Jesu naize, “Kaufela ya ka zwisa kwateni Linzwi ku Aa, kamba kuekeza linzwi ku Lona, haana ku yo kena.” Libizo la hae li zwisizwe mwa Buka, a sa eza fela cwalo.

<sup>557</sup> Mi hakuna sibaka mwa Bibele koo mutu kaufela akile a kolobezwa, mwa Keleke, ka mukwa usili mi isi ka Libizo la Jesu Kreste. Haiba ha u si ka kolobezwa kale ka nzila yeo, kihande u kolobezwe.

<sup>558</sup> “Oh,” mu li, “hakuna shutano ni yekana.” Ne ibileteni ku Eva.

<sup>559</sup> Satani naize, “Oh, luli, Mulimu, wa ziba Mulimu . . .” Kono, Na ezize. Na bulezzi cwalo.

<sup>560</sup> Na file Pitrosi linotolo za Mubuso, mi se ne si tamilwe kwa Pentekota si tamilwe kuyakuile. Leo kona libaka Munyaliwa hatahile mwa ponahazo yenca, ka nako ya bubeli; ku lukela kuba Keleke ye bizizwe mwa lizazi la maungulo, sina mo ne kuinezi mwa lizazi la pili, ona cwalo fela. Kota i zwile kwa mibisi ya yona, kutaha kwa kuba Kota ya Munyaliwa, sina mo ne i ezelize ka nako yani; Siemba sa Mulimu sa butokwa hape, sina ha ne Ni bulezzi Lisunda zepeli kwa mulaho, ku ngelwa mwa Munzi.

Mulimu a mi fuyaule. “Na cwale na lumela.”

<sup>561</sup> Satani u komilwe. Wa ziba cwalo. Uteni mwa lifasi, u zamaya sina tau ye lila. Hakuna kunga nako kufitela, oh, u felile. Wa ziba nako ya hae. U zamaya inge tau ye lila.

<sup>562</sup> Kono, muhupule, Mulena wa Kozo uyemi fa kaufi; yena Yomutuna Ya Pahami. Mubupi wa sibupeho sa ka, Mubupi Yana ni yahile seo Ni li sona, Yana bupile wena seo uli sona, uteni moo. Haiba Muyahi, Ya ziba mwa ku tungekela muyaho hamoho, sibaka sa ona hande, ki mañi yaziba hande kufita Muyahi? Mi Yena uteni mo kupaka cwalo, Yena luli, Uteni moo.

<sup>563</sup> Cwale li tingile fa tumelo ya mina. Mulumele, kulumela feela! Uh-huh.

Ni tamehile kuya kwa Munzi wani  
 Mulena ka u i lo baakanyeza Ba Hae;  
 Koo ba Baliuluzwi ba masika kaufela  
 Ba ka opela “Kanya!” kupotoloha Lubona  
 Lolumweu.

Linako zeñwi Ni i tahelwa ki bulutu bakeñisa  
 Lihalimu (ze kaufela ha se li felile),  
 Mi kanya ya Mwateni Ni ta yo buha;  
 Ita yo ba tabo yecwani ha Ni bona mupulusi wa  
 ka,

Mwa Munzi omunde wani wa gauda!

<sup>564</sup> Muhupule, kwa keleke, busihu boo, ba ka fa mulalelo. Haiba muteni mo mwa muleneñi, niteni, mi mutabela kutaha, lu ka tabela kuba ni mina. Ki kupuzo ya ze lu ka yo ca, leliñwi la mazazi aa, ni Yena.

<sup>565</sup> Na mi lata. Ha ni zibi mwa ku bulelela. Ni sepa kuli mu lizwai la lifasi. Mi Ni utwa muezezo wa mina kwande mwa lifasi, kipeto seo si ni fa sepo yetuna ku mina.

<sup>566</sup> Kono, munahane, sikwata nyana se sikaba, ka mo lubezi babande, si ka lobiwa, leliñwi la mazazi aa. Lu ka lola ka zona. Kono haiba alimuñwi wa luna atimela lu si ka yo kopana kale hape, lu ka . . .

Ni ka yo mi katana kakusasana, fakaufi ni  
 nuka yende fa likamba,  
 Foo mioko kaufela ha se i takuzwi;  
 Ni ka yo yema fa likamba, minyako ha i ta  
 kwaluha,  
 Kwa mafeleleo a butelele bwa bupilo, lizazi la  
 mikatalo.

Ni ka yo ku katana kakusasana, bukaufi ni  
 nuka kwa likamba,

Ni latehile fahali.

. . . -wena bukaufi ni nuka, mi, ni kuungelwa,  
 balikani bakale bakopane sinca;

Ni ka yo kubona kwani, kuku ziba.

U ka yo ziba kakusasana, ka lumenyo lo Ni ka  
yo apala,  
Ni ka yo ku katana kakusasana, mwa Munzi, o  
yahilwe kulikanelela.

<sup>567</sup> Mwa lata cwalo? "Kufitela lu kopana!" Cwale ha lu yemeñi.  
*Unge Libizo La Jesu Ko Uya*, lufe munembo.

<sup>568</sup> Mwa Mu lata? [Kopano ili, "Amen."—Mu.] Kana Ha ki  
yomunde? ["Amen."] Kana mwa lumela kuli ye ki Niti? ["Amen."] Kana mu libile nzila yeo, ka muhau wa Mulimu? ["Amen."] Kufitela lufita kwani:

U nge Libizo la Jesu ko muya,  
Kuba tebe kwa sila kaufela;  
Mi cwale miliko ha i ku beya mwahali,  
Bulela fela Libizo leli kenile leo mwa tapelo.

Kona zo lukela fela kueza, kufitela lu mi bona hape.  
Ku lukile.

U nge Libizo la Jesu ko uya,  
Mwana wa manyando ni . . .

[Yomuñwi uli, "Busihu boo?"—Mu.] Batili.

Li ka kufa tabo ni nyakalalo,  
Linge kaufela ko uya.

Libizo Lelinde, Oh kwa munati!  
Sepo ya lifasi ni tabo ya Lihalimu;  
Libizo Lelinde, Oh kwa munati!  
Sepo ya lifasi ni tabo ya Lihalimu.

<sup>569</sup> Cwale, Ne ni na ni kutula Liñusa la ka. Zazi leliñwi, Mulena ha lata, Ni ka kuta kutonga "linzila," ze ni ku talima sinca, mwabona, ko lukona kuba ni nako yeñata. Mubile mubilaela ka za kusaina nako yetelele hahulu. Lubile cwalo, kacenu. Kwa cisa. Kono, cwale, Mulimu ami fuyaule. Na lata kuopela ko kucwalo.

<sup>570</sup> Muyaha tuko fa, naize, busihu bobuñwi ha ne ba timile sipika ya fande, ali, "Ni ikozi Liñusa hahulu, kono kiñi ha mu timile kuopela kokunde kwani, mwabona, fande?" Kacwalo, muyaha mabapa, haiba wa teezea kakusasana cwana, Ni sepa luna ni bo muyaha mabapa babande ku babapila mwa Jeffersonville. Lu pakiñanga limota zaluna fapata a mandu a bona ni lika kaufela; hakuna ze ba bulela ka zona; luzwelapili fela. Kacwalo, lwa itumela ku bona cwale.

<sup>571</sup> Oh, ha ki bunde ni boo Mo abezi! Mulimu abe ni mina cwale.

. . . Libizo, Oh, kwa munati!  
Sepo ya lifasi ni tabo ya Lihalimu.  
Kufitela lu kopana . . .

<sup>572</sup> Halu inamiseñi toho za luna. Mulisana uka lu lukulula, mwa mizuzu yelikani fela. Mulimu abe ni mina!

. . . lu kopane kwa mautu a Jesu, (mwa Munzi  
omutuna, kwa Lubona),  
Kufitela lu kopana! kufitela lu kopana!  
Mulimu abe ni mina kufitela lu kopana.



*MUNZI OTAHAWA MUNYALI WA  
LIHALIMU NI MUNYALIWA WA LIFASI* LOZ64-0802

(The Future Home Of The Heavenly Bridegroom And The Earthly Bride)

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda kakusasana, Muyana 2, 1964, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)